


Земляк мой

11.2017

ВЫЛЬ НЕБӖГ



ББК 84(2=411.2)6-5
Н 27

Напалков В.Е. Лэбӧны вояс... Кывбуръяс, поэма.— Сыктывкар:
«Услуги типографии», 2017.— 160с.

«Лэбӧны вояс...» небӧгӧ пыртӧма Виктор Напалковлысь и вод-
дзадзык, и бӧръя кадӧ гижӧм кывбуръяс да «Поп пи» поэма. Наын
тӧдчӧ чужан му дінӧ чусмывтӧм муслун, коми вӧр-валӧн, коми
войтырлӧн талунъя да аския лун вӧсна тӧждысьӧм да сӧлӧм дой.

ПЕТӖ 1926 ВОСЯНЬ

ЛЭДЗӖНЫ: КОМИ РЕСПУБЛИКАСА ЮРАЛЫСЬЛӖН АДМИНИСТРАЦИЯ,
КОМИ РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

11 ВӖЛЬГЫМ (НОЯБРЬ) 2017

ТАЙӖ НОМЕРЫН:

ЧолӖмалам!	3
Елена АФАНАСЬЕВА. «...И лолӖй бара радейтӖмӖн ойдӖ».	
Кывбуръяс	4
Алексей ПОПОВ. Асывсянъ рытӖдз. Висът	7
Нина ОБРЕЗКОВА. Коми кывйӖс ёрт пыдди ме босьта...	
Кывбуръяс	30
Анжелика ЕЛФИМОВА. СидзкӖ, сора кызъ витӖд лунӖ!	
Эн вунӖд! Висът	33

ВЫЛЬ НИМ

Анастасия СУКГОЕВА. Лестукъясысь вурӖм эшкын.	
Висът	45

ВОЯС ДА ЙӖЗ

Никон ХАТАНЗЕЙСКИЙ. Чумсянъ ылӖдз тыдалӖ	51
Владимир ТИМИН. Лунысь-лунся пасйӖдъяс. Дневник	59

12+

Обложка вылын снимокыс Евгений КозловӖн.

© «Войвыв кодзув» («Северная звезда»), 2017 г.

СЫКТЫВКАР

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

АДМИНИСТРАЦИЯ ГЛАВЫ РЕСПУБЛИКИ КОМИ

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОБЩЕСТВЕННОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР ПЛЕТЦЕР Е.В.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

УЛЬЯНОВ А.В.

УЛЯШЕВ О.И.

ЛИМЕРОВА В.А.



Чолөмалам!

Пыдди пуктана

Елена Евгеньевна!

Став сёлөмсянь чолөмалам Тэнö, енбуа гижысьёс, Россияса гижысь котырö пырысьёс, тшупöда пасөн, 50 арöс тырёмөн.

Вочасөн воис сійö кадыс, кор нин позьö кутшöмакö артавны-муртавны олан туйтö.

Тэнад аслысяма, гожся төвру кодь мелі кывбургысыд уналысь вөрзёдöны сёлөм кылöмгыассö, чуйдöдöны виль синмөн видзöдлыны матігöгöрсö да Тэкöд öттиöтши казавны мыйкö вильтор, некор на адзывлытöмтор да кывлытöмтор.

Аслыспөлöс руйн öвтöны и Тэнад прозаа гижöдгысыд да «Дуда платтьöа» мойдыд. Лыддьысьысь Тэкöд тиöтши пырöдчö мöд нога, öнöдз на тöдлытöм олöмö.

Став гижöдыд Тэнад топыда йитчöма чужаніныдкöд, Тэ кужöмөн восьтан лыддьысьысь водзын сылысь торъялана мичлунсö: помтöм-дортöм вöрыс, муыс и ваыс Тэнад гижöдгысын ловзёны да олöны мортыскöд öти лолөн.

Творчествоысь öтдор Тэ уна вын да кад сетан, мед казавны-быдтыны том гижысьясöс, отсалан налы сөвмöдны ассьыныс сямсö да кужанлунсö.

Сиам Тэныд, Елена Евгеньевна, став бурсö: кузь нэм да ыджыд шуд, семьяад тыр-лада олöм, водзö вылö на чужтыны да лöсьöдны верстьöлы и поснили уна шензёдана гижöд.



Коми Республикаса гижысь котыр,
«Войвыв кодзув» журнал редакция.

«...И лолöй бара радейтöмөн ойдö»

КЫВБУРЪЯС

* * *

Медводзын
лэбысь
лэбачыс
уси.

Мукöдыс
воисны
киöдзö —
ловъяöсь,
ловъяöсь.

Медводдза кывбур —
медводзын лэбысьыс —
киам
эз сетчы.

* * *

Чардбиён чашкөдөм пучер костö
ланьтöма рытья шондi.
И меным колö сы пыр мунны,
Медым тöдны,
Кытчö менам туйыс.

Черань лэчкö шедөм бобувлөн
Ем йыв ыджда сьölöмыс чеччö.
И меным колö сы пыр мунны,
Медым тöдны,
Кытчö менам туйыс.

Туйöс кресталис мөд туйөн тэнад радейтөм.
И меным колö сы пыр мунны,
Медым тöдны,
Кытчö менам туйыс.

И эм вын — кусөм дзоридзьяс ловзьöны...
И меным колö сы пыр мунны,
Медым тöдны,
Кытчö менам туйыс.

* * *

Вои!
А гортын кутшом лосьыд көка войыс!
И вочаалө менө лыдтом воййыв,

И ворсө өшиньясын асья кыа,
И өтка кодзув енэж йирсьыс кыя.

Кок улам синмыс югыз лысва войтлөн.
И лолөй бара радейтөмөн ойдө.

Ы ю

Ёльлөн
сьод синмө видзөда,
некөн
некутшом ю
лов пытшкам
сы моз оз письт.
Мед тані,
вөр пытшкын,
пемьд,
и зарнисө
шонді
оз кисьт.

Лөсялө миян вирным:
— Ме тэ кодь жө,
вөрса ёль!
Радейта овны ас тырнам
и лунтырйөн, овлө, ог голь.

Ме тэ дорө мөвпнам унаысь вола...
Абу кө тан көнкө чужөма лолөй.

* * *

Олялы

Берегдор мынясө* —
кусом кодзувьясөс быттьө —
кодкө сьвкнитөма эзысь ю дорө.
Мөвпнам тшөкыда воывла татчө —
Путшкымдин берегө,
көні челядьдырйи колины гожся луньяс.
Тані то сулаліс Ванялөн пыжыс,
тані — Сашкөлөн.
А тані
ми Оля чойкөд
пожъясьлім

да чукӧртім мыняяс.
И век кӧсйим аддзыны медся-медсясӧ.
Гашкӧ, тайӧ изторъясыс бӧрыннас и лоины менам
мӧвпъясӧн...

Кадысь кадӧ
юрвежысь выльысь и выльысь
корсяла найӧс
да век кӧся аддзыны медся-медсясӧ.

Олялы сэки век мойвиліс.
Сылӧн кийс ачыс аддзалис медбурсӧ.

Чой важӧн нин абу.
А ме пыр на корся видзӧдласнам сійӧс,
мед петкӧдлыны миян ськӧд берегысь выльӧн на аддзӧм
мыйӧнкӧ менӧ чуймӧдысь
изтор.

* * *

Нинӧм эз ло.
Сӧмын му-ваыс вольсассис лымйӧн.

Нинӧм эз ло.
Но а мыйлакӧ ме тэнад сывйын.

Нинӧм эз ло.
Сӧмын сибӧдча топыда тэлань.

Нинӧм эз ло.
Но а мыйлакӧ ловтӧ ме кела.

Нинӧм эз ло.
Водзӧ вуджны-ӧ берегтӧм юсӧ?

Нинӧм эз ло.
Сӧмын кысь ӧні аддзыны мусӧ?

❖ ❖ ❖



Асывсянь рытöдз

ВИСЬТ

Васька Митрей бара тавой эз вермы бура узыны. Тöвся кö-дзыдсьыс кынмöм стенъясыс ыркöдiсны керка пытшсö. Тöлыс мый вынсьыс зiлис пырны и öшинь костъясöд. Дерт, арнас сi-йö быттö сэтi бура и сюявлiс, но писькöдчан туйыд тай кöдзы-дыдлы, майбыр, сюри. Та вöсна войбыднад шоныдыс керка пытш-кас ёнасö абу и кольöма. Кыз шебрас улысь петны весиг абу окота. Та вöсна Васька Митрей дзикöдз садьмöм бöрас час кы-мын на куйлiс. Унмовськöдчыны эськö кöсйис на да, но эз вермы. Сувтiс, ломтiс ыджыд пачсö. Сэсся кутiс корсьны мыжа-ös, кодi сылы эз лэдз бурасö узыны. Дерт жö, каньыс мыжмис таысь.

— Тэ тай вылö кавшасин, а сэсся шебрас улö на мырдысьөн суйсин,— босьтчис броткöдчыны сийö.— Мый он вочавидз? Кыс-кыс, кöнi нö тэ? Гындей, лок пет. Дзебсин? Мыжтö кылан жö. Лок. Кыс-кыс! Гындей, мися. Мыччысь, ог нинöм тэкöд вöч. Талун оз позь.

Асывнас радио пыр висьталiсны, прöштша коран лун пö та-лун. Локтас кö каньыс, прöститас ставсьыс. Ачыс мыжаыс, мый лёка узис. Тöрыт луннас вугыртлiс, да сийөн унмыс торксис. Талун оз сэсся узян лэчкас шедöдчыв. Сэки шкоргас сэсся бура.

— Кысук, кöнi нö тэ?— корсьысис Васька Митрей.— Он кö лок и эн лок. Дзебсясь. Кынöмыд сюммас, да петан. Ме корсьысьны ог кут.

Со öд олöмыс! Асывбыд босьтчис канькöд бара варовитны. Кодкöд нö сэсся? Керка помас кö ловъя лолыс абу. Гындейыс эм да и то бур. И сийö со дзебсьöма да оз шыась. Неважөн бара энъ каньяс бöрся уськöдчылiс котравны да вежон сайö довъялiс. Сэки со аскöдыс ковмис варовитны. Ачыс юасьö, ачыс и вочавидзö. Пинясьыштiс на аскöдыс и. Кыдз нö сытöгыс — вензьытöгыс. Талун оз сэсся кут. Прöштша коран лун пö да. Час, рöмпöштан водзас кöть сувтлас. Сэни кöть сы кодь чужöма морт мыччыслас. Рöмпöштансянь сы вылö видзöдiс дзор юрсиа

олёма морт. Чуқырыс плеш пасьталаыс сярвидзё. Абу скөр чу-
жёма. Бөръя каднас Васька Митрей тшөкыда сувтлывліс рөм-
пöштан водзас. Быттё сёрнитан ёртөс сэтысь казьявліс. Со и
өні варовитны босьтчис:

— Прөстит, Митрей, вай менö.

Мый нö тайö татшöмыс? Ачыс ассьыс прöштша нин корö.
Со öд, öтнадөн сизим вотö олігөн кытчöдз воис. Прөститас,
дерт, рөмпöштансянь видзöдысь Митрейыс сійöс. Кытчö тон
воштысяс. Да и мыйысь сылы Васька Митрей вылö дöзмынысö.
Сы водзын пöльлөн некутшöм мыж абу. Көмөдö-пасьтöдö, вердö-
юкталö. Кыдз сяммö, сідзи и видзö. Неыджыд пенсияыс, да та-
ысь бурасö оз вермы. Таысь, гашкö, прöштшасö корны ассьыс да?
Таысь эськö оз да. Абу öд сійö мыжаыс. Мыйта сетісны. Винаөн
на со юктöдыштлö и. Корсюрö.

— Мый чужöмтö вежньöдлан?— пинясьыштіс на рөмпöштан-
сянь видзöдчысь вылö Васька Митрей.— Этшайысь юктöдла да
сійөн али мый? Абу öд тай нин том, унасö юны. Сьölöмыд уна-
сьыс сувтас. Сэки мый кутан вöчны?

Но да ладнö. Тырмас сэсся ськөд тшөкөлдывайтны. Öтилысь
со прöштшасö корёма лои. Мукöдсö оз жö вунöдны позь. Пач
ломтöм бöрас мыйсюрö слöймис нин сүйны пачас. Картопельыс
дась. Дерт, кульны колö. Дыш вöлі весавнысö. Сы дорö сола
тшак пыртіс. Черитор на сюрышті и. Няныд на эм и. Калбас
на көзöдын куйлö. Мый сэсся öтка олысьыдлы колö? Тырмас
тайö. Вытьтöгыд уна он сёй. Пызан вылö картопель чутун вайöм
бöрын бара каньыс дум вылас уси.

— Кыс-кыс. Гындей. Лок, калбасөн чöсмöдла.

Öдйö тай локтіс. Калбас дуксö кыліс да. Мед сёйыштас.
Картопельсö оз на сет. Пöсь на. Вом пытшкөсыс поркъялас.
Чöскыд, тыдалö, каньыслы калбасыд. Сэтшöм öдйö варзайтö-
сёйö. Горшас тасасяс, да мый кутас вöчнысö. Гындейыд Гындей
и эм. Став гын сапöг сылысь чашйис гыжъяссö кеслігөн. «Сёй-
сёй. Бырас, да нöшта на сета. Прөстит, мый пинявла корсюрö.
Эн дивит сыысь». Тадзи мөвпаліс каньысь азыма сёйöмсö видзö-
дігөн пöль. Сылы кө эськö татшöм азымлуныс! Но абу. Пöt ка-
ныс сэсся зырасьыштіс сылөн гынкöма кокъясас. Тыдалö, прөсти-
тіс войнас эшкын улысь вöтлöмсьыс. Кодлысь нöшта и прöштша-
сö корны? Шыръяслысь да тöрөканъяслысь али мый? Абуöсь да.
Шыръяссö кань куталö, тöрөканъяссö ачыс бырöдіс. Йöзыслысь
прöштша корны сöмын и коли. Кодъяслысь медводз и корны
кутас? Кулөмаяслысь али ловъялысь? Мөдарьюгыдсаясылысь
али татчөссаясылысь? Таладорсаясылысь кө, водзджык на-а.
Мөдарьюгыдас мунысьясянныс босьтчас. Олысьясыс оз на
слöймыны кувны сылөн тшай юигкостас. Мед виччысьыштасны.
Пуксис пызан сайö да кутіс мөвпавны, кодлысь и прöштшасö
медводз корны босьтчас. Сэсся юрас дөвгöм мөвпысь весиг ас
вылас скөрмис. Курыдтортö вайны вунöдіс да. Сытöг нö кутшöм
прöштша корöм. Нöшта на дöзмыны вермасны-а. Ковмас вайны.
Сувтліс да вайис водка доз. Дзик на восьтывтöмöс. Стöканъясö
кисьталіс пöсь тшай. Öти стопкаö тырыс кисьтіс водка. Тайö
батыслы. Мамыс эз юлы да. Тьöщаыс эськö и юыштліс, но
сылы оз кисьт. Зэв кокни руа юöм бöрас вöлі да. Кисьтан да
юас кө, то мөдарьюгыдсö путкыльтас. Кодкöд и босьтчыны ва-

ровитнысö? Батьыскöд кö-а. Со öд вежöрьд. Сылы кисьтис, а аслыс и вунöдис. Кисьтыштис жö. Эз уна. Точкисьом радиыс сöмын. Асывсянь кö унасö юас, то мый сэк лоас. Сидз нин юрыс висьö да. Вом дорас босьтыштас, и тырмас. Мыйсяма юр сылön лои. Снимокъяссö вайны вунöдис. Кытön найö и куйлöны. Час, пукталас ас водзас. Ветлис, корсялис ставыслысь снимокъяссö да пукталис пызан былö. Öнi бур лоас. Көть нин ставныс син водзас лоины. А то öта-мöдтö аддзытöг кутшöм сёрни.

— Но, батьö, вай первой точкисям, юыштам да сэсся сёрнитыштам,— босьтис стопкасö да точкисис батыслы былö лосьöдöм стопкаыскöд. Сэсся та бöрын инмöдчлис стопканас картупель тыра чугунö, тшак тасьтiö да чери дозйö.

— Вошйы, батьö, сёян дорас. Эн дивит, мый абу уна сёяныс. Мый син улö уси, сийöс и лосьöдi. Ачыд тай аддзан, мый öтнамön со коли. Кодлы унасö дасьтан. Меным и тайö тырмас. Юышт, паньышт. Юыштiн? Ме со тшöтш неуна видлi. Эн дивит воддзасьыс, кор тай унаджык юlöма лолi. Том на вöли да верми. Öнi со ог. Дугдыны дзыкöдз эг жö дугды, но ог уна ю. Шонöдчöм ради сöмын. Батьö, прöштша коран лун пö талун. Ачым эськö ог и тöд вöли, да радио пыр висьталисны. Прöстит, верман кö, ставсьыс, мыйысь мыжа тэ водзын вöли. Ыджыд мыжыс эськö кысь да. Неуна сöмын, гашкö.

Мыйысь и прöштшасö корны кутас? Гашкö, сэксасьыс, кор тай... Мый и сэкинас вöли? Кутшöм «сэки» йылысь и думайтö? Оз и тöд. Но öд сёрнисö колö водзö нуöдны. Босьтчис кö нин. Со и нуöдис:

— Öти кывйön кö — прöстит дай ставыс. Но аддзылан кö, быттöкö, сэтысь Петыр Мишöс, то сылы сидзи и висьтав, мый Васька Митрей сийöс абу на прöститöма. Көсий эськö мамöлы та йылысь шуны, да тэныд нин висьтала. Тэ топыд вома, этша сёрниа вöлин да. Мамö чöv овнытö эз вермыв. Сылы кö висьтала тайöс, то Сане гöтырлы пырысьтöм-пыр и брольснитас. Быттö ставныд кö öтлаынöсь сэнi. А Саней бара вежöгтыны босьтчас. Та вöсна тэныд со и шуа, мый паныдасян кö Петыр Мишкöд, то сидзи и шу, мый Васька Митрей некыдзи оз вермы прöститны сийöс Ритасö мырддьöмысь.

Васька Митрей ланьтис да босьтчис ас кежысь мövпавны, мый нöшта колö батыслы шуны, паныдасяс кö быттö сэнi Петыр Мишыскöд. И нöшта со мый мед шуас: «Тэ, Мишö, абу кужöмыд Ритасö бур ногön овны велöдны. Абу и сяммöмыд сисö веськöдны. Пöрысьöдз олöма, да сямыс абу и вежсьöма. Век на важ мозыс ышнясьö». Кытысь тайöс тöдö? Тöдö дай ставыс. Весиг батыслы ставсö оз висьтав. Тайöс мövпыштöм бöрын водзö батыскöд сёрнитис гораа нин:

— Пöлинö, батьö, вай менö прöстит со мыйысь. Ме öд тэнö ылöдлi сэкинад, кор тай висьталi, мый карад велöдчынысö дышöдiс да сийön бөр локтi. Эз дышöд, вöтлисны менö сэк. Лёка велöдчöмысь. Эг сяммы ме ставсö тайöс велöдны, абу, тыдалö, сётöма Енмыс меным вьвтi сюсь вежöрсö. Пырны эськö институтас пыри, а велöдчыны эг вермы. Эз сетчы. Да и кутшöм нö меысь эськö школаын велöдысь лои? Йöз серам сöмын и артмис. Со и вöтлисны, унатор эг сяммы сдайтнысö да. Прöстит менö, мый ылöдлöма лои. Яндзим вöли збыльсö висьтавны да. Но öд эг тай

сэсса тэнад сылі вылын օшав. Трактористօ велօдчыны ветлі. А веськыда кօ нин шуны, то абу и ме мыжаыс. Тэ օд тай сօмнад эн жօ ёнасօ отсав. Неуна сетыштлі н сօмын. Эз тырмы меным. Ковмис удж корсьны. А войбыд уджалігад кутшօм нин велօдчօм. Со и эг нинօм велав. Тօда эськօ, мый абу и дзик ставсьыс тэ, батьօ, мыжаыс да. Челядтօ уна лօсьօдлі н, да збыльыс сօмыс менлы вылօ эз вичмыв. Но օд оз ков вօлі сы мыйтасօ лօсьօдны! Мый ме и шуала? Ачым ог тօд. Эн дивит, батьօ. Прօстит дай ставыс.

Сэсса и дзик нинօмыс Васька Митрейлы батыслыс прօштасօ корны. Оз кօ быттօ эсыыс. Оз, сыыс оз. Тайօс эз тօдлы да, нинօм и օні тօднысօ. А օні сэсса мамыскօд варовитыштас. Сօмын тай сылы вылօ лօсьօдօм тшайыс нин кօдзалис-а. Батыскօд сёрнитігօн. Ветліс да пօсь ва вайис. Пачводзас тшайныкыс вօлі да абу на кօдзалօма. Пызан дорօ локтігмозыс сувтліс на рօмпօштан водзад. Бара на сёрни паніс сэсянь видзօдчыс пօльыскօд.

— Мый нօ сәні сюсьялан? Сёрни панօм виччысян. Абу менам кадыс тэкօд тшօкօлдывайтнысօ. Мамօ виччысօ.

И чушиктіс пызанлань.

— Мамօ, эн дивит, мый батьօлы кисьтыштօма лои,— мамыслыс снимоксօ киас босьтօм бօрын босьтчис сёрнитны ськօд Васька Митрей.— Эн радейтлы тэ сылыс юօмсօ да. Мед, неуна кօ юыштіс талун. Прօстит сійօс. Вошйив сёян дорас. Бара, кօнкօ, броткօдчыны босьтчин, мый ог бур вօлօга вылын ов. Эм эськօ сօмыс да. Ог օд нин օні ме унасօ юлы. Талун тай со, батьօօс казтыштօм могыс, кисьтышті жօ аслым. А сідзсօ, ог юлыв. Неунаօн сօмын. Вом дорօс кօтօдыштла вирօс йօткыштօм могыс. А сёянсօ ог жօ дасьтыв. Мый эм, сійօс и вомօ суюышта. Ёна ыджыда ог и пусыв. Эм эськօ тօрытъя ли, войдօрлунся ли шыд. Гашкօ, тэныд, мамօ, пуктыштны да? Тэ օд шыдтօ радейтлі н. Оз ков? Оз кօ и оз. Вօзйօма тай лои-а. Меным сувтнысօ абу жօ нин торъя окота. Бура пуксьօмыс лои да. Со тай тиянкօд варовита. Сэсса некодкօд да. Тэныд օд ме унаыс нин висьтавлі, мый Сане моньыд кувсьыліс жօ нин. Сизим во нин тыри со. Висьмис да и куліс. Эновтіс тиян моз жօ менօ.

Гындей каньыс пельօссянь вель дыр кывзис сылыс сёрнисօ. Тыдалօ, ёна и шензис: мый нօ пօ талун кօзяиныскօд лоօма? Но сэсса дышօдіс օтнаслы овнысօ да чеччыштіс Васька Митрейлы пидзօс вылас. Мօдыс нем виччысьтօмысла весиг сыркмунліс. Сэсса босьтіс да лэдзис каньсօ джоджас. Эз и скօрмы повзёдօмсьыс. Сօмын шуыштіс:

— Мун татысь. Кывзысян сәні!

Оз, оз мамыслы тайօс шу. Гындей каньсօ вօтліс. Пидзօс вылас кавшасис да мургօмօн кывзысьны кօсйօ. Сане кулан воас и каньсօ тайօс лօсьօдліс. Гындейօн нимтіс. Сы йылыс мамыслы коркօ эськօ висьтавліс жօ нин да. Но, гашкօ, вунօдіс, да нօшта օтчыд висьталас.

— Кань, мися, мамօ, лօсьօді,— видзօдліс снимок вылас Васька Митрей да бара кутіс гораа сёрнитны.— Мамօ, тэ вай и менօ прօстит, мый вывті кывзысьтօм вօлі ичօтдырйиыд. Ёна жօ и дօсадитчылі сәкинад. Помнитан, кыз коркօ ёна ышмылі.

Помниттөг өд он ов. Гашкө, и он тайос төд вылад нин уськөд да. Унаыс өд дурөмыс вөлі да. Но сэкинад ме вывті нин ышмылі.

Васька Митрей ланьтіс да кутіс казытывны ассыс ичөтдырся ышмылөмъяссө, кодыс и корис прөштшасө мамыслыс. Со тай өтчыд Грише воыскөд сэтшөма скөрмөдісны сійөс, мый ас төдлытөгыс мамыс өти киас пурт босьтіс, а мөдарас, гашкө, ко-са дай. Кыдз тай уськөдчис на бөрся! Челядьыд өд тэрыбджы-кось сыыс. Мамыс кильчөас на петіс, а найө нин керка вылө кавшасян сод дорынөсь. И зэв өдйө кирснитісны-кайисны керка вылө. А мамыс, пөтка увтан пон кодь, улиас колис. Вокъяслы таыс любөыд! Нөшта дурмисны. Сөмын йөктөны тьөс вылас, эльтчөны на и. «Морөн лыйөмъясыд!— горзіс мамыс.— Час, лэччыланныд!» «Ми ог лэччөй,— эльтчөны челядь.— Ми ог лэччөй!» Сэтшөма мамсө, коньөрөс, пузьөдісны, мый корсис кытыскө бедтор да жбыргис налань. Вокъяс өд абу йөйөсь, лажынытчисны. Мөдөс шыбитіс, коймөдөс. Сэсся Грише воыс эз слөймы вешйынысө, да сылы беддыд инмис киас. Эз өна и доймы чунь кызта ньөрсыс. Колөкө, забеднөысла, мый эз удит копыртчынысө, а Митрей слөймис, век жө бөрддзис. «Мый нө эськө шөрас лөсьөдчин? Эн вермы лажынытчынытө али мый?»— шуалис повзьөм гөлөса мамыс. Сэсся ытыывыд зэв кывзысьыс вөлі. Мый Грише воыс вөлі корас, сійөс и вөчө. Кытчө воштысян? Ачыс мыжа да. Прөстит, верман кө, таыс мянөс. Вокөй, Гришөй, гашкө, карас өні ме моз жө пукалө да прөштша таыс тэнсьыд корө. Гашкө, и оз. Сылөн гөтыр и челядь на патераас эмөсь.

Гыңдей каньыс бара водзас чеччыштіс. Гажтөм, тыдалө, өтнаслы да. Сөрнитны сы моз оз куж-а. Мургө сөмын. Оз төд, кывзө оз мамыс, кыдзи кургө, но гораа шуис:

— Гыңдей, бурджыка пуксы, мед мургөмтө кывзыштасны. Он тай нө мургы? Лөгасин! Кыдзи лөгасин, сідз и бурасян.

Мый нө эськө мамыслы вөлі висьталө? Со өд юрид. Пөрысьладорыд. Мыйкө эськө вөлі висьталө да. Эз и куж төд вылас уськөдны. Юрсө жуглөмсьыс скөрмис ли мый, но мамыслыс прөштша корөм пыдди кутіс кыскавны сійөс сакар-кампет дзебөмсьыс. Эз кут тайос ас пиас кутны, да весиг гораа артмис шуөмыс:

— А помнитан, мам, кыдзи тэ мянысь чөскыдторъяссө дзеблалін? Мед эг ставсө өтырышгяөн сөйөй. Корсям вөлі, да оз сюр. Сэтшөм пыдйө саймовтөмыд. А гөсьтыас кө воасны — ставсө дась вөлін пызан вылад кыпөдны. А мянлы эн сетлы пөттөдз чөсмасьнысө. Но да ладнө, прөстита ме таыс тэнө. Тэ кө быттө ставсьыс менө прөститан. Прөститан? Но и бур. Тэ кө прөститан, и ме тэнө тшөтш. Мыйыс эз вөвы да. Ставсө кө кутам казытывны. Мамө, тэ кө сәні Петыр Мишөс аддзылан — эн сөрнит. Чолөмасьны чолөмась, но эн варовит. Мыйла? Ог и висьтав тэныд тайөс. Лөгась көть эн сэсся. Либө аддзан кө Мишсө, эн весиг и сувтлы. Горөдас кө — пельтөм улө лэччыс дай. Тэ өд кужан. Кодкөд кө вөлі он көйы сөрнитны, то пельтөм улө лэччыслін. Чукөстасны вөлі, да он и бергөдчыв. Быттө эн кыв. Тадзи и Петыр Мишыскөд вөч. Сэсся, буди, ставсө тэкөд сөрнитөма лои. Ачыд өд аддзылін, мый сы дыра тэнө казытылі, а стопкасө вом дөрө эг вайөдды. Ог ме ю. Эн майшась та понда.

Мамыслысь да батыслысь прöштшасö корöма лои. Сэсса кодныслысь и водзджык прöштшасö корны? Мамыслысь али нылыслысь? Тьöщайслысь ковмас. Санейскöд, гашкö, мыйдыра сёрниыс нюжалас да, виччысьнысö оз вермы. Гöтыр мамыскöд и паніс öнi сёрнисö Васька Митрей.

— Тэ, тьöща, кöть ярскöб вöлiн, но тшайтö шонта жö. Кöдзыдсö öд он кут ырскыны.

Пöсь вала мунiгөн бара на сувтліс рөмпöштан дорад.

— Тэ тай нö век на тані. Уджыд абу али мый?— броткöдчыштіс сы вылö видзöдысьлы.— Ог, мися, эшты талун тэкöд сёрнитнысö. Виччысьлы аскиöдз.

Кисьтіс пöсь васö тьöщайслы вылö лöсьöдöм стöканö. Босьтіс киас сылысь снимоксö.

— Тьöща, чолөм! Со тэныд сук пöсь тшай кисьті. Кутшöмöс тэ радейтлің. Курыдторнад ог вошйöд. Лөгась кöть эн сэсса. Тэнад öд сямьд ок на кутшöм вöлі. Юыштан, да быттö вежасны. Стопкасö кö öнi юан, ставсö адсьыс пузувтан. Тэнад оласногөн öдвакö райö катöдісны. Адын, көнкö, öнi. Стопка бöрад тэ чöртъясылы сэтшöма дöсадитан, мый Сюзь Матвейöс моз вöтласны. Эн дивит, тьöща, мый тадзи пані тэкöд сёрнисö. Мöд ногыс некыдзи да. Но век жö вай прöстит зяттьö. Эг вермы нывтö видзны да. Сэсса и зыксылім на тэкöд и. Таысь эн жö дивит. Кыкнанным мыжаöсь. Абу куш ме.

Васька Митрей ланьтіс. Ас улас босьтчис казътывны тьöщасö. Сылөн öд кывйыс, збыльысь, ок кутшöм лэчыд вöлі! Помнитö, коркö гортас воис да гöтырсö, Санейс, сывйыштіс. Эз öд чайт, мый тьöщайс мöд жыръяс кывзысьö. Сэки сійö топöдліс сывъяс-нас Санесö да и шуис: «Кытысь бара татшöм мелі, мича да шань мортыс петöмьд-а». А мöд жырьяныс гöтырыслөн мамыс китшнитіс-серöктіс: «Висьтавны, кытысь петіс, али тэ, Митрей зять, ачыд гөгөрвоан?» Со сійö кутшöм вöлі. Прöститас мед, мый эз сэкинас сійöс шошаöдыс петкöд. Колöма эськö. Васька Митрей öд сылысь нывсö збыльысь пыдди пуктыліс. А сійö со кыдз тешитчис. Эз вермы зятьсö крукышттöгыс некор овны. Сідзсö эськö тьöщайс эз жö вывті лёкыс вöв да. Но бурыд тай вунö, а лёкыс вежöрад сідз сатшö, мый он нетшышт.

— Эн дивит менö, тьöща. Висьтав сэнi ставыслы, мый ме тэнö ставсьыс прöститі. Гашкö, кутшöмкö легöта чöртъясыд вöчасны. А öнi вай мекöд воддза моз паныдөн пуксям да тшайсö юыштам,— бара гораа шыясис Митрей.— Черисö да тшаксö видлы жö дай.

Кöсйис нин тьöщайскöд тшöтш и ачыс видлыны вөлөгасö, но син улас каньыс уси. Со, мисьтöм чужöмьд, мый вöчö. Залавка вылас кавшасьöма. Ковмис горöдны:

— Усйысь татысь. Ог ме тэныд, тьöща, тайöс висьтав. Сы выйöдз тэ вылö ог на скöрав. Тайö Гындей каньöй калбассö гусявны кöсйö.

Сöмын лэдзлы каньсö син увсьыд. Пыр жö и пакöсьт вöчас.

— Весась син водзысь!— уськöдчис залавкалань Васька Митрей.— Ог, ог тэныд, тьöща, шу. Прöстит гораа горöдöмсьыс.

Каньсö вöтлөм да пинялөм бöрын бара пуксис пызан сайö. Кад воис сэсса и гöтырыслысь прöштшасö корны.

— Со, Сане, и тэöдз чередыс воис,— нормыштіс весиг гөлö-

сыс, гöтырыслысь снимоксö киас босьтöм бöрын, олöма морт-лөн.— Тэ тшайтö эн ёна пöсьөн юлы, да ог и шонты. Дыр нин, көнкö, виччысин. Матыстчыв пызан дорас да варовитгмоз тшайсö юыштам. Сола тшактö тэ эн радейт. Морöс улад кутчысьöмысь полін. Сійöс эн и видлы. А со черисö паньышт. Ачым кыйи. Прöстит, Сане, верман кö, ставсьыс, мый миян костын лёкыс вöлі. Ыджыд лёк эськö эз вöв. Тэнад ме водзын некутшöм мыж абу. Ме на ачымöс мыжаөн лыддя, мый эг вермы тэнö бурджыка видзны. Висьмин со да и мунін ме дорысь. А чайтан, кокни меным öні öтнамлы овнысö? Абу вывтi кокни. Зэв гажтöм тэтöг. Но мый сэсся керан. Жалит менö кöть эн сэсся. Ачыд мыжаыс, мый водзджык меысь таладор югыдінсö эновтін. Ме йылысь эн и мөвпыштлы. Кыдзи кута овны? Мый кута сёйны? Ме öд пусьынытö весиг эг кужлы. И öні на ог куж. Гашкö, та вöсна и челядным, Машöыд да Виталейыд, оз воыны ме дорö. Дасьтыся, пуся, а найö нырсö көрлөдлöны. Абу пö чöскыд. Мамöлөн пö ок кутшöм чöскыд шыдыс да рокыс вöлі! А ме тай нö сёя. Быть сёй. Кыдзи сямма, сідзи и пуа. Прöстит, Сане, тайö шуалöмсьыс. Збылысь öд гажтöм меным. Дзик öтнамөн ола. Челядыд и то ёнасö оз воыны. Ылын пö. Тэ дырйи тай налы эз вöв ылын. Пыр волісны. Лöгалöны мыйыськö али мый? Он тöд, Сане, мыйысь? Бытьö ставсö жö быдтiгас на ногөн вöчлі. Тэ, тыдалö. Сане, мыйкö лёкөс коркö ме йылысь висьтавлöмыд налы. Сідз тай чайта-а. Эн кö öд менö лёкөд — тшöкыдджыка волісны. Тэныд öні кокни. А меным кутшöм лёк. Эн дивит, тайöс ме дöзмöмвылысь тэныд шуала. Гажтöмöйла. Сэсся водзö нинöм ог шу. Прöстит дай ставыс.

Водзöсö сэсся бара на ас улас мөвпаліс. Мөвпгъассö гораа шуавтöг. Думсьыс прöштша корис гöтырыслысь: мыйкö кö сы йылысь коркö кывлас, то мед оз жö дöзмы. Тайöс сійö гажтöмысла вöчис. Голя помас нин воис öтка олöмыс да. Со öд кызд сійö, Саненыс, аслас водз мунöмнас öні дöзмöдіс. Юыштны, тыдалö, ковмас. Дзөрöдны весиг кутіс да. Васька Митрей босьтiс аслыс кисьтöм стопкасö да нылыштiс-юис курыдторсö. Сэсся гораа шуис:

— Он бара-й кут менö öні, Сане. Водзті, ловъядырйиыд, кевмысьмөн кора вöлі курыдтортö, да стопка и кисьтыштан. Кыськö зэв ичөтикөс вöлі стопкасö аддзöмыд. Öні ме тэныд таысь водзöс со мынта. Он бара-й мырдды дозсö. Мед эн татшöм водз кувсьы дай. Сэки эськö кутін. Со тэныд, кутысьлы. Дзонь стопка гулькниті. Прöститан кöть он сэсся. Юи тай-а. Мый кöть сэсся татчö шу. Эн дивит ёнасö. А мый водзöсö ме кута вöчны — тэныд тöдны оз ков. Мед менö эн эновт дай.

Но сёлöмыс эз бурмы тайö шуалöмсьыс. Мөдарö на, гудыртчыштiс шогысла да гажтöмысла. Эз тöд, мый и водзöсö вöчны. Асьсö такöдöм могысь уськөдчис каньсö корсьны.

— Кыс-кыс! Кытчö нö тэ пышйин. Бара скөрмин али мый нö? Лок сёйышт. Меным öд калбасыд абу жаль. Сöмын оз ков вöлі тэныд гусясьны. На, сёй пöттöдзыд. Менам горзöм вылö эн видзöд. Ме ог тэ вылö гөлөсөс кыпöд. Некод вылö ог. Сöмын тай тадзи артмö-а.

Каньсö малыштiс, да сёлöмыс бурмыштiс. Сэсся ставыслысь, тыдалö, мөдарьюгыдсьыс прöштшасö корöма лои. Дерт, унаөн

нин сэтчө сылөн рөдвужысь мунісны, но өд ставнысö он гарышт. Сы мында кывйыс абу, мед ставыслысь прöштша корны. Сöмын со мый налы шуас: прöститöй менö ставныд! Быттьö лёкөс кө коркө коддыкө вöчліс. А öні таладор югыдінсаяс дорас вуджлас. Снимокъястө бөр ас местаас пукталіс. Сöмын Сане гöтырыслысь колис на.

Кодсянь и босътчыны? Ритасянь? Водзджык на. Мед на виччысьлас. Устинь Ваньлы ковмас звöнитлыны. Сійö эськө куш аслас висьöм йылысь и кутас висьтавы да. Но өд сэсся некодды. Челяддырся да том кадся ёртъяс пöвстысь öтнасөн и коли сиктас. Сылы и звöнитлас. Но оз на öні. Мыйкө сьölөм вылас век на не сідз. Санейскöд тадзи сёрнитіс да. Бара босьтіс гöтырыслысь снимоксö да меліа видзöдліс сы вылö.

— Оз эськө ков вöлі тадзисö. Но өд он тай бергöд. Чöжсис жö сьölөмын да. Со и шуалі. Сане, эн на кө мун некытчö, то прöстит вай менö. Тадзи шуасьöмсьыс. Тэ өд менö бура тöдан да прöститан. Кор на ловъя вöлін, ме тадзисö унаысь пузылы. Нинöм абусьыс. Сэсся бергöдча да вунöма нин. Яндзим нин тэ водзын. А тэ вöлі гөгөрвоан да прöститан. Он, дерт, пырысьтöмпыр. Дузьялыштан жö вöлі. И öні дузьялышт да прöстит жö. Пыдди пукта өд ме тэнö. Век на со пыдди пукта. Но гажтöм. А гажтöмыдла мортыд дурмö. Мыйсö сэсся оз вöч. И ме со мөвпала öтитор вöчны. Ог на и висьтав та йылысь. Бöрас, артмас кө мыйкө, прöштшасö корны кута. Прöститін өд, Санюк? Дерт, прöститін. Тэ өд менам ок шань вöлін. И артмас кө менам мөвпыштöмторійöй — прöститан. Гөгөрвоан менö да он кут дивитны.

Кувсьöм гöтырыскöд сёрнисö тадзи помалöмыс такöдыштіс олöма мортöс. Öні позяс и Устинь Ваньлысь висьöм йывсьыс лөвтöмсö кывзыштны. Сöмын Васька Митрейлөн телепоныс öні аслыссыкас. Оз позь дырсö варовитны. Быд минутысь сьöм кульöны. Ваньлөн мöд ногаджык. Сійö вермас көть мыйдыра бызгыны. Час, сылы звöнитлас да юөртас, мед ачыс триньöбтас. Быттьö эз на кө веж горшысла.

— Алло, Ваньö. Тайö ме, Васька Митрей. Звöнитлы вай меным ачыд,— ёртыслысь гөлөссö кылöм бöрын зэв öдйö шуаліс Васька Митрей да пуктіс трубкасö.

Босътчис виччысьны, кор Устинь Ваньыс сылы триньöбтас. Вель нин уна кад коли, а телепоныс пыр на чöv олö. Оз тай и звöнит. Горшыс өд сылөн ок паськыд. Быд ур лыддьö. И сылы оз позь жö. Гашкө, мыйдыра Ваньыс сылысь прöштшасö корны кутас да. Став пенсияыс та вылö мунас. Оз өд и звöнит. Аслыс, тыдалö, ковмас.

— Ваньö, мый нö он звöнит?— ёртыслысь гөлөссö кылöм бöрын юасис Васька Митрей.

— Мыйла нö ме кута звöнитны? Тэныд кө ме ковми, ачыд и звöнит,— вомаліс ёртыс.— Менсьым өд минутысь жö кутісны босътны.

— Но да ладнö,— эз кут водзö дивитны Ваньöс Митрей.— Звöниті кө ачым, то висьтала нин. Талун, Ваньö, прöштша коран лун пö.

— Меным некоддысь прöштшасö корны,— кылö, коса воча-видзис Устинь Ваньö.

— А менсьым?

— Ме тэ водзын абу нинöмөн мыжа!

— Абу кө и абу. Ме тай тэ водзын мыжа да со көсья прöштша корны. Помнитан, коркө тэ менсьым сьом вöлі удждан, да ме эг сет. Ыстыси, мый абу менам сьомыс. А öд вöлі. А эг сет. Прöстит таысь.

— Со мисьтöм чужöмьд! А ме муртса пидзöс вылын тэ водзын эг сулав. Мыйла нö эн сет?

— Мыйла эг сет? Тэ жö вина вылö вöлі коран. Сійөн и эг сет. Тэ эськө асывнас удж вылад эн пет. Меным эськө ковмис тэ пыдди кык смена уджавны. Прöститан таысь?

— Ог.

— Он? Он кө и эн. А ме со тэнö прöстита. Помнитан, кыдзи тэнö да менö пионерскöй лагерад ыстывлісны. Лунтыр котралам вöлі да став эбös бырлö. А сэтчös сёяннас ме эг и пöтлы. Тэныд, вöлөм, гортсяныд суктöм юмов йöv пуктылöмась. Водам вöлі, тэ шебраснад вевттьысян да чурскан-нёялан вевтас писькөдöм розьöдыс. Эн и юксьыв некодкөд.

— Эн нинöм абусö лöсьöдлы,— дыр мысти письгіс жö гөлöсыс Устинь Ваньлөн.— Эз вöv татшöмыс.

— Эз, шуан, вöv татшöмыс? Ог жö лöсьöдлы. Вöлі да. Збыльсö со висьтала, да тэ дöзмин.

— Лöсьöдлан сэнi нинöм абусö да. Та вöсна и звөнитлін? Дыш весиг тэкөд сэсся сёрнитнысö.

— Энлы, эн шыбит трубкасö,— кевмысис Васька Митрей.— Ме көсий нöшта öтиторйысь прöштша корны, да ог и кут, сідзкө.

— Мыйысь?

— Мыйысь, шуан? А тайöсьыс прöститан? Сьöмтö удждытöмсьыс прöститан?

— Видзöдлам,— сьодас вочавидзис Устинь Ваньö.

— Прöститан кө и бур. Помнитан, коркө тэ тракторнад öти-яслысь потшöссö пасьвартін.

— Ме некор некодлысь потшös эг пасьвартлы.

— Тöда öд, мый эн тэ. Ме вöчи да. Гажа юрөн тэнад трактор вылö пуксьыссьöма. Палялыштi, кор нин тракторыд йöрас пырис. Муртса слöйми йöзасьöмысь пышйыны. Тэ вылö сэсся шуисны. А тэ ыстысин, мый челядь пуксьылöмась. А ме збыльсö эг жö висьтав.

— Яндзимьд бара-й эм абу тэнад, Митрей?— пычиктіс быттьö Устинь Ваньö тайö кивъяссö.

— Эз кө öд вöv, то та мында кад кольöм бöрын эг кут тэнсьыд прöштша корны. Прöститан öд?

Мöдыс нинöм эз вочавидз. Кыліс сöмын, кыдзи лёкысь шыбитіс трубкасö. Мыйла и звөнитліс? Мыйла и висьталіс? Öнi сэсся весиг звөнитнытö некодлы лöö. Гашкө, сё шайт на сёрнисыс кулыштасны. Дона сувтіс Ваньöыслысь прöштша корöмыс. Сэсся эз бура сёрниыс помась и. Ваньötö Васька Митрей бура тöдö. Чушсö нюжөдас кө, то дыр оз бурась. Ковмас коркө дозйөн сы дорö ветлыны. Сэсся некодлы оз звөнит. Гажмыштіс, тыдалö. Сöрсяс нинöм абусö дай. Прöштша пыдди мыжман дай. Челядьыслы кө оз звөнит? Мед асьныс звөнитöны. Бать öд сійö налы. Ритаыслы бара-й звөнитны абу? Көсийс сылысь медбöрын прöштшасö корны, да со мый Ваньöыскөд артмис. Ставсö дзугис.

Быттьö эз позь сылы важсьыс прöститнысö. Ачыс висьтасис со и быдöн, а вермис öд и дзебны. Некор эз висьтав дай ставыс.

Медбöрын шуис жö аслыс, мый звöнитлас Ритаыслы. Час, неуна юыштас да. Но кутіс жö асьсö. Эз ю. Ритаыс пырысьтöм-пыр и гөгöрвоас, мый гажа юра. Сё морö, бабаяс! Кыдзи найö ставсö казялöны? Сылöн Санейс сэтшöм жö вöлі. Стопка джын юыштöмөн кө гортö вöлі локтас, посводзтіыс пыригөн нин тöдö. Тэнад пö кок шыыд сэки дзик мöд. Рита сэтшöм жö. Оз, оз сэсса ю. Көть эськö колö да. Сьмелджык лоа. Но оз ю. Казялас да оз кут весиг сёрнитны. Ваньö мозыс трубкасö шыбитас дай. А сэки сылы веськыд мат лоас. Вомсö на ковмас пожйыштны и. А то юыштіс нин, да Ритаыс вермас трубка пырыс весиг дуксö кывны. Васька Митрей некымынысь босьтіс көшысь васö вомас да бурпöт пожъяліс пытшкөссö водка дукусь. Сэсса матыстчис рөмпöштан дорö. Көсйис аддзыны, чужöм вылас тöдчö оз юыштöмыс? Рөмпöштансянь сы вылö видзöдіс шемöса сулалысь морт. Полö али мый сэтшöма звöнитöмсьыс? Кыдз нö оз пов. Сыкöд, Ритаыскöд, сёрнисьыс. Гашкö, бара нинöм оз ладмы да. Звöнитны абу? Сы вылö видзöдысьыс юрнас довкйöдіс. Сідзкö, звöнитас, абу кө тайö паныд. Полö и колö со. Быттьö дас квайт арöса детинкаö пöрис. Звöнитас. Нинöм кыскынысö. Мый лоас, ло. Но телефон дорö некымынысь матыстчылöм бöрын некыдзи эз лысьт звöнитнысö. Сэсса медбöрын звöнитіс жö. Мыйкö дыр оз босьт. Ышнясьö на сэні. Гашкö, телефонсянныс ылын да чушиктö-локтö. Босьтö, тыдалö.

— Алло! Маргарита Ивановна! Тайö тэ?— тіралан гөлөсөн артмис юалöмыс Васька Митрейлөн.

— Ме, дерт,— кыліс нывбабалөн сьölöм вөрзёдана тöдса гөлөс.— Быттьö меным кө звöнитан. Митрей али коді звöнитö?

— Ме, ме, Маргарита Ивановна. Митрей звöнитö.

— Мый нö другысьөн босьтчин менö Маргарита Ивановнаөн ыдждöдлыны? Пыр на Ритаөн тэныд вöлі да.

— Тэ жö сельпо предалін. Пыр тай ставыс Маргарита Ивановнаөн шуисны сиктас.

— Предалі. Сельпоас. Но тайö öд кор нин вöлі. Да и сельпосö со пазöдісны. Сиктас став лавкаыс йöз кийн. Сельпоыслы сöмын казтьылöмыс и коли.

— Кисьтісны тай, Рита. Ставсö кисьтісны. А выльсö нинöм эз лөсьöдны,— эз лысьт вензыны олёма нывбабакöд Васька Митрей, көть эськö сылы збыльвылас вöлі дзик веськодь, мый вöчсис олёмас.— Кыдз нö нин, Рита, олан-вылан?

— Кыдз ола? Быттьö он тöд миянлысь олөмсö. Мыйла нö звöнитчан?

— Талун пö прöштша коран лун. Асывнас радио пыр висьталісны.

— Но-о. Ме радио ни телевизор бөръя кадас ог востылив. Нинöм абусö сёрнитöны да. Дыш кывзынысö.

— Ме радиосö жö сöмын кывзыла. Со и висьталісны, прöштша коран лун пö талун. Ме эськö ачым ог тöд вöлі да. Висьталісны, да тöда. А тэ он жö вöлі тöд?

— Кытысь нин став празниксö тöдны. Быд лун празник да.

— Рита, ме со прöштша корны звöнита. Вайдөрлунсясьыд.

— Прöштша коран? Вайдөрлунсясьыс?

- Прöстит менö, Рита. Дöсадитчыштi да.
- Дöсадитчин тай. Локтiн да сэнi кузь рытывбыд кильчö öдзöсö тотшкöдчин.
- Тотшкöдчи, тотшкöдчи. Он восьт да. Кильчö öдзöстö эн и восьт. Ме öд ыджыд могөн тэ дорö волi,— весиг вашкöдчана гөлöс писытiс Васька Митрейлөн, Быттьö ыджыд гусятор дасытысис висытавны да йöзасьöмысь полiс.
- Кутшöм сэтшöм ыджыд могөн нин тэ ме дорö волiн?
- Быттьö он тöд. Бара жö сийö могнас.
- Нöшта мый? Дугды, Митрей, нинöм абусö сөрны. Шыбит юрсьыд.
- Рита, кыз нö юрысь тайöс шыбита. Ме öтнам, тэ со öт-надөн жö колин.
- Унаөн тай öтнаныс олöны. Ог сöмын ми.
- Унаөн эськö миян моз öтнасөн олысьясыс да. Но öд гаж-тöм. Кыкөннад гажаджык эськö вöли.
- Дугды, мися, öтиторсö дольны. Кöсьян кö кодöскö ёрт пыдди аддзыны, то сиктас тай öтка пöрысь пöчыс уна. Пет да на дорö овмöдчы. Либö гортад вайöд.
- Ог дугды. Мыйла нö ме кута дзик бокöвöй нывбаба дорö петны? Ми öд тэкöд ас йöз. Помнитан на öд?
- Мый помнита?
- Томдырсятö. Ми öд тэкöд ок кутшöма мусукасьлiм. Сийөн и со тай шуа, мый ми ас йöз. А тэ кутшöмкö мöд нывбаба дорö менö ыстан. Кодöс ме ог тöд. Кутшöм сямыс, кутшöм руыс. А тэнö ме гуг и бан тöда. Та вöсна и сьölöмöй тэ дорö кыскö, а оз мöд дорö.
- Мый нин öнi важсö казтылан. Томдырийыд мыйыс эз вöвлы да. Мусукасьлiм, дерт, сэкинад тэкöд. Сöмын тай Сане вылö гöтрасин-а.
- Сане вылад ме гöтраси тэкöд торксьöм бöрын. Петыр Миш суйсис миян костö да. А Санеыс меным первойсö дзик эз кажитчыв.
- Ачыд мыжаыс. Тэ жö ме дорö кöдзавны кутiн. Казялi öд. Сийөн и Мишсö сибöдi.
- Эг жö тэ дорö кöдзавны кут? Прöстö дурöм кодъ вöли. Санеыскöд сэкинас. А тэ со вежöгтыны кутiн да и дöзмин дзи-кöдз.
- Дерт нин, дурöм тэнад Санеыскöд вöли! Сы дорö ляксьыны кутiн да. Менö быттьö он и аддзы.
- Шуа тай, мый ылавлi недыр кeжлö тэкöд мусукасигас. Санеыскöд öд ме первойсö сöмын ышмöм ради ворсöдчи. Гашкö, мед тэнö дöзмöдыштны. Мед тэ эн ышнясь. Томдырийыд эськö тэ вывтi ышнясьысь вöли да. Öнi на со руыд абу вежсьöма.
- Ме ышняси? Мед эг. Эн сэсся ме вылö ставсö öшöд,— весиг скөрмыштiс гөлöсыс нывбабаыдлөн. Но водзö жö тай сёр-нитiс-а:— Ачыд мыжаыс. Оз ков вöли тэныд кык кöч бöрся вöтлысьны.
- Эг жö кык кöч бöрся вöтлысь. Томдырийыд тай вежöрыд мортыдлөн абу. Ме чайтi, мый тэнö дэльöдышта да кутан ёнджы-ка менö радейтны. А тэ со дзик мöдарö кeжин. Петыр Мишкöд босыгчин паныдасьлыны. Менö тойыштiн.
- Мишыскöд ме тэныд лёк вöчöм могысь кутi аддзысьлынысö.

А сэсса и... Тэ тай ачыл эн жö прöштша кор Санейскöд киль-мöмсьыс.

— Дерт, меным колöма сэкинад прöштшасö корны. Висьтавны збыльсö, мыйла ме Санейсöд тадзи кильма. Сэкнас кö эг путымы, то öнi вай прöстит таысь.

— Öнi нö мый нин прöштшасö коран. Сэки коліс.

— Сэки эськö, Рита, коліс, да эг тай со. Нинöм нин öнi он бергöд. Вай öнi прöстит да выльысь босьтчам. Öтлаын овнысö, шуа.

— Эн сөр нинöм абусö. Мый нö ми кутам öнi тэкöд вöчны? Мусукасян кадыс ок нин кутшöм ылö миян кольöма да.

— Мый кутам вöчны? Варовитны, важсö казътывны. Öтлаын-тö öд гажаджык лоас. Ме öтнам, тэ öтнад, а вермам и кыкөн лоны. Быттö абү кö тэ паныд.

— Сёрнитны весиг та кузя ог кöйы. Телепон пырыд тай тэ зэв збой.

— Телепон пыр со и ковмас корасьны. Керкаад пырны он лэдз да. Та йылысь эськö син на син пуксьöмөн варовитлöны. Но он восьт кильчö öдзöстö. Кымынысь волі, да некор на эн восьтлы. Аддзан менö, да игнасян.

— Керка пытшкö öд тэнö ог жö лэдз. Йöзыс сэк мый шуасны. Кык пöрысь выжывыс пö мый керсьыны кутісны. Да и тэ пыр гажа юрөн локтан да? Вайдöрлун вöлі кок йылад он öшйы. Нöшта на и вольпасьтö киняулад топöдöмьд. Быттö лэдза ме тэнö ас ордын узыны.

— Вайдöрлуннад ме збыльысь неуна юыштöма вöлі. Для крабрости. И вольпасьсö ассьым босьтi. Тöда öд, мый тэ менö он ас дорад водтöд, да сійөн. Мися, вольсала джоджас ассьым вольпасьöс да сы вылын и узя.

— Йöйталан сэнi. Бур, мый эг восьты. Кута ме тэнсьыд гажа юра льöбзьöмтö кывзыны. Мишö менам ютöм вöлі, да гажа юратö синмөн видзöдны ог вермы.

— А садь юрөн кö локта, восьтан öдзöстö? Сэки и сёрнитыштам. Кыдз да, мый да. Збыльысь öд, зэв гажтöм öтнамлы. Олöмыс абү олöм кодь. А кыкөннад... Ме и пестö да ватö на пырта.

— Пестö да ватö ачим на верма пыртнысö. Он ков тэ. И код юрөн, и садь юрөн сэсса эн лок. Кадтö он бергöд. Миян кыкнаннымлөн нин ас олöм вöлі.

— Сідз эськö да. Но öд олöмыс миян эз на тай помась. Энлы, Рита, эн кусöд телепонтö. Гындей каньöй петны вöзйысьö да лэдза.

Васька Митрей вöляникысь пуктіс трубкасö да ветліс лэдзны ывла ылö вöзйысьысь каньсö. Локтігмозыс сувтліс рöмпöштан дорö:

— Мый нö вашгялан? Водз на вашгявнытö. Нинöм на со оз бура артмы. Иті-катіасьö на сэнi. Том нывка моз.

Сэсса сöмын та бöрын матыстчис телепон дорö да кутіс водзö сёрнитны:

— Рита, тэ сэнi на?

— Ывла ылö лэдзин каньтö? Ме кань дуктö вот и ог вермы терпитны.

— Ме öд ог тай каньөн кöйы тэ дорö вуджны. Сета кодыкö. Жаль эськö да. Гашкö, тэ на сы дорö велалан.

— Каньсѳ нѳмнас нин видзны дугдылі да ог нин велав. Мый нѳ тайѳ татшѳмыс? Босьтчи нин артасыны.

— Тѳнад, Рита, гѳлѳс сертиыд и сѳрни кузяыд тѳдчѳ, мый майшасян. Ѣн майшась, овмѳдчам ѳглаын да сѳки ставыс ладмас. Сѳкинад кѳ, томдырийыд, шуа, ѳг сяммѳй, то ѳні ѳд позяс на. Ѣз кѳ эськѳ миян костын сѳки торксый, ѳні эськѳ ѳглаын вѳлім. Ѣз эськѳ сѳки вѳв кыкнаннымлы ѳнія кодь гажтѳм. Абу кузь нѳмаѳсь вѳлѳмаѳсь менам Санейѳ да тѳнад Мишѳыд.

— Вай, Митрей, ѳвсям тайѳ сѳрнисыйс. Прѳштшасѳ корин сѳксасыйс, и тырмас. Ме прѳстита.

— Ѣнлы, Рита, ѳн на пукты телепонтѳ. Каньѳй бара нин ѳдзѳссѳ чашйѳ, пырны вѳзйысьѳ. Муртса кѳжлѳ петалис. Тадзи лунтыр ѳтарѳ-мѳдарѳ жѳдзѳ. Менѳ кесйѳдлѳ.

Ветліс вѳсьтны керкаѳ пыран ѳдзѳссѳ. Каньыс дышпырысь пырис керкаас. Васька Митрейѳс тайѳ дѳзмѳдыштис весиг.

— Довьялан сѳні. Сѳрнисѳ торкан. Мун татысь.

Сѳсся кокнас чужйыштис Гындейсѳ. Ѣз жѳ ѳна лѳкысь. Пызан дѳрѳ локтѳгѳн видзѳдліс рѳмпѳштан вылас да сѳмын кинас шеныштис. Босьтис трубкасѳ да бара босьтчис сѳрнитны:

— Рита, кылан? Ме каньѳс лѳдзны ветлі. Вай водзѳ варовитам.

— Ставсѳ нин сѳрнитѳм да. Пукта сѳсся трубкасѳ.

— Ѣнлы, мися, Рита, ме кѳ талун рыт тѳ дѳрѳ кѳжала син на син та кузя сѳрнитны, ѳдзѳстѳ вѳсьтан?

— Ѣн лок. Ѣг лѳдз.

— Гашкѳ, лѳдзан да? Небзьѳдчан да. Мый нѳ миянлы эськѳ вѳчнысь? Збыльысь ѳд гажтѳм ѳтнамлы. Тѳкѳд кѳ эськѳ бѳрьяпом кѳть олыштны. Пукалім эськѳ кыкѳн, сѳрнитѳм бурпѳт. И век нин олѳмыс югыджык вѳлі. А ѳні...

— Меным и ѳтнамлы нин гажа.

— Ѣн асьтѳ йѳйтѳдлы. Абу, абу ѳтка олѳмыд гажа. Вола талун рыт да ставсѳ бура сѳрнитам. Лѳдзан?

— Ѣг, шуа тай. Нинѳм миянын тѳныд вѳчнысьѳ.

— Ѣн и кѳсийс вѳсьтыны. Ѣн вай ышнясь сѳсся. Абу нин тай том. Кыкнанным нин нитшсялѳмаѳсь. Колѳ нин юрѳн мѳвпавны.

— Велѳдысьыс мыччысис. Юрѳн мѳвпавны тшѳктѳ. Дыш весиг сѳрнитнысьѳ. Менам шуѳма. Ѣн лок дай ставыс. Нинѳм миян оз артмы. Йѳзсѳ сѳмын шензьѳдам.

— Мый нѳ миянлы йѳзѳдзыйс. Мед шензясны. Миян асланым олѳм, налѳн асланыс жѳ дай. Кутам кыкѳн кургыны-овны.

— Верман тѳкѳд кургыны-овны. Тѳ век гажа да. Бѳрья нервѳс нѳньыштан.

— Ѣг, ог сѳсся юны кут. Вѳмѳ ог босьтлы. Сѳки лѳдзан?

— Ѣн и вай кевмысь. Ѣг, шуа. Ѣн лок.

— Мыйсяма морт тѳ, Рита. Шудыд со ачыс вѳзйысьѳ, а тѳ пыксян.

— Тѳ, тѳ шудыс? Ѣн вай серам петкѳдлы. Меным тѳ кодь шудыс, пѳрысьыдлы, весь оз ков. Ѣн лок и ѳн сѳсся звѳнит. А важсьыс ме тѳнѳ, шуи тай, прѳстита. Ѣв кыз кѳсьян ѳтнадѳн.

— Рита, Рита.

Но мѳдыс ѳз нин кыв. Пуктѳма трубкасѳ. Сѳ морѳ ныв. Кутшѳм вѳлі, сѳтшѳм и кольѳма. Бара нинѳм ѳз ладмы. Сы дыра сѳрнитѳма лои да уна и сѳѳм корасны. Но да ладнѳ, абу жаль.

Ќти лун куш нянь да картофель вылын олас дай. Чѳв олыштѳм бѳрын бара босьтѳс гѳтырыслысь снимоксѳ.

— Сане, тѳ кѳ ставсѳ тайѳс кылін, эн дѳзмы. Неуна мѳд ногѳнджык лои Ритаыслы висьталѳма да. Тѳ ѳд со абу, а меным водзѳ на ковмас олыштны. Со и Рита ногыс сѳрнитѳ. Збыльысь кѳ шуны, то тѳ меным кажитчин. Ритасыс на ѳнджыка. Та вѳсна и тѳлань кутѳ сетчыны Ритаыскѳд аддзысьлѳгьяс дырйиыс на. Тѳнѳ аддзи да быттѳѳ уркнитчис сьѳлѳмѳй сы дорѳ. Сѳтшѳм ѳд тѳ авъя вѳлін. Эн Рита мозыс ышнясь. Тѳкѳд кокни, кыпыд лов вылын вѳлі. А Ритаыс бѳд кывѳѳ крукасьліс. Шуѳм водзвылас думайтны на колѳ вѳлі. А тѳкѳд мый юрѳ воас, сѳйѳс и висьтала вѳлі. И некор тѳ эн дѳзмыв. Прѳстит, Сане, мѳд нога сѳрнисьыс. Гѳгѳрво, меным ѳд овны на колѳ. Быттѳѳ ладмас кѳ мыйкѳ Ритаыскѳд. Кодкѳд олан, сы ногѳн и ковмас сѳрнитнытѳ. Дерт, тѳкѳд кодъ олѳмыс оз нин ло. Но кутшѳм лоас. Ќткѳн олѳм дорсьыд бурджык жѳ. Сѳдз тай чайта, Сане, а. Прѳстит менѳ. Мый сѳсся керан.

Важ местаас гѳтырыслысь снимоксѳ пуктѳм бѳрын сьѳкыда ышловзис. Дерт, и гѳтырыс ногѳн неуна сѳрнитѳма лои. Ставсѳ веськыда весиг кулѳмалы пѳ оз висьтавлыны. Абу жѳ дзик веськодъ сылы Ритаыс. Веськодъ кѳ вѳлі, эз сы дорѳ сирась. Сы кодъыс сиктас уна кольѳма. Гаж вылѳ кѳ, то позис на пѳвстысь кодѳскѳ бѳрйыны. А Васька Митрейѳс со Рита дорѳ кыскѳ. Важ казътылѳмыс ли, мый ли. Гашкѳ, збыльысь эз на вунѳдны вермы сѳйѳс да. Век на колана сылы сѳйѳ. Сьѳлѳмыс сы дорѳ кыскѳ, а оз код дорѳ кѳ мѳд дорѳ. Та вѳсна Рита дорад талун рыт сѳйѳ ветлысь лоас на. Гашкѳ, весиг пывсян на ломтылас. Пѳрысь дуксѳ ниртыштас. Тѳрыт на эськѳ ломтыліс да. Ќні кѳ выльысь пывсян ломтыны да сылысь ваймѳмсѳ виччысьны — войыс суас. Вѳльѳн мыськѳм дѳрѳм-гач кышалас да ветлас. Оз сѳсся весиг и юышт талун. Гашкѳ, Ритаыс ѳдзѳссѳ восьтас да кылас паркѳѳмсѳ. Сѳки бѳр тодмышкалас. Санеыс юѳмсьыд эськѳ дѳзмыліс жѳ. Но эз сѳтшѳма. Кыдзкѳ тай пыр сѳкѳд оліс-а. Прѳститас жѳ мед таысь. Мый юыштлис корсюрѳ. А Ритаыс со вомас босьтлыны оз тшѳкты. Ковмас шыбитны дзѳкѳдз. Кыдзи бара сѳкѳд, татшѳм ныриса да вина юысь мортсѳ кѳдзовтысьыскѳд, овны кутас-а? Быттѳѳ артмас кѳ мяян мыйкѳ сѳкѳд. Час, рѳмдыштѳм бѳрас и ветлас Рита дорас. Мыйкѳ эськѳ киас колѳ жѳ босьтны да? Куш киѳн ѳд он пыр. Синмыс крукасис сервант вылын сулалысь пластмассаысь вѳчѳм дзоридзьясѳ. Код тѳдас нин корсянь найѳ тѳні. Мед оз бусѳссъыны, вылас кышалаѳма целлофан мешѳк. Васька Митрей сьѳкыда ышловзис да кывзысьыштіс.

— Кутшѳм лѳнь керка пытшкѳй. Ачым кѳ ог сѳрнит, дзик шуштѳм лоас. Гындей, Гындей! Лок татчѳ. Кѳть мургышт мыйкѳ. Бара дзѳбсин. Кыс-кыс. Кытѳн нѳ тѳ? Ќнтая чужйыштѳмсьыс али мый лѳгасин? Прѳстит менѳ, Гындейушка, таысь. Тѳа-меа кѳ нѳшта кутам ѳта-мѳдысь дзѳбсясьны, то мый лоас. Кыс-кыс!

* * *

Иван Рита талун водз жѳ паляліс. Пач ломтіс, пусис да сѳсся немуйтны босьтчис. Кыны ни печкыны эз и велавлы да ѳні

оз нин велава. А нинöм вöчтöгыд кадыд ок кузь. Гожöм кө вöлі, эськö ывла ывлö петіс. А тöвнад кытчö петан? Гортад ковмö пукавны. Сизимдас сайö арöснад керкаысь керкаö ветлыны дыш нин. Дерт эськö, код дорö кө сибалас да поэбö лун сьöмöс-сö олыштны варовитігмоз. Но дышöдчö нин со. Кадыд тай лэбзьö. Сизимдас сайö öд со олöма. Дзикöдз нин ныжмöма. Да и чуқы-рöсь чужöмсö йöзыслы петкöдлыны абу жö телепит. Водзтісö сійö мича вöлі. Коркö весиг батысь шуліс, миян Рита кодь ми-чаыс пö сиктын абу. Та бöрын и öшйис сылы Мича Рита ни-мыс да дыр сійöс новлöдліс. Öнi некод нин оз тадзисö шу.

Пыр лабич ылын пукавнытö дышöдлö жö. Кадысь кадö ви-дзöдывлö гыöрсöм öшиньясö. Со кодкö мунысь мыччысис. Öти öшиньясьнянь мöдö ветлöдліс да көсйис тöдмавны туй ывтi муны-сьöс. Кодi и мунö? Эз öд некыдзи и тöдмав. Оз весиг сылань бергöдчыв да. Чужöмсö кө петкöдліс, көть нин тöдмаліс, кодi. А тадзитö весиг эз тöд, кодi и мунö. Дзикöдз со саймовтчыны кутіс, а öд эз и видзöдлы сылань. Сэсся некод и оз тыдав. Ба-ра ковмис пуксьыны да часi ылас дзоргыны. Кор телепон пыр сёрнитан кадыс матыстчас. Бур, мый телепоныд эм. А то кодкöд и сёрнитан. Матіас петавны некод дорö. Ыліас ветлыны дыш нин. Öтнассö со Мишöыс, верöсыс, колис. Пиыс эськö волö жö да, но карсяньыд тай он быд вежон лок. Кык тöлысь пöвстас öтчыд кө мыччысьлас, и то нин зэв ыджыд аттьö. Водзтісö Рита эз ачыс аскöдыс сёрнитлы. Пырджык чöv оліс. Но во джын са-йын кутшöмкö сюсь морт висьталіс, мый сёрниттöгыд пö öтна-дөн олiгөн юрыд вермас торксьыны. Сэки пö мортыд öдйöджык выжывмö. А кодi сійöс, выжывмас кө, видзны кутас? А гортсьыс кө пышгьявны на босьтчас? Сиктöдыс выжив юрөн ветлöдлыны да йöзыслы дöсaдитчыны. Со и повзис да босьтчис аскöдыс ва-ровитны. Оз жö дзик пыр. Кадысь кадö гөлöссö сетлö. Медсясö телепон пыр сёрнитö. Бур, мый сійöс эз орöд. Пиыс эськö вöз-йö вöлі кутшöмкö мобильнöй телепон, да сыысь олöма нывбаба полö. Нöшта татчö мобильнöй телепонлөн чарзан гөлöсыс да югьялысь биыс оз тырмы. Вунöдан, да öтнад олiгад кө нем вич-чысьтöг биөн сывкйигтыр равзыны кутас — выживавтöдзыс на йöйман.

Радио да телевизор гежöда жö кутіс восьтылыны. Асывнас чайтіс, мый вöскресенньö лун кузя мыйкö буртор висьталасны. Радиосö горзöдiс, да сэні кутшöмкö пакöсьт вöчысьяс йылысь зэв сьölöмсяныс висьталісны. Дыш кывзыны тайöс. И талун налы бурасö оз овсьы. Телевизорсö восьтыліс, да сэні зэв гораа лыйсьöны. Зэв öдйö бөр күсöдiс. Со и видзöд да кывзы сэсся найöс. Öткөн олысь морттö сэтшöма повзёдласны, мый керка-сьыд көть пышйы. Провода важ телепоныс öнi и сылөн олöмыс. Сы дорö велалöма нин да. Гөлöссö сылысь тöдö и. Оз повзый, звönитас кө кодкö. Сöмын тай некод торьясö оз звönит-а. Быдөн колысьöсь лоины. Кутшöмкö мода босьтісны, да сёрнитöмысь кутісны дон босьтны. Мыйта сёрнитан — сы мында и мынтан. Со и этша сёрнитöны. А сылөн телепонөн көть лунтыр сёрнит.

Мыйкö асылыс талун дыр кыссьö. Звönитчан кадыс некыдзи оз лок. Сувтігмоз öд оз босьтчы бур йöзыслы дöсaдитчыны. Мед тшай юыштасны да сэки нин. Дас чассянь и кутчысьлö век звönитчавны. Матын нин тай эськö дасыс да. Кад лöсьöдчыны.

Пызан выло пуктём телепон дорё вайис важмём, чукрасьём кабала чукөр. Сэні жё унаысь кийн кутлём абонентскёй нижка. Пуксис да босьтчис видлавны кабалаяссё.

Со Вера Николаевна выло лосьёдём кабала. Сылы медводз век звёнитё. Отка олысь жё сійё. Некодкөд жё варовитнысё. Юрсиктын оло. Коркө райпотребсоюзөн веськөдліс. Начальство сылөн вөлі. Ставсё, мый юасыны сылысь, тайё кабала вылас пасъялома. Оз өд звёнит да кывтём пемөс моз овны кут. Тайё кабала сертиыс и юасыны босьтчас. А сійё вочавидзас дай. Тайё гижөдъястөгыс некыдзи. Пöрысьыдлөн өд вежöрыс дзик ныж. Босьтчан звёнитны, мөдарас шыасясны, а тэ и мөмляйтны кутан. Он төд, мыйла и звёнитін. А тані со лючки-бура гижөма, мый-сянь сёрнисё Вера Николаевнаыскөд панны, мый водзё юасыны. Мый йылысь кө өд налы, өтка олысьясыды, варовитны. Отамөдды висьталасны асланыс олом йылысь, да и сёрнитөма нин лоө. Көть морт гөлөссё кывласны. А тайё кабалаас пасъялома, мый пиыслысь юасыны. Тайё моньыскөд сёрнитөм выло гижөдъясыс дай. Эта кузя Гриша Машөкөд варовитліс. Но кувсис сійё неважөн. Шыбитны тай эз на кабаласё шыбит-а. Мед олас. Колөкө, бөр на бергөдчас. Кыдз нө кулөмаыс бөр воас? Некод на тай эз воы-а. Сэні, тыдалө, тані дорысь гагаджык, да оз көйыны бөрсё локны. Но кабаласё оз шыбит. Киас босьтлас, да бара на Гриша Машөыс дум вылас усьлас. Зэв авъя вөлі. Лабутнөй. Сыкөд лөсыда телепон пырыд варовитліс. Тайё кабалаыс бара кодлы выло лосьөдөма-а? Степан Клавдилы выло пө. Со татчө гижөма, мый сыкөд сёрнитөм выло. Сылы оз и звёнитлы нин. Торкисны да. Оз нин төд вылас уськөд, мыйысь лөгасисны. Но оз тай и звёнит. Сійё ачыс оз жө дай. Ковмас коркө аслыс триньөбтывлыны. Тайё кабалаыс нө кодлы? Абу пасйивсьөма. Мый нин татчө гижөма? Картупельыд төвйынытө тырмас? Челядьыд звёнитлөны оз? Кодлы выло нө тайөс лосьөдліс? Оз өд и төд выло уськөд. Пөлинө, Васька Митрейлы выло. Сідзи и эз звёнитлы. Колантор. Но-о! Дас час нин тай. Вера Николаевнаыд, колөкө, телепон дорас нин и пукалө, сылысь звёнитөм виччысьё. Рита пуксис пызан сайё. Бура дыр лосьөдчөм бөрын звёнитіс.

— Алло! Вера Николаевна! Бур асыв! Кыдзи нин узинныд?

— Эг торъя бурасё, Рита.

— Ме лёка жө. Войбыд бергалі. Асьядорыс и верми унмовсьнысё. Тіян өд уджыд ок сьөкыд вөлі, да, көнкө, став нервыд бонзис. Сійё и мөрччө өні. Оз ков вөлі тадзисё тіянлы майшасыны миян удж вөсна. А мый артмис? Ставсё, мый лосьөдлінныд — кисьтісны.

— Кисьтісны. Дзик ставсё пасьвартісны,— ышловзис Вера Николаевнаыд.

— Став сельпосё бырөдісны. Оз и весиг казытивны.

— Миян сиктын тай став лавкаыс нин йөз кийн-а.

— Миян өд, юрсиктас, сідзи жө.

— Тіян тшөтш? А мыйта вын ті пуктінныд райпотребсоюзса уджас. И ставыс весьшөрө. Шыбитөй юрсыныд да бура узьөй.

— Ог өд вермы. Пыр майшася со.

— Он вермөй? Ме тай ог жө. Велөдны тіянөс велөда, а ачым аскөд нинөм вөчны ог вермы. Ставыс киссис. А мыйта лавкаыс

миян вөлі. Нинөм эз коль,— тайос лои сёрнитөма. Рита видзөдліс кабала вылас, мый водзос юасыны.— Дзоньвидзалуныд нө кыздз?

— Юрөй асывбыд висис.

— Менам юрөй висьö жö. Давленньöйс, тыдалö, ветлö.

— Больничаö ветлы,— велöдіс Вера Николаевнаис.

— Миян öд больничаыд абу. Пельшөр сöмын.

— Сы дорö көть ветлы.

— Ветлі, ветлі жö сы дорö коркö. Сійö тöданныд мый меным шуис? Юр висьöм вылö норасыны босьтчи да.

— Мый?

— Юрыд пö висьöм вылö и эм. Сэсся сы дорö ог и мун. А ті кутшöм лекарство кизь юанныд?

— Резерпин тай врачыс тшöктіс-а. Сійös и юывла.

— Ме сійös жö,— бара видзөдлö кабала вылас.— Поводдяыс тіян кутшöм?

— Көдзыд тай талун.

— Миян тай көдзыд жö. Пач ломта да, керка пытшкөй тай шоналö жö,— бара видзөдлö кабала вылö.— Челядыд звönитлöны?

— Найö звönитлöны.

— Кыкнанныс?

— Кыкнанныс быд лун звönитлöны. Вель дыр сёрнитам.

— Менам тай пийö звönитлö жö. Быд лун пöшти час сёрнитам.

— Кыдз нö олö?

— Бура олö. А тіян бура жö олöны?

— Оз тай элясьны-а.

Рита видзөдліс кабала вылö да водзö юасис:

— Телевизортö видзөданныд?

— Зэв гежöда.

— Гежөдика? Ме тшöтш. Нинөм сэтысь видзөднысö да. Важ-ся кинояс кө петкөдласны, найös видзөда,— видзөдлö кабала вылö.— Кытчö кө тöрыт ветлінныд?

— Некытчö эг. Горт олі.

— Эн и петавлөй? Көдзыд да. Ме эг жö. Лавкаö тай вежон-нас öтчдысь ветла, а сэсся некытчö ог. А тіян дорö некод жö оз воы?

— Дзик некод оз пырав.

— Ме дорö оз жö. Код нö пöрысь дорад локтас. Ог нин ми некодлы колöй. Ог. Водзті, кор томджыкöсь вöлім, колім на-а. Öні некодлы ог и колöй со. Ставныс вунöдісны. А мыйта ті, Вера Николаевна, йöзыслы бурсö вöчинныд! Ставсö вунөдöмаöсь.

— Сідз эськö да,— ышлолаліс мöдыс.

— Эн, эн сэтшöма майшасьöй. Шыбитöй юрсьыныд дай ставыс.

— Ог öд вермы-а.

— Он вермөй? Ме эськö ог жö да. Öтнадөн олігөн пыр мыйкö думайтан-майшасян. Тіянкөд сёрнитышта да, кокньыд-джык сьолöм вылын лö. Аттьö, мый көть ті, ме нога жö мөвпалысь мортыс, эмöсь,— видзөдлö кабала вылö.— Мый нö кутан-ныд луннас вöчны?

— Ог на тöд.

— Он на тöдөй? Ме ог на жö. Печкыны да вурсьыны öні

оз ков. Лавкаас ставсö вайöны. Босът, мый көсьян. Но, бура сэсся олой. Эн нинöм абусьыс нерничайтöй. Аски сэсся звöнитла да дырджык сёрнитам.

Пуктіс трубкасö да сюся видзöдö кабалаас. Тэрмасьöмөн лои варовитöма, да мыйсюрö вунöдсьöма. Эз путьмы пенсия содöм йывсьыс юавны. Власьтьяссö на эз выдыштöй и. Но да мöдысь. Аски та йылысь дырджык сёрнитасны. Сэсся кодлы чередыс и звöнитны? Петя Люсялөн кө-а. Сылы и звöнитлас. Оз нин кут чередсö торкны. Кöні нö сійö? Со сійö. Люсяыс. Босътчис звöнитны:

— Петровна, тэ?

— Ме-е,— кыліс мöдарсяньыс нориник гөлöс.

— Эг и тöд. Гөлöсыд тай вежсьöма. Висян?

— Вися-а-а. Тайö нö кодi? Маргарита Ивановна али мый?

— Сійö. Ме всяя жö. Сёрнитнытö верман?

— Верма-а.

— Ме верма на жö. Талун асыв садьми да дыр важсö казь-тылі, кызди ми уджавлім. Эг бара öніяяс моз. Водз асыв тэ вöлі пекарняад мунан да сёр рыт локтан. Öні сöмын лун сьöмöснас и уджыштöны.

— Оз кө и уджавлыны-а.

— Сідзи, Петровна, сідзи. Эг ми кужöй асьнымöс видзны. Сійөн и всяям со. Кутшöм лекарство нö юан?

— Цитрамон.

— Сійöс эн ю, оз бурдöд. Мыйкö мöдторйөн видлы бурдöдчыны. Меным тай сійö ни öти эз отсав-а. Гашкö, давленньöйд вылын?

— Вылын жö. Юрöй путкыльтчö.

— Вылын, дерт. Сыысь нö кутшöм кизь юан?

— Ог куж и шунысö. Зэв кузь нимыс да. Час, лыддя. Гипо-тиазид кутшöмкö. Тэ сійöс жö юан?

— Ме ог сійöс. Менам мöд пöлöс ним. Ог и тöд, кызд ним-тöмаöсь. Көсьян кө, видзöдла.

— Оз ков. Ме ассьым нин юа.

— Оз кө ков, и оз. Ю, мый тэнад эм. Лöсялö кө сійö, и бур,— видзöдö кабала вылö.— Челядьыд нö кызди? Звöнитлöны?

— Вунöдöмаöсь. Оз и звöнитлыны. Вися ли, ог ли?

— Менам тай оз жö-а. Налы нö мый öні мамсьыс. Тайö ичöтдырйиыс ми колам на вöлі-а. Öні со вунöдöны.

— Вунöдöны, Маргарита Ивановна, вот вунöдöны да.

— Сідз, Петровна, дзик сідзи и эм,— видзöдö кабала вылö.— Поводдяыс нö тiян кутшöм?— Мыйла нö ме тайöс Люсяыслы гижи. Öти сиктынöсь да.— Люся! Петровна! Поводдяыс нö тiян, катыдад, кутшöм? Кöдзыд?

— Керкаöй тай оз и шонавлы-а.

— Миян кöдзыд жö,— кабалаö видзöдліс Рита да водзö юась-ны босътчис.— Люся, мыйкö выльсö сиктсьыс кывліл?

— Ме öд, шуа тай, всяя. Кытчö нö висигас петан?

— Некрытчö он и петав? Висян да. Ме ог жö. Нинöм ог тöд, мый и сиктас вöчсьö. А суседъясыд бурасисны? Коркö тай висьталін, мый торксьöмаöсь, да сійөн юася. Ме эськö найöс омöля тöда да.

— Ме тайöс, Маргарита Ивановна, ог тöд. Петавтöгыд нö кытысь тöдан.

— Он жё тёд? Колёкё, век на пызансё быдён аслас ветёкён чышкалё. Сідз тай вёлі висьталан-а. Петалёмыд, да казьявлёмыд,— видзёдё кабала вылё.— Лавкаас эн талун петавлы? Висян, да кызди петан. Бурджык, эн и петав. Ме вайдёрлун ветлі. Лавкаас. А донъясыс! Быд волігён содёны и содёны. Сувтнысё оз вермыны. Миян татшёмыс эз вёв. Тэ кымын во няньсё пёжалін, пыр ёти донысь лавкаас вузавлім. Эз и вёрзьяв доныс. А ёні! Дзикёдз дурмёмаёсь и эм.

— Дзикёдз йёймёдчёмаёсь йёзыс. Дзикёдз.

— Ме тэ ногён жё мёвпала. Но ог сэсся кут дыр тэнё сёрнитёдны. Висян да. Бурдан да, сэки дыр варовитам. Аски звёнитла.

— Звёнитлы. Тэ коть звёнитлан и то бур. Аски. Гашкё, ог татшёма висьны кут.

— Эн вись. Бурдёдчы.

Кодкёд сэсся и варовитыштны? Видзёдаліс кабалаяссё. Босьтіс ётиёс киас. Вера Николаевналы со челядьыс быд лун пё звёнитлёны. Оз тёд, ылёдлё оз. Сійё тай сылы сідз жё висьталіс, мый быд лун час чёж пиыскёд сёрнитё да. Кутшём нин час. Вежоннас кё ётчыд звёнитлас да кызд олё юасяс, и то бур. Век коvmё аслыс звёнитлыны. Сыкёд и сёрнитыштас ёні. Бурпёт писё, Митясё, пинялас. Ёна и видас, мыйла мамсё вунёдёма. Кёсйис нин звёнитны, но мыйкё юрас воис, да дугдіс. Корсис да босьтіс мёд кабала. Гашкё, моньяс трубкасё лэптас да. Кыкнан кабаласё лёсьёдіс. Кодныс босьтасны, сыкёд и сёрнитас. И кутчысис звёнитны. Пиыс шыасис.

— Алло! Митя? Тайё мамыд. Ті нё гортынёсь?

— Гортынёсь,— дженьыда юёртіс пиыс.

— Шойччан лун жё тіян? Кызд нин, пиук, олан?

— Бура.

— Бура и ов. Ме тай бура жё ола. Некыті оз вись ни. Эн ме вёсна и майшась. Ті сёмын бура олёй, эн висьёй,— видзёдліс кабала вылас.— Челядьыд, нукъясёй, звёнитлёны?

— Гежёда.

— А тэ велёд найёс. Висьтав, мед тэ ног вёчасны. Тэ тай нё звёнитлан. Ог на удит телепонсё пуктыны, видзёда да, бара тэ звёнитан. Моньё нё кызиджык?

— Бура жё олё.

Рита сюся видзёдліс кабала вылас, медым тёдны, мый водзё юасьнысё.

— Удж вылас нё сылён кызди?

— Ставыс ладмё.

— Ладмё кё и бур. Но ог сэсся тэнё манит. Тіянлы, том йёзлы, талун шойччыны колё. Бура олёй. Челядьыд кё звёнитасны, висьтав мясянь ыджыд чолём. Мед пёчыскёд коркё тшётш жё йитчыласны. Гаж нин быри. Ичётдырийиыс ёд быд гожём тані вёліны. Менам син водзын и быдмисны. Ёні тай оз и воыны. Тадзи и висьтав, мый пёчыд виччысьё. Мед коркё мычысыласны. Моньёлы чолём жё висьтав.

— Корны сійёс?

— Эн и сет сылы трубкасё. Манитны ог кут. Мед шойчас. Мёдысь сылы звёнитла.

Босьтчис водзё видзёдавны кабалаяссё. Кодлы нёшта и звёнитны? Луныс ёд кузь на. Ётикёд кё варовитыштас, мёдкёд —

видзодан да, рыт нин воёма. Сэки отнадон олигон гажтомыс! Оз и коль быттьо рытыс. Водз водас да войнас палялас. Сёр кө водас, то кадсö каттьомыс из кералом кодь. Кодлы и звонитас? Эз удит бөрйынысö, другысөн звонитны босытчис аслас телепоныс. Но-о! Кодкө ачыс звонитө. Код бара-а? Кодлы сийö ковмис? Гашкө, кодкө сорсис, гөгөрвоас да дугдас. Недыр виччысис на. Эз босыт. Сэсся эз дугдыны да кыпөдiс трубкасö.

Васька Митрейлөн гөлөсыс мөдарсянныс кыліс. Вель кузя нюжаліс налөн сёрниыс. Пуктіс трубкасö да вель дыр шемöса пукаліс. Но морö Митрей! Мыйыс сылы отнасөн олигон юрас оз во. Вайдөрлун со татчөдз кыссьыліс. Вель гажа юра. Эз лэдз. Талун эськө, тыдалö, садь, да сийöс жö висьталö. Отлаын пö, шуö, овны босытчам. Йöй кө-а. Мыйла и звонитліс? Став юрыс со гудыртчис. Рытнас пö вола, шуö. Лок көть эн, оз лэдз дай ставыс. Прöштша на со корö. Сэксясьыс, томдыръясьыс. Оз ков вöлі сэки тадзисö вöчны дай, прöштша эз ков корны. Вöчис, а öні көсийö, мед сийö прöститас. Олöмыс со помасьны кутіс. А сийö сöмын öні палялöма. Шуис, мый прöститас. Но öд-вакö. Сэтшöма сийö сэкинас сийöс дойдіс да. Став олöмыс мөдарö кежис. Дзикөдз тай сийö грекө вöйтас. Став луныс сы йылысь думайтöмөн и коляс. Кыдзкө эськө колö пыркнитны сийöс юрсьыс да. Водзö звонитчавны босытчыны али мый? Абу нин и окота. Гашкө, Вера Николаевналы выльысь звонитлас. Прöштша коран лун пö, Митрей шуис. А сийö эз и тöд. Вера Николаевнаыс тай нинöм жö та йылысь эз гарышт-а. Тыдалö, оз жö тöд вöлі. Час, висьталас. И босытчис звонитны.

— Вера Николаевна! Тайö бара ме, Маргарита Ивановна. Эг уджсьыд тiянöс торк?

— Эн. Ме öд нинöм нин вöчнысö ог сяммы.

— Он жö нинöм вöчöй. Ме тай ог жö. Вера Николаевна, ме со мый вöсна мöдысьсö талун звонита. Висьталісны, мый талун пö прöштша коран лун.

— Коді висьталіс?

— Кодкө тай висьталіс-а. Со и звонитча. Тiянлысь прöштша корны.

— Кутшöм прöштша? Мыйысь?— шай-паймунöм гөлөсөн юасис Вера Николаевнаыс.

— Эм, эм мыйысь. Помнитанныд, кыз коркө öтчид ме кварталса плансö эг тырт да тiянöс пö сэк, кывсьыліс, ёна видöмаöсь.

— Кор?

— Он нин помнитöй? А ме со эг вунöд. Вай прöститöй, Вера Николаевна, таысь. Прöститанныд öд?

— Мыйла нö ог прöстит. Тэ менö вай прöстит жö.

— А тiянлы менсьым прöштшасö корны нинöмысь. Тiянысь бур веськөдлысьыс эз вöв да и оз ло.

— Видыштлывлі корсюрö да сыысь прöстит, Маргарита Ивановна.

— Мый шуинныд? Нинöм, мый видыштлинныд миянöс. Кыз нö сытöгыс. Тi öд начальство, видысь вылö и пуктöмаöсь. Тi со прöштша коранныд, а власыт кутысьясыд чöв олöны. Налы эськө миянлысь прöштшасö корны, мыйла та выйöдз олöмсö вайöдісны.

— Налы некор корнысö.

— Оз, Вера Николаевна, найö бара-й оз корны. А колö эськö. Та выйöдз йöзсö вайöдiсны да. Сiдз öд?

— Дзик эськö сiдзи да.

— Но сэсся ог дöсaдитчы. Став бурсö.

Пуктiс трубкасö. Мöвпалыштiс. Люсялы ковмас жö звöнитлыны. Прöштша коран лун йывсьыс юöртны. Эз дышöдчы да сылы звöнитiс:

— Люся. Петровна! Тайö бара ме, Маргарита Ивновна. Талун пö прöштша коран лун.

— Радио пыр кывлiн?

— Эз, эз радио пыр висьтавыны. Ме сiйöс ог кывзы. Мöдла-сянь юöрыс воис. Сюри тай висьталысьыс. Ог и висьтав, кодi. Петровна? Ме тэ водзын нинöмön абу мыжа? Нинöмысь он дивитлы?

— Мыйысь нö, Маргарита Ивановна, ме тэнö дивита? Дзик öд нинöмысь.

— Ме сiдз жö чайта, мый абу мыжыс менам тэ водзын. Виднытö корсюрö видыштли жö. Коркö няньыд сотчылис, да ёнакодь пинялi. Прöстит, верман кö, таысь менö. Нэм оз вун татшöмыс. Юрьяндзим вöлi.

— Эн, эн кор таысь прöштшасö. Ме сiдз тайöс казътышти. Ачым на со каитча, мый вывтiджык пинялöма лои. Сэсся и премиятö на киритi и. Прöстит, верман кö.

Мöдарсяньыс эз вочавидзны. Сöмын нырöн кыскалöм шыкылис, а сэсся гораа бöрддзöм дай.

— Но-о? Эн сэсся вай шлюпки. Олöмад мыйыс эз вöв да. Эн, мися, Петровна, бöрд. Ёнджыка на висьман.

— Прöстит менö сэксаясьыс,— бöрдöмысла муртса артмалiсны кывъясьыс мöдар помас сёрнитысьыслөн.

— Ме тай шуа, мый прöститi нин. И тэ менö прöстит жö дай. Но дугды нин сэсся. Менам со тшайникын ва пузьö. Ог вермы сэсся дыр сёрнитнысö. Аскиöдз.

Зэв öдйö пуктiс телепонсö. Абу колöма Люсяыскöд и сёрнисö панны. Зэв нор сьöлöма да. Пыр жö и шлюпкины-бöрдны кутiс, прöштшасö корис да. Сэсся некодлы талун оз звöнит. Мыйкö ставыс пытшкас муткыртчис да. Тайö Васька Митрей вöснаыс. Оз и пет некыдзи юрсьыс. Öтлаын овмöдчыны вöзйысьö со. Кыкөннад пö гажаджык лоас. Лоас, дерт. Сiйö кывнас изö-сёрнитö. Томдырийыс зэв жö варов вöлi. Мый юрас воас, сiйöс и брольснитö-шуö. Öнi сэтшöм на жö. Лэдзас ас ордас, да пыр сёрнитны кутас. Сылөн гөлöсыс сöмын и мöдас юргыны. Аслыд кыв оз сет шуны. Колантор, татшöм гажыд. Бурджык öтнаслы овны. Но öд гажтöм жö. Но морö Митрей. Локта пö, шуис. Сiйö бара локтас.

Час, öшинь дорас пуксьылас. Локтöмсö казялас да кöть кильчö öдзöссö удитас игнавны. Нинöм сылы танiсö вöчны. Пуксис öшинь дорö да босьтчис сюся видзöдны ывласö. Но морö Митрей. Сы вöсна сэсся ковмас танi и пукавны. Кöть эськö и öдзöссö игналас, да, гашкö, кутшöмкö бур морт сы дорö пыралысь аддзыяс. А збылысь кö нин висьтавыны, Митрейыс пыр дум вылас вöлi. Олöм чöжыс. Мыйла сэкинас тадзисö вöчис? Мыйла Санейскöд сэкинас сыысь гусьöн паныдасылыны босьтчис? Дурим пö, шуö. Кутшöм нö тайö дурöм вермас лоны. Быттö висьта-

лысьыд налӧн аддзыхсьлӧмъяс йылысь оз сюр. Ӧдйӧ на тай ка-
зялӧмаӧсь. Пыр жӧ и юӧртисны сылы. Ок, кутшӧма сійӧ сэки
бӧрдис! Кыз синваӧн. Митрейыд весиг ёнасӧ эз и каитчы. Эз
тай прӧштша кор-а. Тыдалӧ, мыйкӧ Санейскӧд ладмӧма сылӧн.
Сыысь, Ритаысь, кӧ нин уркнитчис. А Петыр Мишыд сылы
первойсӧ эз и сьӧлӧм сертиыс вӧв. Вӧтлысис эськӧ ёна да.
Митрейыскӧд мусукасьны заводитчӧмӧдзыс на босьтчыліс. А
кор Митрейыс да Санейс костын тайӧ лоис, бара ляхсьыны
кутіс. Рита пӧсьывывсьыд, медем Митрейлы водзӧс мынтыны, и
босьтчис ськӧд аддзыхсьлыны. А Митрейтӧ юрсьыс эз шыбит.
Пыр лача кутіс, мый бӧр на костын мыйкӧ лоас. Но эз тай.
Сэсся со Петыр Миш саяд и петіс. Кор нин Митрейыс да Са-
нейс ӧтлаасисны. Пи чужис, да Митяӧн нимтіс. Мишыс эськӧ
ёна паныд вӧлі да. Быд ногыс шуасис, мый важ мусукыдлысь
пӧ нимсӧ миян пилы ог жӧ пуктӧй. Но Рита эз сетчы. Сідзи
сэсся и олісны Петыр Мишыскӧд. Эз лёк морт вӧв. Некор ни-
нӧмӧн сійӧс эз дойдды ни. Сӧмын тай водз муніс-а. Збыльысь
Митрейыслӧн шуӧм нога и артмис. И Санейс, и Петыр Мишыс
абу кузь нэма вӧлӧмаӧсь. А найӧ со век на дзуртӧны да олӧны.
Мый нӧ сылы вӧчнысӧ? Збыльысь ӧд, ӧтка олӧмыс голя помас
нин воис. Оз ӧд индомӧ мун. Сэні эськӧ уна олысьыс да. Тані
нин, ас керкаын, нэм помсӧ виччыяс. Гашкӧ, збыльысь кыкӧн-
над гажаджык лоас да. Мый и сӧрӧ ас улас. Быттӧ кӧсйӧ
Митрейсӧ ас дорӧ босьтны. Оз. Оз босьт. Мед ӧтнасӧн олӧ. Сы
моз жӧ. Но, быттӧкӧ, босьтас кӧ? Сылӧн ӧд пи на эм. Нукъяс
на, колӧкӧ, волыны кутасны. Локтасны, а тані Васька Митрей
пытъялӧ-пукалӧ. Налы дзик бокӧвӧй морт. Сэки найӧ и волыны-
тӧ весиг оз кутны. Оз, оз лэдз ас керкаӧ пырны Митрейсӧ.
Локтас кӧ быттӧ талун, ӧдзӧс вутсӧ мед окыштас да бӧр гортас
довгас. Оз и лэдз пыравнысӧ. Но ӧд сылӧн ас керка на эм. Пи-
ыс ӧд другысӧн оз лок. Век на петӧм водзвылас висътасьліс.
Позяс налӧн волігӧн Митрейыслы ас ордас олыштны вуджавны.
Мый и сӧрӧ. Дзикӧдз юр вежӧрыс путкыльтчис али мый талун.
Сёрни абу Митрейӧс сибӧдӧм йылысь. Мед сэкинас, томдыр-
йиыс, эз йӧйтав дай. Сэки эськӧ ськӧд и нэмсӧ оліс.

Сюся видзӧдліс ӧшиньӧ да казяліс налань локтысь мортӧс.
Збыльысь локтӧ али мый нӧ? Сійӧ ӧд и эм. Каньыс бӧрсянныс
кыссьӧ. Ськӧд али мый керкасянь керкаӧ шӧйтӧ. Сійӧ ас па-
йысь каня морттӧ керка пытшкӧ оз сибӧд. Кань дуксьыс юрыс
висъмӧ. Час, кильчӧ ӧдзӧссӧ игналас. Водзджык на эськӧ да.
Сійӧ, колӧкӧ, татшӧм ӧднад час джын на локтас. Но век жӧ
игнасяс.

Тэрмасьтӧг петаліс да каличаліс кильчӧ ӧдзӧссӧ. Ӧні сэсся,
колӧкӧ, пыр. Бара видзӧдліс ӧшиньӧ. Мыйкӧ киняулас топӧдӧмӧн
Васька Митрейыс вайӧ. Бара ас вольпасьнас локтӧ али мый?
Йӧймӧма пӧрысьладорыс дзикӧдз. Абу, абу вольпась. Ичӧтик туб-
рас кутшӧмкӧ. Абу жӧ ӧд, кӧнкӧ, гажа юра. Оз тай шатлась-а.
Зэв на збодера чушиктӧ-локтӧ. Мый и вӧчны, Рита, кутан?
Гашкӧ, Мишыслысь юасьны да? Мый сійӧ шуас. Корсис верӧ-
сылысь снимоксӧ.

— Мишӧ, мый нӧ вӧчнысӧ кута? Тэ кӧть нин висътав. Лэдза
кӧ быттӧ Митрейсӧ, он кут вежӧгтыны?

Но водзӧс гораа юасьны эз лысьт. Ас улас мӧвпаліс. Мыйысь

нö нин найöс вежöгтынысö? Öд вомтёрт пыдди сійöс лэдзас. Сэссия нинöм на костын сэтшöмыс оз ло. Нöйччан кадыс сылөн важөн нин помасьöма. Да и Митрейлөн, колöкö, пуом макарон кодь нин. Со и нинöмысь нин Мишöыслы лоас найöс вежöгтынысö. Збыльсь öд, öтнаслы зэв гажтöм. Торйөн нин арнас да тöвнас.

Пельöдзыс воис кильчö öдзöсö тотшкöдчöм шы. Рита шемöса пукаліс да гораа сёрнитны босьтчис:

— Дыр жö тэ, Митрей, ме дорöдз локтін. Тотшкöдчы кöть эн, ог восьт и ставыс. Нинöм довъявнытö. Мун бөр гортад. Мöд кö эськö сы местаын вöлі, петі да бун-бос пинялі. Тадзи шöйтöм-сьыд. Лэдзны али мый нö? Кодысь и юавны? Лэдза ог? Мишö, прöштша коран луннас, гашкö, прöститан менö. Быттö восьта кö Митрейыслы. Со нин мыйдыра тотшкöдчö да.

Восьтліс керка öдзöссö, но водзöсö сэссия эз на воськовт. Посводзын паркйис одеколон дукөн. Сійөн, тыдалö, Васька Митрейыс весиг резсьöма. Дукуыс тай керкаöдзыс пырис-а. Дзоньнас вылас дозсö кисьтöма али мый? Лэдзны, гашкö, ковмас да. Кынмас и быдөн мортыс. Мыжман сэссия.

Мый нö, сійöс тайö паськöмнас и паныдалас али мый? Идрасян паськöма быттö да. Пыралас да кöть вежсяс. Зэв öдйö кышалис вылас медся мича платтöсö.

Йöзыс кö öні адзыласны, ёна и дивитасны таысь. Восьтас. Найö, йöзыс, мед асьнысö тöдöны. Оз öд дыр кежлö лэдз. Пукыштас да бөр гортас ытас. Ветліс да дзöран киөн кыпöдіс каличсö. Восьтіс. Ывласянь мыччысис Васька Митрей. Киас кутіс искусственной дзоридзяс, кодьяс вöліны сылөн керкаын.

— Каньыд мед миянö оз пыр. Мый нö, Митя, öдзöс дорас джöмдін? Пыран кö, пыр. Водзö воськовт,— тіралан гөлөсөн шуалис Рита.

Васька Митрей воськовтіс да матыстчис Иван Рита дорö. Мöдыс кöсйис босьтны дзоридзяссö, но Васька Митрей эз лэдз найöс кисьыс. Сы мында во найö вöліны сылөн керкаын, да жаль торйöдчынысö. Медбöрын сетіс жö Риталы.

А Гындей каньыс восьса öдзöсöд уйкнитіс-пырис керка пытшкöдз да кирснитіс-котöртіс гөбöч розь дорö. Бöжыс сöмын и тыдовтчыліс. Гашкö, шыръясöс кутавны сэні босьтчис, колöкö, выль оланінсö пасъявны нин уськöдчис.





Нина ОБРЕЗКОВА

Коми кывйӧс ёрт пыдди ме босьта...

КЫВБУРЪЯС

* * *

Коми кывйӧс ёрт пыдди ме босьта
туйӧ петіг.
Кыз нӧ йӧзас, коми кывйӧй,
тэтӧг?

* * *

Керка дорын яблокӧн оз кӧрав —
Яблокыдлы кӧдзыджык жӧ тан,
Чизыр тӧлыс эськӧ эз кӧ скӧрав,
Эз кӧ чепляв юмов чужӧмбан.

Сэки яблокыд тан, гашкӧ, оліс,
Колӧк, шонтас — виччысьштас мед...
...Миян тӧкӧд шоныдыс жӧ колӧ?
Дерт жӧ, бурджык, тӧлыс кӧ оз лет...

Но тэа-меаӧс и тӧв оз повзӧд,
Сотчӧ-ымралӧ со чужӧмбан —
Быттьӧ яблок бан боқъясын ловзӧ,
Окыштны кӧ эськӧ... шондібан...

* * *

Овлӧ му вылас сэтшӧм кад,
Тӧвся паськӧмтӧ дзедан кор шкапӧ,
Думсьыд лӧсьӧдан тувсовъя лад,
Но он аддзы, мый тӧлыслӧн лапа
Бара вувзысьны кӧдзыдӧн дась,

Со пö тулысыд, со пö тэд, на пö...
Бара перъян тэ важиник пась,
Кодöс неважөн дзумгывлін шкапад...

* * *

Кулі бабö...
Мый ме вошті?
Вошті помтöд-дортöм мир.
Öні сійö некөн абу,
эз кö вирам меным пыр.

Мамö кулі.
Мый ме вошті?
Вошті помтöм-дортöм мир.
Öні сійö некөн абу,
эз кö вирам меным пыр.

Оз кö вирам сійö ловзы,
Баблөн-мамлөн ыджыд мир.
Мый сэк меным сійö васьыс,
Кодлөн нимыс сöмын — вир.

* * *

Кыдз нö мамлы
Синмас кута видзöдны,
Керкасö кö видзнысö ог куж?
Лэбöдiм тай баблысь
турун видзьяссö...
Орö-кусö? Орö миян вуж?
...Оз öм кодкö киподтуя чуж...

* * *

Баблысь важъя висьталöмсö
Эг и гижавлы...
А паметыд тай омöлиник ёрт...

* * *

Мичасьыс-мича да,
Мöд ногсö кыдз сэсса шуа...
Мозынöй-детяö,
Мозынö-вердысьö, юö...

Мозынö, вердысьö,
Мозынö, детяö, юö,
Тэ дорсянь менам öд...
Тэ дорсянь менам весь туйö...

Мозынö, детяö,
Мозынö, вердысьö, юö,

Кутшөмджык туйясам,
Кутшөмджык туйясам, юав...

.....
Кутшөмджык туйясам,
Кутшөмджык, Мозынё, юё...
Мыйла нё менсьым тэ,
Мыйла нё менсьым он юав...
.....
Мозынё, юё...

* * *

Бара пё «Вашка берёт»,
Бара «Мезень не сдаётся»,
Кутшөм шань сёлёма морт
Первойон лэптис тан гортсё?

Вашкалон сөстөмджык ва?
Мозынлон сөстөмджык, гашкё?
Мозынлысь апалам ма,
Сэтшөм жё маа и Вашка.

Виччысьо миянөс пыр,
Оломын медыджыд озын,
Вашкалон ляпкыдджык кыр,
Джуджыдджык берега Мозын.

.....
Бара пё «Вашка берёт»,
Бара «Мезень не сдаётся».

❖ ❖ ❖

Сідзкө, сора кызь витөд лунө! Эн вунөд!

В И С Ъ Т

1

Мунны шуисны рытсаяныс.

Коліс эськө сәні лоны сөмын водза-водз асывнас, шонді мыччысигас. Но Мишка шуис, мый он вермы стөча төдмавын, кор сийө кыптас, сідзкө, бурджык мунны рытнас да виччысьны места вылас нин.

Кык өрт тэрыба восьлалісны пемыдінас муртса төдчана трөпаті.

— Гашкө, оз ков, а, Мишка? Но олім жө ми сытөг, и водзө олам. А? Да и, колөк, нинөм тайө абу и збыль! Кытысь вот төдан?— помся юасис өртыслысь нисьө асьсө такөдіс Жека.

— Збыль—абу збыль! Мунам да небось аддзылам! Мый сән нярган нывка моз!— скөрысь вочавидзис сылы Мишка. Скөраліс сийө өнджыкасө эз Жека вылө, а ас вылас, мыйла дзик жө татшөм юалөмгяс сылөн бергалісны юрас. А Мишка майшасыны эз көйы, көть эськө ас пытшкас пырджык сийө и вөчис, мый сөмын майшасис: тадзи—абу тадзи; колө—оз ков...

— А тэ стөч төдан, мый сән колө вөчнысө?— нырис ассьыс Жека.

— Төда,— буркнитіс, кылө, Мишка. А ачыс эськө бара майшасис: стөча төдө али оз стөча...

— Воим. Со тані, ыджыд ниа дорас, и виччысям,— шуис Мишка да зутш пуксис пу улас. Жека шапкысис өрт бокас.

Ывлаыс төдлытөг сап пемдіс. Он весиг гөгөрво, синмыд куньса али восьса — некөн дзик нинөм эз тыдав. Матысса вөрсяныс ыркнитіс. Он и шу, мый гожөм шөр, быдласянь пондіс өвтны му вылас гыалөм да куйлөмысла бакшасьөм нин коргяс көрөн.

Зонгясөс йирмөгаліс. Көрсыйс ли, көдзыдсьыс ли. Ок, эськө бипур кө пестыны! Но тайө тэныд абу ю дорын войколалөм. Тані неуна мөдтор. А мый сийө мөдторйыс, өртгяс прамөясө и асьныс на эз гөгөрвоны.

— Видзөд!— Мишка тувкнитіс бокас Жекаөс. Жекалөн, бурак, вутыртчысьсөма төдлытөг, да первойсө весиг эз гөгөрво, көні сийө.— Аддзан?!— Жека дзикөдз паляліс Мишкаөн баялөжас содтөд вартөмысь да кутіс чатрасыны сэтчө, кытчө чуньнас сийө индіс. Но шондіслөн некымын югөрысь шоналөм да вывлань мөдөдчөм еджов ру кындзи, нинөм эз аддзы.

— Көні?— вашкөдіс Жека.— Ме нинөм ог аддзы да?

— Руас, аддзан? Виж чутгясыс со веглясьоны? Найө и эм! Котөртам, кутам! Лок!

Мишка весиг эз котөрт, а быттё чеччыштөмөн уськөдчис еджыд руас. Жека ырыштчис ёртыс бөрся, но кодкө быттё сійөс кутөмөн кутіс места вылас, эз сет водзё вөчны воськов. Кокъясыс Жекалөн тірзисны и сійө бөр пуксис места вылас.

Мишка быйкнитіс русьыс төддытөг, кыдзи и вошліс сэтчө. Жека весиг дрөгмуніс. Көсйис сувтны сылы паныд, но Мишка быттё конъясис да гатшөн пласъткысис ёртыслы веськыда пидзөс вылас.

Мишкалөн сёлөмыс чеччис, кокъясыс тіралісны. Позё вөлі думыштны, быттё сійө бура дыр мый вынсьыс кодыськө пышйөма. Жека весиг лолыштнысө эз лысьт, мед не торкны ёртсө, кыс нин шыасьны. Тадзи чөв-лөняс и суис кык ёртөс гоҗся асылыс.

Мишка дрөгнитіс став тушанас да восьтіс синъяссө:

— Сөрөм ставыс, Жека,— слаб ли бөрдана гөлөсөн шыасис Мишка.— Сөрөм...— да бөр кунис синсө.

Жека ачыс весиг эз гөгөрво, мыйла кутіс малавны Мишка-лысь сёд чорыд юрсисө да шуавны: «Ставыс, Мишка, бур. Ставыс, Мишка, бур...»

Мишкалөн шуйга син костөдсьыс тюрыштіс вөсньыдик синва, а гашкө, Жекалы каститчис. Гашкө, тайө прөста асья лысваыс югнитіс ёртыслөн чужөм бокас...

Другтысь Мишка сувтіс пидзөс вылас, кватитіс-топөдіс Жека-өс пельпомөдыс да горөдіс сылы чужөмас:

— Но и ме-е-ед!!! Ёна тай колө-ө-ө-ө!!!

И выныштчөмөн сёлыштіс вөрланьыс:

— Мунам, Жека. Тырмас тан челядясьны.

2

Жека да Мишка пукалісны кыр йылө кодөнкө вольсалөм пөвъяс вылын. Видзөдісны улын да ылын визувтысь косіник Эҗва ылө. Ывлаас вөлі ыркыд да купайтчыны эз кыскы.

Войся вөвлөмторсяньныс колис стөч куим лун. Но сы йылысь сёрни ёртъяс эз на панлыны. Олісны, быттё нинөм эз вөв.

Мишка восьтіс лимонад доз, юыштіс помсьыс, мыччис Жекалы. Сэсся перйис зепсьыс семечки да кисьтіс Жекаөн лөсьөдөм соддзө. Сёласисны медводз лөня, но кымын водзөджык, сёла-сьомныс өддзис. Кутісны венласьны — кодлөн ылөджык артмас. Сэсся пондісны йөткасьны, тойласьны, а помас шашаритчисны өта-мөдас да пондісны турбылясьны, муртса гөра горув эз тюрны.

Мишка личкис Жекаөс муас да мудера нюмгялігтыр юаліс:

— А тэ өд сэки, Жека, повзин, да өд?

Жека весиг тшөкмуніс.

— К-к-кор?

— Но сэки тай, Чудь гу дорад. Повзин өд, да?

Жекалы позис, дерт, вензыны — шуны, мый эз удит, кор ёртыс шыбитчис еджыд руас. Позис ылөддыны, мый котөртіс Мишка бөрся, но воштіс сійөс син водзсьыс да бөр ковмис косны. Позис. Но Жека эз көсйы ылөдчыны.

Да и збыльсө кө висьтавны, кыдзи-мый вөлі, Мишка и сэки вочавидзис эськө, мый сійө наросьнө тадзи лөсьөдлө, мед весь-

кыда не висьтавны повзём йывсьыс. Артмё, сідз и тадз оз лёс-сяв. Та вёсна Жека юланьыс юрсё бергёдомён чёв оліс.

Мишка чеччис да кияснас паськыда шенасьёмён, быттьё лэбзыны кёсйё, заводитіс шуасьны Жека вылё видзёдтёг.

— Повзи-и-и-ин! Эк тэ, нывка! Но ме тэ вылё ог скёрав, эн пов! Вот мыйкё кё сэн лоис, эськё петкёдлі пуж! А ёні ог. Мыйла нинём сэні, гу вылас, эз ло!

Жека гёгөрвоис, мый Мишкалён письтіс, кыскис висьтасьны. Сійё надзёник пуксис плакаяс вылё, лёсьёдчис кывзыны ёртсё.

— Ме котёрті буретш ичётік киньяс пёвстас да босьгчи кутавны, но найё быттьё наросьнё пышгьялісны меысь. Тёдан, кызди тай лым чиртё кёсьян кутны, а сійё оз сетчы. Сідз жё и найё. Бергалі-бергалі, чеччалі-чеччалі, но ставыс весьшөрё. Ни ёти киё эз сетчы. Кутла нин быттьё, а найё исковтёны чуньяс пыр. Скорми да, нетшышті пув вож, сыён понді шенасьны, мед пазёдны налысь ме водзын ышнясьём-вежнясьёмсё. И ёд, Жека, найё оз му пытшсьыс кыськё петны, а быттьё мекёд орччён другысь и югнитёны. Мудзтёдз шенаси. Сэссия кор кусісны ли, лэбзисны ли ставныс, вожёс шыбиті да муні сэтысь.

Сёмын, кылан, Жека, бөр локтёмёс ог помнит. Быттьё сёмын на воськов вёчи да мыйёкё конгьяси-уси. Синмын пемдіс. А кор звук мысти бөр югдіс, видзёда да, тэ вылын нин тупляся.

Бур, мый кётъ тэ гач пиад небыдтё лэдыштёмён гортад эн лэбышт, виччысин менё. Сідзкё, поэё на тэ вылё надейтчыштны.

Ээээк! Ни ёти кинь эг кый... Эськё олём мяян, Жека, востыштіс!.. Жаль, мый ётчыд вонас сёмын поэё найёс кыйны, эськё кётъ аски жё бара на ветлы да вылысь видлы. Друг дай артмис мёдысьтё, кужёмнад нин.

А тэ кызд чайтан, Жека, тайё Чудь гу йывсьыс сёрём абу?— Жекалысь ли, ассьыс ли, нёшта кодлыськё ли, надзёник юаліс Мишка. Но некод нинём сылы эз вочавидз.

3

Чудь гу йылысь сиктын унатор кывсьыліс. Ёд тайё местаыс вёлі ичётлы и ыджыдлы тёдса — со, юсайса неыджыд рас помас кушиныс. Сійё и эм Чудь гуыд.

Сёмын воясыс висьталёмсё вочасён төлөдісны йёзыслён юр вежёрсьыныс. Пёрысьясыс, кодъяс эскисны тайё висьталёмгьясас, асьныс нин висьталёмё пёрисны.

Чудьяс йылысь ёні дзик быдён тёдісны. Со школаын весиг на йылысь велөдоны. Но тайё велөдомас чудьяскёд некутшём дивё абу нин йитчёма. Да, овлёмаось коркё аслыспёлёс, эскысь йёз да кулёмаось нин важён. Шойнаыс налён и шусьё Чудь гуён.

А ёні Мишка-Жека сиктлён мёд шойна нин — Мальцев му бокын, вёвлём колхоз поле вылё нин со кавшасьё. Та понда, кор кытыськё воём морт пондё юасьны татчёсса Чудь гу йылысь, некод нинём сылы оз и куж прамёя висьтавнысё. Сёмын ю саяс ёвтыштёны, эстён пё, мун да ачыд, окота кё, ветлы да видзёдлы. Но окотитысьыд пёшти эз сюрлы.

Сикт оліс аслас олёмён. Турун пёвстас да косіник пуяс кос-

тас муртса тӧдчысь мыльк-гуранъяс — асланыс. Некод некодлы эз дӧсадит.

Тулыскӧд ӧттшӧтш сиктӧ воис ар ветымына кымын мужичӧй. Сылӧн пӧ коркӧ бабыс овлӧма тані. Асьсӧ жӧ бать-мамыс чуж-тылӧмабсь ылі лунвылын да сійӧ некор асьыс бабсӧ абу и ад-дзылӧма, сӧмын пӧ снимок вылысь. И со мортыд пӧрыся-нэмӧ локтӧма аддзывтӧм бабыслысь гусӧ видлыны. Висьталӧм серти-ыс, керканыс налӧн вӧлӧма Мишкаяс дорын.

Кор туйвыв мортыд гӧграліс налӧн йӧр бокын, Мишкалӧн мамыс чукӧстіс сійӧс пӧсь тшайӧн шонтысьыштны да косьтышт-ны коксӧ баб гу вылас собавлӧм бӧртиыс.

Зонъяс сӧк Мишкаясын сайник вевтсьыс лымсӧ весалісны да ропкисны вомгоруланыс: «Быттӧ ачыс, кадыс воас да, оз сыв!»

Гӧсьт петіс керкасьыс да матыстчис ӧта-мӧдсӧ роскӧн нин кучкалысь зонъяс дорӧ. Найӧ аддзисны мужичӧйӧс да лӧнисны, пондісны шондісьыс читкыртӧм синъясӧн видзӧдны тӧдтӧм морт вылӧ.

Мужичӧй матыстчис ӧртъяс дорӧ да мыччис кисӧ Мишкалы, мыйла сійӧ сулаліс матынджык:

— Кузьма Африкантович.

— Михаил,— воча мыччис кисӧ Мишка.

— Евгений,— вочавидзис Жека.

— Ті, зонъяс, видзӧдӧм сертиыд, татчӧссаяс?

— Да. Ме тан ола, а Жека небылн, туй саяс.

— А чудьяс йылысь кывліन्नыд?

— Кывлім, дерт. Код нӧ на йылысь эз кывлы,— мыйлакӧ пыр артмыліс вочавидзны Мишкалыджык.

— А мый налысь позьӧ корны аслыд гуся вын, тӧданныд?

— Абу пузчужӧмъяс, мед быдсяма мойдыслы эскыны.

— Ог тӧд, мойд ли, сӧрӧм ли,— ньӧти падъявтӧг водзӧ висьта-сис мужичӧйыд.— Но меным коркӧ ӧтчыд бабӧй вӧтӧ уськӧдчы-ліс да висьталіс. Коді пӧ сора 25 войӧ мунас Чудьлӧн гу вылас да кутас сӧтысь ӧти дзирдалысь кинь, мортыслӧн сӧк лоас ку-тшӧмкӧ гуся вын.

Мужичӧй нюмдыштіс:

— Томджык кӧ вӧлі, эськӧ ачым видлі, сӧ збыль. Но кысь нин меным, ачым регыд баб арлыда лоа,— мужичӧй пӧрчис пеля кепкасӧ да малыштіс гежӧдіник юрситоръяссӧ.— Со та-тшӧмтор меным бабӧ воліс да висьталіс, бур зонкаяс. Тіян чудьяс йылысь мойд чукӧрӧ нӧшта ӧтиӧс содтышті.

Сэсся видзӧдліс гӧгӧр, кыскыштіс нырнас сынӧдсӧ:

— А лӧсьыд тіян тані, ӧртъяс. Сӧстӧм. Позьӧ морӧстырнад лалавны. Сійӧн и оліс бабӧй 91 арӧдз. А меным кӧть сизимда-сӧдзыс воӧдчыны. Но, зэв нимкодъ вӧлі тӧдмасьны тіянкӧд. Бур олӧй. А менам вӧтӧй, гашкӧ, и абу мойд, а медся на и збыль-сьыс-збыль да. Код тӧдас. Некод на ӧд, буракӧ, абу видлӧма, мед шуны, збыль али сӧрӧм.

Мужичӧй копыртліс зонъяслы ли, баб керка местаыслы ли юрсӧ, пасьталіс кепкасӧ да мӧдӧдчис автобус сувтланінӧ.

Зонъяс шӧйӧвошӧмӧн колисны сулалан.

— Абу, буракӧ, ставныс гортасӧсь,— медводз паляліс Мишка да чуньнас бергӧдлыштіс кӧсича дортіыс.

— Ага!— паляліс бёрсянныс Жека

— Мунам, пырам пажнайтны,— тойыштис Мишка Жекаёс.—
Коді водзджык каяс кильчө вылас?!

Найё венласьёмён котортисны керкаланьё. Адзыхсьём мужичойыд дзик пыр и вуні кыкнанныслён.

Некоднанныс сы йылысь эз казыхтывны.

4

И таdzi вёлі гожём вотёдзых. Ёртхас пукалісны Жека ордын да серпас бёрся серпас рисуйтисны лосьыд да кузь гожём йывсьыс. Коть эськё тайёс ёртхас вёчлісны бёрхья кык толысьсё школасыс локтём бёрти пёшти быд лун, талун ташём сёрниыс вёлі дзик нин мёд кёра. Збыльмыны лосьёдчём кёра.

— Жека, а помнитан эсйё мужиксё, коді тай тулыснас баб гу вылас воліс?— мыйкё асьыс мёвпалігмоз шуис Мишка.

— Кузьма Африкантовичыс?— Жекалы мыйлакё юрас дзик пыр пысасьліс став сьёкыд нимыс, сьёкыд кывйыс, сьёкыд формулаыс. Став сьёкыдыс. А став кокниыс, мый эськё и куим арёса кага вермис тёд вылас кутны, дзик пыр толаліс юр вемсьыс.

— Да, эсйё йёёватойыс тай. А помнитан, мый сылы бабыс вётнас вёлі шуёма?!

— Мыйкё чудхас йылысь.

— Сйё тэ на йылысь верман шуны «мыйкё». А мортыс висьталіс стёча — позьё пё налысь корны кутшёмкё гуся вын! Гёгөрвоан?!

— И тэ чайтан, тайё збыль?!— серёктис Жека.

— Чайтоны сёмын мича нывхьяс! А пёрной мужичойяс асьныс ставсё видлёны. А тэ, Жека, коді?

— Ме мужичой.

— Сідзкё, мый?

— Мый?

— Сідзкё, вый, Жека! Но мый тэ йой улё сетчан!— заводитис пузыны Мишка.— Видлыны колё, вот мый!

— Мый видлыны?!— либё наросьнё эз кёсйы нинём гёгөрвоны Жека, либё збыль эз гёгөрво, кодарлань ёртыс бергёдө.

— Да бабыслысь шуёмсё!!! Колё аслынымлы видлыны кутны чудхаслысь дзирдалан киньсё да лоны супергеройсён!

— Да-а-а?!— кымын ёнджыка Жекалы кутіс воны, сымын ёнджыка чашкалісны сылён синхьясыс.— А кыдзи?!— нбылыштис Жека.

— Сйё кутшём лун шуис, помнитан?!

— Гожёмнас.

— А стёчджыка?

— Ме ог помнит...— мыжа гёлёсён вочавидзис Жека

— Гожём... Гожём... Ме, помнита, весиг аслым шуи, мый кодлёнкё чужан лун тшётш сэк! М-м-м... Тэнад арнас, менам арнас жё... Венькалён тулыснас... Оляыдлён неважён на вёлі. Кодлён нё эськё?! Батьлён!!! Батьлён чужан луннас, сора 25 лунё!— Мишка радыхла весиг чечхыштліс!— Ур-ра-а-а!!!

Но Жекалы мыйлакё Мишкалён радлуныс эз вудж. Сйё век на видзёдіс ёртыс вылё неуна шойёвошёмён. Бытхё Мишка

висьталіс сылы мыйкө гөгөрвотөмтор либө примитны поэтөмтор йылысь.

— Тэ мый, Жека, он радлы?!— тувкнитіс Мишка ёртсө.— Ставыс бур! А лоас ставыс супербур!

— Ме радла, Мишка,— вашнитіс Жека.— Радла, кыз ог радлы. Сөмын ог на вермы тырвыйо гөгөрвоны ставсө, да сійөн татшөм, гашкө.

— Сідз! өні колө стөча казтыштны, кутшөм кывъяс колө шуавны киньяссө куталігас.

— Кывъяс?! Кутшөм кывъяс?!— вылысь заводитіс чуймавны Жека.— Некутшөм кывъяс йылысь Африкантовичыс нинөм эз висьтав да?!

— Кыз эз висьтав! Тэ мый, Жека! Эн али мый кывлы!

— А кутшөмджык кывъясыс эськө вөліны, Мишка?— век на эз эскы Жека, мый мужичөй содтөд на кутшөмкө кывъяс вермис висьтавны.— Загөвөра али мый?

— Вай, Жека, лантылы! Тані колө мөвпалыштны-арталыштны, а тэ бызган сэн нинөм абусө.

— Ме ог бызгы, ме, думысь, тэныд отсала,— өбөдитчискодъ Жека.— Дөзмөдча кө, верма дзикөдз мунны весиг!

— Мый сэн дзик пыр дузнитчин нывка моз?! Шуа кө, чөв олышт, сідзкө чөв олышт, а эн лөгась!..

— Кывъяс... Кывъяс...— вомгорулас заводитіс Мишка. Сэсся кыз тай горөдіс:— Да кысь ме төда, кутшөм овлоны загөвөр кывъясыс?! Пыр сідзи: лосьодасны мыйкө буртор, а сэсся помланьыс кызди крукыштасны, мый став бурыс пазалас да дзик нинөм оз коль!

— А он кө уськөд төд вылад?— ачыс ассъыс эськө юалис Жека, но, буракө, неуна гораджык, Мишкалы кывмөн.

— А тэ повзин, мый ог кө кывъяссө төдмав, тэ он ло супергеройнад, да!!! Повзин?!!

— Ме ог пов!— Жека чеччис.

— Мы-ы-ый??? Мый тэ шуин?

— Ме шуи, мый ме ог пов!

— Ме ог пов! Ме ог пов! Тайо кывъяссө өд и колө, Жека, шунысө! Ме ог по-о-о-о-ов! Тэ, Жека — супер!— Мишка кватитіс ёртсө кыкнан кинас коскөдыс да босътчис бергөдлыны гораа сералөмөн.

— Кодлы шуны, Мишка, кодлы?!— тшөтш жө сералис нинөм гөгөрвотөг Жека.

— Чудьяслы, Жека! Чудь-яс-лы! О, Енмөй! Ставыс артмис! Артмис! Сідзкө, миянлы и шуөма видлыны чудьяслысь вөвлытөм вынсө-ө-ө-ө!

Зонъяс серамсорөн шлапкысисны джоджө. И сэні бура дыр на куснясьөмөн гөрдлісны кынөманыс кутчысьөмөн, кытчөдз ловныс дугдіс шедны.

Гожөмыс, кызди и пыр, лэбыштіс төдлытөг. Бара воис велөдчан кад.

Мишка школаө эз мун — вой шөр войнас на мамыс өдва водтөдіс писө, а асывнас со юрсө нөшкалөма быттьө — лэптышт-

ныс оз вермы, горшыс пыктёма и — кыв шуны ни нбылыштны оз вермы.

Жека велёдчыны эз жё мун. Чайтис, мый ёрттёгыс сэні сылы вёчнысё дзик нинём. Ёртъяс пукалісны Мишка ордын да видзё-дісны боевик. Мишка помся пожъяліс горшсё мамыс вёчём виж сорасён да киргис нисьё ымзіс.

Жека көсйыс войколён кольччыны ёртыс дорё, но Мишкалён мамыс тодмышкаліс сійёс — нинёмла пё, ачыд висьман дай!

Асывнас Жека садьмис пельпомъясёдыс кодёнкё лёкыс тракийомысь. Лёзь юрсиа да көш ыджда синъяса Мишка мый вынсьыс кыскаліс асланыс ёртсё.

— Жека! Жека! Жека, садьмы!!!

— Мый лоис, Мишка?!— Жекалён повзёёмысла аслас чашкалісны синъясыс. Татшёмнас сійё ёртсё эз на аддзыв!

— Жека! Уджалё-ё-ё-ё-ё!!!— вашкёдомён, абутём гөлөснас чирыштіс сійё мый вынсьыс.

— К-ко-к-ко-коді уджалё?! М-мы-м-мыйла уджалё?!— босьтчис мыктавны Жека.

— Да чудьясыдлён выныс уджалё-ё-ё-ё-ё!!! Жека!!! Садьман он тэ!!!

Жека надейтчис, коть и эз ёна, мый ставыс тайё вёт, да некымынысь чепольтіс асьсё ныр йылёдыс. Мишка, дерт, некытчё эз вош, а мёдарё, сы выйёдз тракнитіс Жекаёс, мый мёдыслён футболкаыс скёрысь трачмунёмён резьдіс бокъясёдыс.

— Кытысь тёдан?!— быттё кёдыд ваён койыштісны Жекаёс.

— Да ме жё тэныд висьтала кылён-вомён!— ружтіс мёлынь пёсялём Мишка.— Кодкё быттё садьмёдіс менё вой шёр войнас пельё вашкёдомён: «Мишка, чеччы, козьналом вынтё босьт! Со нё, ёшинь дорад куйлё, тэно виччысьё, а тэ ветлёдлан да сёмын чужъялан сійёс!» Ме восьті синмёс — гөгөр сап пемыд, Думайта, каститчис. Но сэсся быттё кодкё надзёник кутіс вольпасысь чеччёдны. Кыла, пуксьёдіс, кокъясёс джоджас лэдзис да ёшинь-ланьё нуёдіс! Сэні быттё ыджыд кок чуньён ёгыр вылё тальччи, кыздз тай сотыштіс! Муртса садьёс эг вошты!

Та бёрти бёр вольпасьяланьё нуис кодкёыд, водтёдіс. И шебрёдіс на. Асывнас садьми да чайті, мый вётаси. Уппп, мися, вётас-сяс жё висигад нинём абусё! Сэсся кыздз тай кок чуньёй юковтіс. Видзёді, а сэні!..

Жека вёлисти аддзис, мый Мишка дзик көмтём да кызкё пёлөстчёмён сулалё шуйга бөрля вылас. Со!— Мишка дзик ныр улас суйис Жекалы кок чуньсё. Сэні, дзик йылас, тыдаліс бура ыджыд гадь, рудов сера, и зэв-зэв вёсньыд, кень кызта кучика, быттё кодкё сэтысь кучиксё вундёмён став вирсё кыс-кёма и сійё неважён на выльысь вевттьысьёма.

Жека вештыштіс коксё ас дорсьыс, Мишка ымнитіс.

— Доймё од! Эн вөрөд! Со, тувччыны ог лысьт, дойыс юр вемёдз чашнитё! Тэ дорё чеччалёмсорён котёрті!

— А выныд, сідзкё, көн? Выныд, Мишка?!— Жека некыздз эз вермы гөгөрвоны, кызди йитчёмаось Мишкалён кокыс да чудьяслён выныс.

— А выныд сэні, көні сылы и колё лонысё!— тотшкёдыштіс чуньнас аслас плешкё Мишка.

Жека ёні видзёдіс то Мишкалён плешкас, то кок вылас. Да

зіліс гөгөрвоны, кыдзи йитчөмаоьс Мишкалөн кок чуньыс, плешкыс да чудьяслөн выныс.

— Да мый тэ сэн сьодтө вошталан?!— абутөм гөлөснас чирөстис Мишка да ёнакодь тувкнитис ёртыслы морөсас. Сылы дышөдны нин кутис Жекалөн унзиль йөйлуныс.— Пасьтась! Мунам!

Жека эськө көсйис юавны, кытчө, но видзөдліс Мишкалөн скөрөн ыпъялысь чужөмө да нинөм эз шу.

— И вай меным кедьтө ассьыд ли мый ли! Ме дзик көмтөм!

6

Тыдаліс, мый Жекалөн чорыд пыдөса кедыыс дойдөмөн дойдіс Мишкалысь кок чуньсө, сылөн весиг восьлалігас ньылөмыс пондіс чужөмөдыс шулльөн киссьыны, но зонка кыв ни джынтог крөвликтис туй кузьяс. Бөрсяныс кө видзөдлыны, быттө Жека вөтчө кык кок вылас тапиктысь-катликасьыс арөса кымын ошпи бөрся.

Жека чайтис, мый найө, кыдзи и пыр, мунасны кыр йылө. Чуймис весиг, кор ёртыс мөдарө кежис да вайөдіс сійөс вөвлөм пристань будка дорө.

— Мый ми тан, парокод пондам виччысьны али мый?— шмонитыштис Жека, но төддытог люкасис сувтөм Мишкаө да джөмдіс.

Мишка жмоткысис сулаланінас, котөрөн пөрччис коксьыс көмсө да пыдісянь, кокныда ышловзис. Жека пуксис орччөн.

— Найө меным вынсө юрө суюөмаоьс,— ньөти виччысьтог заводитис Мишка.— Сійө сэсянь висьтавлө, мый меным колө вөчны. Сійө тшөктис тэнө садьмөдны да татчө вайөдны.

— Мыйла?— эскис нисьө эз Жека.

— Мыйла-мыйла? Выйла! Ме кысь төда!— пинь пырыс вашкөдіс Мишка. Но Мишка ылөдліс. Дерт, сійө төдіс. Өд та йылысь сылы тшөтш висьталіс юрас овмөдчысьыс. И мый сылы колө вөчны, төдіс и. Сөмын эз төд, кыдзи.

Мишка мый вермөмсьыс юрсө жугліс-мөвпаліс. Жека виччысис, мый водзө лоас. Кыкнанныс чөв олісны.

— Жека, ме кө тэныд отитор тшөкта вөчны, вөчан?— нисьө тшөктис, нисьө корис Мишка.

— Давай,— веськодьпырысь вочавидзис Жека. Сылы мыйкө другысь дзик-дзик ставыс лоис веськодь. Окота вөлі сөмын мунны гортас да дзебсьыны-саймовтчыны ставсьыныс, мед некодөс не адзыны-кывны.

— Тэ меным кыв сетан, мый некодлы — кылан, дзик-дзик некодлы, Жека,— он восьты менсьым гусяторйөс.

— Сета, колөкө. Ставыс?— Жека көсйис чеччыны, но Мишка сійөс бөр ас дорас кыкыштис.

— Вай китө. Татшөм кывъяссө, тэ өд төдан, колө вирөн чорзьөдны,— Мишка босьтис Жекалысь кисө.

Жека көсйис нетшыштчыны, но эз вермы — Мишкалөн кабырыс вөлі топыд.

— Тэ мый сэн челядясян?! Шуи жө, мый некодлы ог висьтавл!— горөдіс Жека.

— Тадзи колө, Жека,— бара жө тшөктис ли корис Мишка, да визьнитис Жекалысь шуйга чальсө пуртнас. Жека ымнитис, но кисө эз нетшышт.

— Öнi ставыс?— кос турунас чышкаліс вирöсь кисö Жека.
— Да...— эз ёрт вылас, а кытчöкö ю саяс видзöдiс Мишка.
Жека чеччис да котөрөн муніс.

7

Выльлунö Мишка, кызди и пыр, кежаліс Жекала, мед öтлаын мунны школаö. Эз тыдав, мый ёртъяс костын мыйкö вежсис войдөрлунся торйöдчöмсянь. Жека дышиника висьталіс шойччан лунъясас на ордö гөсьтитны волөм Коля дядь йывсьыс. Мишка кывзiс ёртсö, мыйкö вочавидзис да чотіс.

Литература урок вылын Мишка лэптiс кисö, мыйөн шемöсмöдiс став классö — бөръя вит восö Мишка непöштö кисö эз лэптив, эз кывзив весиг, мый йылысь юасыліс велöдысьыс.

Мишкалөн дневникас эськö «1» да «2» кызди некутшöм лыдпас эз и мыччысьлы, мыйла коймöд класс бöрас сійö ни öти небöг, ни öти тетрадь эз восьтив. Но велöдысьяс öтитöг радeйтiсны мыйыськö Мишкаöс. Гашкö, зонкалөн мудер, шань синъясыс найöс ылöдлісны, а колöк, паськыд, восьса нюмыс да. А гашкö, сійö, мый Мишка урок вылын ачыс некор эз дурлы-йöйтавлы и мукöдыслы эз лэдз. Дисциплина классын вöлі, кыз шуласны, образцовöй!

И со Мишка петіс дöска дөрö!

— Менам медрадeйтана кывбурöй Михаил Лермонтовлөн «Парус».

**Белеет парус одинокий
В тумане моря голубом!..
Что ищет он в стране далёкой?
Что кинул он в краю родном?..**

Мишка пуксис нин аслас местаö, а классыс век на чöv оліс. Сэсся Валентина Ивановна чеччис да кутіс клопайтны, ставөн вöтчисны сы бöрся. Мишка быттö найöс эз кыв, öшинь-ланьыс бергöдчöмөн мыйкö асьыс мөвпаліс

— Кор удитін?— тувкнитіс гырэдзанас ёртыслы Жека. Мишка бергöдчис сылань да кыв ни джынтöг петкöдліс Жекалөн бинтөн гартыштöм чаллас...

8

Тайö лунсяньыс Мишка лоис эз сöмын классын, но и ставнас школаас герой сямöн. Дерт, эз быд урок вылын дöска дорын сулав, и эз дзик быд гортса удж вылын войöдзыс нускы. Но «витъясыс» тырмылісны, мед посни классаяс мунлісны сы бокті кок чунь йылас, а гырысьджыкъясыс паныдасигас мудер нюмөн небыдика тапйöдлісны пельпомас.

Велöдысьяслы Мишка вежсьöмлөн вöлі сöмын öти помка: зонкалы öкмысöд класс бөртиыс ньöти эз ло окота мунны ПТУ-ö, кытчö и тюрис сылөн туйыс. А окота лоис, шуам, ёртыскöд, сi-йö жö Жекаыскöд, видлыны институт-университетö инасьны, мед, шуам, армияö эз босьтны костті.

Мам-батыс эз жö кужны восьтыны пиыслысь другысь веж-

сьомсö. Но юасьны эз лысьтны — полісны, мый скöрмас да бара шыбитас велöдчынысö.

Школа джынйыс öнi вöли дась ёртасьны Мишкакöд. Но сійö важ мозыс некодöс эз сибöд, став прöст кадсö пöшти öтнас колляліс. Жека тöдчымön öтдортчыны жö кутіс ёртсьыс. Эз коркöя лöмтор пондаыс, кыдзи позис чайтны, а сы понда, мыйла Жекаöс буретш сэки шымыртіс Света нима муслун.

Регыдön ли дырön, ставныс велалісны выльмöм Мишка дорö, да олöмыс школаын, а сідзкö, и сиктын бөр лönис.

Тадзи колис арыс да тöлыс.

Жека пукаліс Светакöд кыр йылын да мыйкö зэв азыма, кылö, висьталіс. Света коръясöккö юрсö чатыртлöмön небыдика сераліс. Найö эз кывлыны, кыдзи матыстчис Мишка. Сöмын кор сійö пуксис Жека бокö, казялісны, мый öнi найö куимönöсь.

— Жека, менам тэ дорö сёрни,— шуис Мишка да плеш пырыс видзöдліс Света вылö.

Жека гөгөрвоис Мишкаöс:

— Светук, ме тэныд рытнас, аддзысям да, помсö висьтала. А öнi меным колö Мишкакöд варовитыштны.

Света көсйис эськö мыйкö вочавидзны, но аддзис Жекалысь другön вежсьöм чужöмсö да пельпомсö лэптыштлöмön чеччис.

— Гожöмнас, сійö жö луннас, миянлы тэкöд, Жека, колö ветлыны Чудь гу вылад,— верстыамыштöм да кызöмкодь гөлöсön заводитіс Мишка.

Жека бара на эськö көсйис шуны ассьыс «мыйласö», но та пыдди юаліс:

— Тшöктіс?

— Да,— быттö мырдön-сорön вочавидзис Мишка.

— А висьталіс, мый меысь сылы?

— Эз.

— А ме кө, Мишка, ог мун?!— Жека дзик синмас сатшкысис Мишкалы.

— Колö, Жека, колö,— эз вешты синсö Мишка.— Он кө мун, ковмас мырдön тэнö нуны. А мырдön ме ог көсйы. Тэ жö тöдан, Жека. Та понда водзджык и висьтала, мед некытчö сэк кежлö эн воштöдчы.

— И тэ пыр сійöс кывзан, Мишка?! Быдторсö вöчан, кыдзи сійö тшöктö?!

— Öтчид, дуригмоз, видлі ас ног вöчны,— веськыда висьтасис Мишка.— Сэтшöма кок чуньысь дойыс сотіс, кык лун омлялі-тупляси, чеччынысö эг вермы. Öнi, небось, сэсся дугдi дурнытö.

— А сыысь, мый тэ кывзысян да вöчан ставсö, сійö тэныд сöмын урокъястö отсалö вöчны?— ёртъяслön кадыс, а гашкö, и көсйöмыс сёлöмсянныс сёрнитны öнöдз эз на сюрлы. Та понда Жека и зілис унджыктор тöдмавны Мишкалön кесйöдлысь йылысь.

— Урокыд тайö, Жека, тшаква! Ме и сытöг унджыксö гөгөрвоа да вöча. А кор сійö тэнö нуöдлö важъя олöмас, шуам, крестоносечьяс тышö либö опричникьяс дорö. И тэ он прöста видзöд тайöс ставсö, а тшöтш на пöвстын ловъя котралан! Гөгөрвоан:

со кён оломыс! Либё кор тэнё нуёдö өнөдз некодлы на тöдтöм мирьясö, сэтчöс олысьяс дорö! Да таысь, Жека, ме кöть став лымсö сикт гөгöрыс ки пыдöсын сывда! А кор тэ мекöд ветлан Чудь гу вылад, и тэныд, Жека, сійö тайöс ставсö восьтас! И ми важас и коркöяас тэкöд бара öтлаын лоам! Кылан, Жека! Öтлаын!— Мишкалөн сьölöмыс пондiс чеччыны. Сійö сувтiс да вашнитöмөн кытшовтiс синнас и юсö, и мöдлапöвсö, и нöшта на ылитiджык. Сэсся дрöгнитiс да содтiс:— Сидзкё, сёрнитчим, Жека,— сора 25 лунö. Эн вунöд.

И мыйкö вомгорулас нурбыльтiгмоз котөрөн мунiс. Жека öт-нас колис пукалан-мöвпалан.

9

Жека садьмис водз, öшинь саяс муртса-муртса лöзалис. Сійö куйлис и мöвпалис, кытчö эськö сылы пышйыны, мед Мишкаыс сійöс эз аддзы. Жекалы, дерт, вывтi, вывтi вöли окота олыштны вöвлöм кадас да и локтанаас тшöтш. Мишкакöд на!

Но Жека полiс, мый татшöмторсьяс сылы коркö тшöктасны вöчны кутшöмкö зэв-зэв ыджыд позьтöмтор. И Жека сэк оз нин вермы ни шеныштчыны, ни öткажитны.

Тайö полöмыс öнi тшöктiс Жекалы кытчöкö дзебсьыны, мед Мишка эз тöдлы. Но Мишкалөн вашкöдана горзöмыс тöвруыскöд пырис Жекалөн восьса öшиньö:

— Жека! Жека! Вай китö!— воис Жекалөн юрöдз. Мөвпьясыс сылөн дрöгнитiсны повзьöмысла да уйкнитiсны юрсьяс.

Жека упкöмөн кыскис Мишкаöс öшинь вылас:

— Тэ мый сэтшöм водз шöчалан, он узь?— скöракодь юалис Жека, мед ёртыс эз гөгөрво сылысь öнтая майшасьöмсö.

— Да мыйкö оз узьсьы,— сюся видзöдлiс Мишка Жека вылö.— Тэнад со, буракö, оз жö.

Кыкнанныс водiсны вольпасяс. Чöv-лöняс кылис сöмын ку-тшöмкö лэбачлөн гежöдiник чивкнитлöмыс.

Жека тöдiс, мыйла Мишка локтiс. И Мишка тöдiс, мый Жека ставсö гөгөрвоис. Сёрнитны да юасыны вöли дзик нинöм йылысь.

Найö куйлисны восьса синмөн да кывзiсны: со Жекалөн мамыс пыртiс пöдöнча, со Тобикыс нюжмасьöмөн тявкнитiс, со тшайникыс пузис, со телевизорныс шыасис, со Оля чойыс мунiс кытчöкö великөн, со Öгрö бабныс локтiс...

— Чеччам ли мый ли,— паськыда очсыштiс Жека.— Мышкöй доймыны куйлöмсьяс кутiс нин,— сэсся чöv олыштöм бöрти содтiс:— Верман гортад мунны, Мишка. Некытчö ме ог вош. Ачыд тöдан. Рытнас аддзысям.

Сьölöм вылас Жекалөн кокняммис, мый öнi оз ков некытчö пышйыны да ылöдлыны Мишкаöс.

Мишка довкнитiс юрнас да петiс.

10

Рытыс онялöмөн онялис. Онишас весиг чиркьяс ни лэбачьяс эз кывны. Ставныс надейтчисны, мый шондi пуксьöмыскöд ыркалыштас. Но шондiыс лэччис нин, а пöсьыс мыйлакö сылөн сiдзи и колис ывлаас.

Жека көсийс ойбыртчывны, мед войнас сэсса не мизгирасьны, но жарысла сідз эз и вермы. Быд здук видзөдліс стенин өшалысь часі вылө, коді быттьө тшөтш, пöсялөмысла, сулаліс места вылас.

Но век жө, буракө, Жекалөн вугыртчөма, мыйла садьмис пельпомсө тракөдөмысь

— Жека! Мөдім!— пеляс вашкөдіс Мишка.

Жека довкнитіс юрнас да звирк чеччис.

Кольөмвоя туйыс вөлі пөшти раскалөма нин. Мишка восьла-ліс зумыда, нөйтчыдысь эз крукасьлы весиг некытчө, көть эськө сэккоста нин зутш пемдіс. А Жека бөрсяньыс помся конъясьліс да котөртишталіс, мед не кольччыны өртсьыс.

А со и налөн быттьө өнджыка нин сэксяньыс пөлынтьчыштөм важ ниаыс. Ёртъяс пуксисны сы улө да пондісны виччысьны.

Жека зілис уськөдны төд вылас кольөмвоя тайө войсө. Но мыйлакө дзик нинөм сэксяыс юрас эз пыр.

Дыр-ө-регыд, зонъясөс шымыртіс пөсь жө, рудов сяма ру. Лолавнысө весиг сьөкыд лоис. Руыс личкис и синкымъяссө. Мишка да Жека өтпырйө мый вынсьыныс тілісны синъяссө, мед сөмын не унмовсьыны.

— Шондіыс мыччысьө!— другысь горөдіс Мишка да петкөдіс кытчөкө ру пытшкас.

Жека весиг некутшөм югөрттор сыланьсьыс эз аддзы.

— Всө! Мунім! Ме ог пов!— өвтыштіс Мишка Жекалы да чеччыштіс водзө.

Жека уськөдчис өртыс бөрся. И көть уськөдчис котөрөн, но весиг дас воськов бөрти сідз эз и вермы аддзыны Мишкалысь көть нин мышсө.

— Ми-и-и-и-шка-а-а!—горөдіс Жека, тшөкмуніс горшас сибдөм русьыс да лөкысь курксыны заводитіс.

Жекаөс лөкысь тірзьөм босьтіс. Ачыс эз гөгөрво, мыйысь, но вир-яйыс пондіс дзоньнас сырзьыны. Сійө шыбитчис водзлань, но дзик пыр конъясис да турбыльтчис кутшөмкө гуранө. И воштіс садьсө.

Жекаөс пальөдіс чужөмсө сотысь шондіыс. Некутшөм рутор некөн эз тыдав, быттьө эз и өшйив му весьтас. Жекалөн син водзас, вылын-вылын, лөзаліс енэжыс. Жека весиг вашнитіс сылы. Сэсса надзөникөн пуксис. Балябөжас жунгис.

«Мишка!»— другысь вирдыштіс юрас Жекалөн. Сійө өтчыд дай мөдысь кытшовтіс Чудь гусө, кытчөдз увтасінысь эз казаяв Мишкалысь коксө.

Мишка куйліс йөжгыльтчөмөн, быттьө мыйкө морөсас топөдөмөн, мед эз мырдды кодкө. Рудов чужөмас муртса төдчыштіс ваш туйыс.

Мишка эз лалав...



Висьтышта ас йылысь.

Чужи 1982 воын Сыктывдін районса Сёська сиктын. Татчös школа помалöм бöрын велöдчи Сыктывкарса И.А.Кура-тов нима 1 номера педколледжын (кык во лицейын и кум во социально- юриди- ческöй отделениеын). Сэсса заочнöя по- малі Кировын Москваса финансово- юри- дическöй академиялысь филиал. Профес- сия серти юрист. Ола Сыктывкарын.

Челядьдырйи на заводитлі гижны кыв- бургяс. Кор аслам челядь чужисны — мойдгяс да кывбургяс кутисны содны, öд посниыдлы быд рыт колö висьтавны- мойдны мыйкö вильтор. Радейта гиж- ны челядьлы да челядь йылысь. Гижа и комиöн, и рочöн. Ме думысь, ичöтдырйи мортлөн дзик мöд сикас видзöдлас ыджыд олöм вылас: паськыдджык, ёль ва кодь сöдз да тэрыб, быдлаö пырысь. Челядь синмөн донгялігөн уна шензёдана серпас восьтан ас гөгöрсыйд.

Йöзöдöмторгяс: «Дзоридзгяс» кывбур чукöр петіс «АРТ» жур- налын (2017 во), роч кывбур — «Радуга» журналын (2017 во). «Лестукгяссысь вурöм эшкын» — медводдза висът, кодöс гижи верстьöлы.



Анастасия СУКГОЕВА

Лестукгяссысь вурöм эшкын

ВИСЬТ

«Со öд кутшöм көдзыд талун! Чизыр төв жалиттöг пöльтö, сотö чужöмös. Öдйöджык колö гортö воöдчыны»,— Валюш выlö- джык лэптис пась воротниксö, тупкис кепысыяснас гöрдöдöм бан бокгяссö да котöрöн мöдöдчис сикт туй кузя водзö.

«Ок, колöма шоныдджыка пасьтасыны... Гортö вотöдз дзикöдз турда. Энлы, ме öд ыджыд мамös көйи виддыны,— друг дум вылас усис нывкалы.— Со и пырала сы дінö».

Валя кежис бокö нуöдысь улич выlö. Недыр мысти тыдовтчис ыджыд мамыслөн керкаыс. Коркö ичöтдырйиыс Валюш бать- мамыскöд тані жö олісны. А бöрас ассыныс керка кыпöдісны сикт мöдар помас, но бабыс колис важ керкаас овны. Шуис: ме пö тані чужи, тані верöскöд челядьös быдтім, тані и кула. А ті, том йöз, ассыныд олöмтö выльлаын лöсьöдöй.

Ідждыд мамыс керкасянь, дерт, школаöдз матынджык. Валюш öтикöд классö тасянь и ветліс, а мöдöд классянь сылөн школаö мунан туйыс ёна кузьджык лоис. А öні нывка көкъямысöд классын нин. Öдйö тай кадыс лэбö, быттö мойдса лэбач, кодös кыйны бöжöдыс да сувтöдны некод оз вермы...

Öдзös крапнитис-пöдлассис Валя бöрын. Чужöмас нывкалы пыр жö öвтыштис пачсянь шоныдыс, нырас пырис тöдса чöскыд лежнöга тшай дук.

- Но, Валюш, тэ?— ыджыд мамыс шай-паймуніс.
Сійо вöлі пуксөн узыö пачыслы паныд сулалысь креслёын,
но Валюшлөн пыригас садьмис.
- Ме, ыджыд мамук. Бур лун!
- Ок, бара тай нö унмовссьöма,— ыджыд мамыс копыртчис
да вöсни, кос кинас судзöдіс джоджас куйлысь небöг.— Со öд
и книгаöй усьöма... Мыйта нö кадыс?
- Нель час регыд,— Валюш пöрчысис да пуксис бабыс дорö.
- Тэ, сідзкö, школаысь локтан?
- Валя довкнитіс юрнас.
- Кыдзи здорowieыд, ыджыд мам?
- Кыдзи нö вермас лоны сизимдас арöснад: оз кö нинöм
вись, сідзкö, тэ абу нин ловъя,— шмонитыштіс бабыс да друг
шевкнитіс кияснас:— Öчкиöй нö менам көн?
- Со, эшкын вылад куйлö,— Валюш петкöдліс кинас лес-
тукъясысь вурöм эшкынлань, коді вöлі джынвийö öшійöма крес-
лö бокас, джынвийö пласъткысьöма-усьöма джоджас.
- Ыджыд мамыс öчкиасис, лöсьöдыштіс юрси кутан сынансö,
нöйжійоникөн сувтіс, сюркняліс эшкынсö да öшöдіс сійöс креслö
юр вомöныс.
- Тэ, Валюш, кынмин, гашкö?— бабыс шаркöдіс кокъяснас
кухнялань.— Тшайөн кöть юктöда тэнö.
- Валя копыртчис креслö вылын куйлысь эшкынлань.
- Ыджыд мам, а тэ öд ачыд тайö эшкынсö торъя лестукъяс-
ысь вурин?
- Ачым,— бабыс петіс кухня жырыысь.
- Тайö öд сэтшöм сьöкыд удж! Мыйта кад колö!— Валюш
чуньяснас видлаліс уна рöма лестукъяс.
- Дерт, эг öти воөн ме сійöс вур,— ыджыд мамыс пуксис
креслö да друг ланьтіс, быттöкö кутшöмкö пыдын пукалысь
мöвптяс воисны сылы юрас.
- О, а тайö лестуксö ме тöдмалі!— нюмдіс Валюш.— Тайö
öд тэнад öшинь занавес вöлі?
- Ыджыд мамыс лэптіс юрсö, видзöдліс внучкаыслөн чунь ув-
сыйс тыдовтчöм дöра тор вылö да пыдісянь лолыштіс:
- Тайö эшкынас — менам став олöмöй, Валюш...
- Мый тэ тайөн кöсьян шуны?— нывка зумыштіс синкымтъяссö.
- Тайö эшкынсö вурöм могысь ме чукöрті быдсяма лестукъ-
яссö, но быдөн на пиысь йитчöны менам олөм туйкöд. Кöсьян
кö — висътала...
- Висътав, ыджыд мам!— Валюш чеччис, босьтіс эшкынсö,
пуксис бөр да плавгис сійöс пидзöс вылас.
- Сідзкö, кывзы... Быд лестук, кодös ме вури эшкынö, вер-
мас унатор восьтны менам олөм йылысь. Тайö ичöтик торъясыс —
менама олөмлөн медтöдчана кадколастъяс. Со тадзи и йитчисны-
вурсисны найö öта-мöд дорас, быттö менам олөм пасъяс. Уна
торйысь дзонь эшкын артмис.
- Сідзкö, быд лестук йылысь тэ, ыджыд мам, верман мыйкö
висътавны?
- Мöдарö, Валюш,— нюмдіс бабыс.— Быд лестук ачыс
вермö висътавны уна вöвлөмтор йылысь.
- Но, вай тайö торсö босьтам,— Валя чуткис чуньнас медся
мича, синмад шыбитчысь лестук вылö. Кельыдлöз да еджыд
дзоридзяс мыччысисны турунвиж коръяс сайысь.

— Тайӧ менам томдырся радейтана платтьӧ,— лӧня заводитӧс ыджыд мамыс. Синъясыс сылӧн неуна вазисны.— Тайӧ платтьӧнас ме тшӧкыда ветлі сиктса клубӧ. Томдырйи миян вӧлі асла-ным самодеятельносьт: сылім-йӧктім, коми кыв вылын пьесаяс сувтӧдлім. Гажа вӧлі кадыс!— пӧрысь пӧч думнас бӧр воис томдырас да нюмуніс.

— Да, тэнад ӧд и фотокарточка эм, кытӧн уна ныв-зон су-лалӧны мича сарапанъясаӧсь, важсикас дӧрӧм-гачаӧсь.

Валюш унаысь аддзывліс тайӧ карточкасӧ. Сэні ыджыд ма-мыслы ар кызь гӧгӧр. Нывкалы дум вылас усис кельыдлӧз ӧз-йысь синъяса, кузь кӧсаа мича ныв. Ӧні, дерт, сылӧн синъясыс чусмӧмаӧсь, юрсиыс дзор. Но Валюшӧс век шензьӧдіс бабыслӧн нюмыс: кор сійӧ нюмъевтӧ — быттьӧкӧ кык пӧв томмӧ, мичаммӧ, и чукрыӧсь да косньӧд чужӧм сайысь тыдовтчӧ-петӧ том нывлӧн чужӧмбаныс. Со и ӧні нывкалы друг кажитчис, мый пӧрысь бабыс весиг неуна томмис.

— Ыджыд мам, тэ сійӧ снимок вылас прамӧй артистка кодъ!

— Да, вӧлі ме коркӧ сэтшӧм... Сійӧ каднас ми и ёртасим дедыдкӧд. Вот сійӧ миян дзик артист кодъ вӧлі!— ыджыд мамыс-лӧн синъясыс здук кежлӧ югдылісны, но шог вуджӧр бара усис чужӧм вылас: верӧсыс некымын во сайын колис таладор мусӧ.

— А тайӧ лестукыс, ыджыд мам?— Валя петкӧдліс руда-лӧза рӧма визя тор вылӧ.— Дӧрӧм модаа...

— Да, тайӧ тэнад дедыдлӧн медражейтана дӧрӧм. Вывсьыс эз и пӧрчывлы. Тэ, гашкӧ, помнитан, дедыд вӧлі ачыс вурсян машинаӧн дӧмсӧ?

— Помнита. Гач да дӧрӧм пыр нускӧ-дзоньталӧ.

— Да... Со и тайӧ дӧрӧм вылас дас гӧгӧр дӧмас пуктӧма.

— Мый нӧ, сылӧн мӧд дӧрӧм эз вӧв?

— Вӧліны, дерт, мукӧд дӧрӧмъяс, но тайӧ дӧрӧм дорас, бура-кӧ, ёна мевмӧма*: кыз нӧ пӧ шыбита сійӧс — со мыйдыра ме-ным служитӧ. Сэтшӧмӧн и олӧмас сійӧ вӧлі: ас йывсьыс медбӧр тӧждысьӧ — став сиктса олысьяс вӧсна сьӧлӧмнас висис. Зіліс ставлы буртор вӧчны, кӧть бӧръя дӧрӧмсӧ сетас ёртыслы. Озыр-лунлань эз чепӧсйы, некор эз горшась, вежсӧ эз петкӧдлы, эз тшапитчы.

— Да, ыджыд мам, ӧні татшӧм йӧзсӧ шоча аддзан...

— Со ӧд, дедыд важӧн нин абу ловъя, а дӧрӧм лестуксьыс вурӧм эшкынӧй ӧнӧдз менӧ шонтӧ...

— А со этайӧ ичӧтик торйыс?— Валюш петкӧдліс турунвиж рӧма посни дзоридза лестук вылӧ.

— Тайӧ мамыдлӧн челядьдырся платтьӧыс. Сійӧ ичӧтдырйис век вӧлі зонкаяскӧд котралӧ-ворсӧ. Ӧтчыдысь гожӧмнас кайӧма-ӧсь став челядь чукӧрнас важ потшӧс вылӧ. Сісь потшӧсыс тратшмунас-чегас — челядь гылаӧмаӧсь, туй вылас усьӧмаӧсь. А мамыд веськалӧма мӧдар бокас — джуджыд гуранӧ, кӧн кузь петшӧр быдмӧ. Ок и сотӧма сэки куш кокъяссӧ! Дзонь вежон гортысь эз петав. Платтьӧсӧ сэки ок ёна чарснитӧма-косявлӧма потшӧс кӧрт тувъясӧ. Вурны эг нин вермӧй, а лес-тукъясыс колины...

Валюш аддзис эшкын вылысь кык татшӧмкодъ жӧ лестук.

* Мевмыны (диал.) — велявны.

— Со и чайник пузис, муна тшай кисьта,— ыджыд мамыс мөдіс кухнялань.

Сэсянь кутіс кывны чашкаяслөн зельөдчөм. Валя матыстчис ыджыд мам дінас:

— Вай отсала, ачым кисьта тшайтө.

— Со өд, кийө тіралө, чашкаыс усьны вермас,— бабыс лэ-дзис кисьыс чашкасө.

Валюш сувтөдіс пызан вылө пось тшая кык чашка, а ыджыд мамыс вайис печеннь-кампет да пуктіс найөс пызан шөрө.

— Ыджыд мам, тшайыд мед көдзалө. Вай нөшта висьтав эшкын лестукъяс йывсьыд,— Валюш бөр пуксис улөс вылө.

— Кутшөм лестук йылысь нө висьтавны водзө?— лөня юалис Валялысь бабыс.

— А со тайө тор йывсьыс,— нывка пуктіс чуньсө кельыдту-рунвиж рөма лестук вылө.

— Тайө лестукыс менам уджалан костюмысь. Тэ өд төдан, ме томдырсянь школаын велөді. Öнi тiян учительяслөн уна пась-көм, дерт, эм. А сийө каднас миян сөмын кык-куим платтьө и вөлі. А тайө костюмсө новлі дыр, пенсия вылө петтөдз. Кыдзи тэ чужин, ме пыр жө и коли уджөс, медем мамыдыл отсавны кага видзны. Тэ өд, Валюш, менам син водзын и быдмин: кок йылө сувтін, сёрнитны велалін...

— Сідзкө, и менам паськөмысь кутшөмкө лестук тані эм?

— Эм... Корсь,— ыджыд мамыс мудера нюмьөвтис.

— Төдмалі! Дерт жө, тайө,— Валюш индіс гөрд рөма дзоляник лестуклань, код вылын сярвидзисны еджыд гөгыльяс.

— Да, тайө тэнад ичөтдырся платтьөыд.

Валюшлөн син водзас кутшөм сөмын лестукъяс эз вөвны: со вушйөм вижов рузумысь юкөн, со салдат дөрөмысь лестук, сы бердын еджыда-лөза тор, коді өтлаасьөма уна рөма кузь лестук-көд. Весиг гөрд пионерскөй галстуклы тані места сюрөма.

Нывка бөрйысис: кутшөм лестук йылысь юавны водзө? Друг син улас усис пемыдлөз важсикас дөра тор.

— Ыджыд мам, а тайө лестукыс, ме серти кө, нэмөвөйся. И дорьясыс сылөн сьөдөдөмаөсь, быттьөкө чишкасьөмаөсь...

— О, тайө збыльысь важсикас паськөм. Менам мамөлөн на тайө сарапаныс вөлі чуланас куйлө, а сэсся и меным вуджис. Коркө миян клубын думыштисны музей вөчны. Став сиктсаяс сэтчө нуалисны важся көлуй, дозмук — коді мый аддзөма гортас. Ме со тайө сарапансө нуи. Тадзи вочасөн и чукөртім колана эмбурсө. А өти жар гожөмө (гашкө, тэ помнитан?) сотчис миян сиктса клубным. Тшөтш и музейса став көлуйсө би апыштис. Недыр мысти, пөжар бөрын нин, ме вөлі клуб дорті муна, видзөда: татчөс уджалысьяс сотчөм местатіыс ветлөдлөны, корсьөны кольөм көлуйсө. Найө менө аддзисны да петкөдлісны не-ыджыд дөра тор: со пө мый миян музейсьыд сөмын кольөма. А тайө, вөлөм, меным төдса сарапан дор...

— Ыджыд мам, артмө, тайө эшкынас абу сөмын тэнад олөм тшупөдьясыд, а дзонь сиктлөн историяыс?

— Артмө, мый сідз...— ыджыд мамыс өти здук вылө ланьтліс, сэсся виччысьтөг шевкнитыштис кияснас.— Валюш! Тшайыд өд дзикөдз көдзалис! Лок вай пуксьы пызан сайө.

— Виччысьлы, ыджыд мам!— Валюш индіс эшкын дорланыс

вурём тор выlö.— Вай та йылысь нöшта висьтышт! Тайö лестукыс чышгъянысь, да?

Ыджыд мамыс пыр жö вунöдiс тшай йывсьыс, босьтiс киас эшкынсö да тупкис ки пыдöснас паськыд лестук. Еджыд дöра вылын вöлi серпасалöма зарни сунисөн мичмöдöм гöрд розаяс да посни лöзов дзоридзьяс.

— Сидзи и эм: тайö чышгъян тор.

— Тэнад чышгъяныс?

— Менам, дерт. Но сы йылысь висьталöмыс дыр лöö... Гашкö, коркö мöдысь?— пыдö лолыштöмөн юалис бабыс.

— Öнi висьтав, ыджыд мамук!— корис внучкаыс да мудера содтiс:— Друг дзебан мöд вольтöдз эшкынтö?

— Эг ме кöсйи тайö лестуксö вурны татчö. Сэсся думыштi: ог кö вур — оз ло дзонь менам олöм шебрасöй.

— Ыджыд мам, а тайö лестукыс дзик быттьö выль, новлытöм...

— Сидзи и эм: эг ме новлы тайö чышгъянсö. Меным козьналісны сійöс, а ме эг окотит козинсö примитны. Но мортыс, кодi козьналіс, бöрсö эз жö кöсйи босьтны чышгъянсö.

— А кодi сійö мортыс?

— Тэ сійöс он тöд. Томдырйи, верöс сайö петтöдз на, тöдмасы ме öти зонкöд. Орчча сиктын олiс. Абу татчöс — локтöм морт, кыскö лунвыв обласгысь. Гудöкасис сэтшöм бура, мый став сиктсö чукöртліс аслас ворсöмөн. Шмонитны радейтö вöлi ёна,— бабыс нюммунис.— Тöдмасьöм бöрын мöдöд луннас нин менö верöс сайö корис: вай пö öтлаын мунам овны менам рöдинаö, бать-мам керкаö. Көть и зонмыс ёна сьölöм выlö воис, но кори ме кад, мөвпыштла, мися, сы вöзйöм кузя,— бабыс ланьтiс.

— А сэсся мый лои?— Валюш видзöдліс пöчыслы синмас.

— Недыр мысти друг вошис сійö. Некодлы нинöм шутöг чепöсйöма кытчöкö. Вöлi висьталöны, мый рöдинаас мунöма. Весиг письмөтор абу кольöма,— ыджыд мамыс синсö вештытöг дыр видзöдліс öти местаö, а сэсся довкнитiс юрнас да висьталiс водзö:— Во джын мысти, öти тувсовъя лунö, петi ме удж бöрын школаысь, видзöда — зонмыд сулалö! Вöлöм, менö виччысьö. Киас неыджыд тубрас кутö. Меным нюжöдiс: тайö пö козин тэныд.

— Кытөн нö во джынсö ветлöма?

— Вöлöм, мамыс сьлөн кувсьöма. Сы вöсна и тэрмасьöмөн гортас мунöма. А мамсö дзебöм бöрын регыд и батыс кувсьöма. Кольöмаöсь зон ки выlö кык дзоля чой.

— А мый нö сійö, чойяссö кольöма öтнаныссö да бөр татчö локтöма?

— Ме тайöс жö юали. Шуис: дзик пö тэ вöсна вои. Корис бара верöс сайö, мед пö бöрсö кыкөн нин мунны.

— А тэ?

— А мый ме?.. Ме сы локтöдз кык лун водзджык дедыдлы сöглас сетi гöтрасьöм выlö... Сёрмис... Ковмис öтнаслы гортас мунны. Бөрди зськö ме войбыд сэки, но мый вöчöма — сійö вöчöма...

Валюш шензёмөн кывзiс бабсö и эз вермы помöдз эскыны, мый тайö збыльысь вöвлөмтор, а абу пöчыслөн кутшöмкö мойд.

— Ыджыд мам... А тэ нö мый, артмö, верöс сайö петтöдзыд эн радейт деднымöс?

— Валюшöй, радейтöмыдлөн öд уна сикас чужöмбаныс... Овлö сидзи, мый виччысьтöг кучкас сьölöмад чардаби моз —

съявкнитасны ёсь бикиньяс, та бõрын ыпнитас-õзъяс сьõлõмад сэтшõм би, мый быдсõн сотны, дойдны кутõ став пытшкõстõ. И нинõм сы кындзи он кыв... Он и тõдлы, кыдзи сотчан. А мукõддырйи овлõ тадз: усяс сьõлõмад ичõтик кõйдыс — мõвпалан, мый абу дыр олысь тайõ тусьыс, а сийõ заводитõ ньõжйõникõн быдмыны, паськавны-сõвмыны. И некымын во мысти видзõдлан да чуйман: со õд кутшõм ыджыд да вына лоõма тайõ дзоля быдмõгыс! Татшõм радейтõмыд вермõ сæssя нэм чõжыд сьõлõмтõ шонтыны. Тадзи и менам артмис...— ыджыд мамыс чышкыштис гõрдõдыштõм синъяссõ да содтис:— Õтчыдысь весиг эг пасьтавлы ме тайõ чышъянсõ. Шкапын век куйлис...

Валюш пукалис чõла. Нывка и думыштны водзджык эз вермы, мый сылõн муса бабыслõн татшõмтор вермас лоны олõмас. Но Валя бара синсõ чõвтис югыд лестук вылõ:

— Сидзкõ артмõ, мый чышъяныд дзонь вõлi, а тэ сийõс вундa-лiн эшкын вылõ?

— Косяссьõм вõлi чышъяныс, кõtь ме сийõс эг и новлы.

— Кыдз нõ сидзисõ лои?

— Зина пõдругалы кõсийи сетны: босът, мыся, новлы, со кутшõм ярьюгыд чышъян менам прõста куйлõ. Зина юалис: кысь сэтшõм мичаыс? И ковмис висътасьны. Сийõ кывзис да сæssя пыкис: абу пõ лõсьыд меным татшõм козинтõ босътны. Зина вõлi миян хорын медбур сьылысьõн и недыр мысти корис чышъянсõ, медем сцена вылõ сийõн петны. Концерт помасьõм бõрын матыстчис ме дiнõ, мыччис чышъянõс. Шуõ: со пõ õд, тэнад чышъяныд косяссис менам юр вылын — тэ кындзи, сидзкõ, некодõс оз кõсийи примитны. Клубысь петигõн, вõлõм, крукасьõма чышъяннас кутшõмкõ кõрт тувйõ.

Валя лõня олiс некымын здук, но сæssя бара юалис:

— Ыджыд мам, а тэ зонсõ аддзывлiн на ещõ?

— Эг. Сийõ лунсяныс, кор шыбитi сьõлõмысь, эг нин сæssя ме аддзыв сийõс, нинõм сы йылысь эг кывлы ни.

— И тэ ньõти он жалит, мый тадзи вõчин?

— Õнi, дерт, ог жалит. Ме чайта весиг, мый ачыс Енмыс менõ видзис тайõ мортыскõд õтлаасьõмысь. Код тõдас, кыдзи эськõ олõмõй бергõдчис, коли кõ ме ас муõс да пышйи-мунi зонмыскõд.

Бабыс мелiа видзõдлiс внучка вылас:

— Валюш, ковмас меным выльысь чайниктõ шонтыны! Пуксьы вай нин пызан сайõ!

Нывкалы зэв окота вõлi водзõ на кывзыны бабыслысь висътa-лõмсõ, но Валяõс виччысисны гортас, а эшкын вылас сымда на тõдтõм лестукыс колис...

— Ыджыд мамук, ме тшайтõ юа да пыр жõ гортõ котõрта, медем бaть-мaмõй эз воштыны. А позьõ, ме аски школа бõрын бара пырала тэ дiнõ, висъталан мукõд лестукъяс йылысь?

— Висътала, дерт,— ыджыд мамыс малыштiс кинас эшкынсõ.

Кос ки пыдõс улас веськалисны и ярьюгыд дзоридза лестукъяс, и сьõд да руд рõма зумыш дõра торъяс. Ыджыд мамыслõн олõмас õд вõлины эз сõмын радлунõн тыра кадколастьяс, вõлины и шог здукъяс: дой, быдсяма неминуча, курыд синва...



Чумсянь ылӧдз тыдалӧ

Тундраӧ тулысыс локтӧ сёр. Май помланыс кутасны сѣлгыны сӧдз ваа нейджыд шоръяс. Юнь заводитчигӧн помасьӧ кӧръяслӧн пиянасьомыс. Первой кадсӧ кӧрпияныс муртса сулалӧны вӧснъидик кокъяс выланыс. Но энъ кӧръяслӧн збылысь ловзьӧдана йӧлыс. Мӧд луннас нин найӧ тэрыба котралӧны мамныс бӧрся.

Тундраас медся лӧсьыд кадыс веськалӧ гожӧм пансигас. Быд боксянь кылӧ лӧбачъяслӧн пургӧм-сьылӧмыс, турунъяс быдмӧны мӧда-мӧдсӧ панъялӧмӧн. Юль шӧрас кымын пуксьӧ жар поводдя, помтӧм уна петӧ ном-гебйыс. Кӧръяс чукӧрмӧны выв-тасінъясӧ, кыті тӧлӧдӧ, либӧ сэтчӧ, кыті лымйыс абу сылӧма. Гожӧм да водз арыс зэв тӧдчана кад кӧр пастуклӧн уджын. Торйӧн нин ӧдийӧ юль-сентябр тӧлысьясын яйсялӧны да тшӧгӧны телаясыс.

Августын тундраыс вӧччӧ праздник паськӧмӧ. Нюръяс вылын кисьмӧ мырпом. Мылькъяслӧн лунвыв пӧкатас петӧ уна сикас тшак, код бӧрся ӧна вӧтчӧны кӧръяс. А тӧлысь помланыс нин тундра янсӧдчӧ аслас сыланкыв кодъ мичлунӧн. Лӧбачъяс чукӧртчӧны кельӧбъясӧ. Войвывсянь ӧвтыштас кӧдзыд руыс, помся кутас зэрны, да ӧшъяс сэтшӧм ру, мый хорей помтӧ он аддзы. А сы бӧрын нин кутасны усьны лым чиръяс.

Но кӧр пастуклы кокнъыдыс некор оз овлы, пыр колӧ уджавны зэвтчӧмӧн. Мыйкӧ кӧ оз вӧч ас кадӧ либӧ оз сідзи, кызди колӧ — унатор воштӧ. Ыджыд опыта йӧзыс тундраас эм и абу этша. Сэтшӧм йӧзсӧ кӧр видзысьяс ӧна пыдди пуктӧны, на йылысь лӧсьӧдлӧны легендаяс, сыланкывъяс.

Война пансьӧм бӧрас Изьва районысь Рӧдина дорйыны босьтісны 179 кӧр пастукӧс. Накӧд тшӧтш Карельскӧй фронт вылӧ мунісны Щельяурса речникъяс, Няшабӧжысь баржа стрӧитысьяс, ӧткымын овмӧсысь колхозникъяс, Ижмаысь служащӧйяс. Унджыкыс веськалісны 14 армияӧ, кодӧ потшис вӧрӧглы туйсӧ Мурмансклань. Тайӧ армияыслӧн полкъясыс косьяссӧ нуӧдісны Баренцево саридз пӧлӧн. Иныс сәні восьса, уна нюр да из. Помся пӧльтӧ чизыр тӧв. Тӧвнас лымсӧ сымда тэчас, мый лызьтӧг да кӧртӧг некытчӧ он мун.

Бакурысь Степан Мартынович Терентьев фронт вылас вӧлі ветврачӧн, а сәсся кӧр транспорта взводса командирӧн. «Съӧкыдӧсь вӧліны 1942—43 да 1943—44 вося тӧвъясыс,— казътыліс Степан Мартынович.— Муртса кутас рӧмдыны, переднӧй крайлань мӧдӧ уна дас дадюв. Унаысь тшӧктылісны корсьны вӧрӧгӧн уськӧдӧм либӧ мӧд помка вӧсна лым вылӧ пуксьӧм самолётъяс. Помнита, жугалӧм самолёт дорысь аддзим кык лётчикӧс, ӧтикыс дзикӧдз нин вӧлі кынтӧма коксӧ... Гожӧм-арнас кӧръяс

олісны нитшка да туруна пёскөтинаяс вылын. Кадысь кадö на вылö сөвтлім мина-снаряд, мукöд сьöкыдтор. Көръяс кокныыда мунлісны нюръяс вывті».

Кипиевоысь Николай Антонович Рочев войнаөдзыс веськөдліс көр бригадаөн, бур вермөмъясысь сійöс вöлі пыртöма ВСХВ-лөн почёт книгаö, наградитöма ыджыд эзысь медальөн. Сійöс и фронт вылас пуктылісны примерөн.

«Тайö луннас, кызди и пыр рөмдыштөм бöрас,— висътасьліс Николай Антонович,— көр дадювъясөн петім туйö. Вөрöгысь дорйысянінөдзыс 12–13 километр мында вöлі. Колö вуджны куим шор. Крут кыр йылысь лэччигөн öти пастуклөн (фронт вылын мянöс шуисны каюръясөн) жугалис көр даддыс. Став сьöкыдторсö коvmис тэчны мукöдъяслы. Передной крайлань воим неуна сёрмыштөмөн. Первойөн көр дадыасö пуксьөдім ранитчөм да висьмөм салдатъясöс, мед югдытөдзыс вайөдны найöс медсанбатөдз. Сэсся лэпталім усьөм салдатъяслысь шойяссö, помнита, менам даддьö көртавлім жуглөм пулемёт да уна мукöдтор. Тэрмасьөмөн мөдİM бөр. Матö куим километр вотөдз кыліс самолётъяслөн жургөм. Вөрöглөн кыкнан самолётыс ылісянь кутіс пулемётъясысь лыйлыны мянöс. Найö лэбалісны ёна уліті, патронъяссö эз жалитны. Аддза, огö кө кутöй дорйысьны, некодöс мян пиысь ловйөн оз кольны. Горөді: «Лыйлөй самолётъяс кузяы!» То ли пастукъяс пиысь кодлөнкö пуляыс веськаліс, то ли мукöд помка вöсна, водзынджык мунысь самолётыс крута эновтіс мянöс. Мөд самолётыс нöшта кык кытш вөчөм бöрын тшөтш дугдіс лыйсыны, тыдалö, бырисны патронъясыс. Көкъямыс пастукуысь куимöс ранитісны, öтиöс — сьöкыда. Вөрөг вис кызь кык көрөс.

Ветливлім көръясөн вөрөг тылö жугөдны кутшөмкө опорной пункт. Öти татшөм ветлігөн вайөдİM кык немечöс, öтикыс зэв томиник, чужөм вылас 15–17 арöса, öтарö корис, медым сійöс эз вины. Уна немечöс аддзылі, но татшөмсö медводдзаысь».

Война воясö Рочевлөн бригадаөн веськөдліс сылөн гөтырыс Марфида Егоровна. Сійö казътывліс: «Бригадаын став пастукуыс вöлі нывбаба. А стадаын — кык сюрс сайö көр. Ог норась — быдөн на пиысь аслас вын да сям серти вөчисны ассьыс уджсö. Но торйөн нин ыджыд отсөг меным сетіс Анна Антиповна Канева. Войнаөдз сійö вöлі чумработничаөн, а война воясас старшöй (опытной) пастукөн. Тайö нывбабаыс быдтор вылö вöлі мастер. Сійö и стадаысь торъялөм көртö коряс да вайөдас, жугалөм дадытö дзоньталас, пими-төбөктö вурас, нярталатö кыас... Паметъыс сылөн вöлі вывті бур, быд ыджыдджык ты, мыльк, вис вöлі помнитö... Ружьеысь весиг көинöс виліс.

1944 вося арөдз олім сямөдысь вөчөм чумйын. Нывбабаясы уна кымөмыс сюрис. Висьмөм вöсна кодкө нывбабаяс пөвстысь эз вермы петны войся дежурство вылас, Анна Антиповна кык-куим вой помся коллявліс стада дінын. Некор эз норасьлы, мөдарö, кужис ышөдны ёртъяссö. Казътышта, Анна-лөн вöлі ён, мича гөлөс, сійö тшөкыда гажөдліс ёртъяссö. Война воясас мян стадаын көрыс содіс 14,2 прöцент вылö. Тані, дерт, пай пуктөмыс став нывбаба-пастукъяслөн, но торйөн нин Анна Антиповналөн. Война бöрас кык во мысьт сылы се-

тісны «Коми АССР-са кӧр видзсылысь» почёт ним. Татшӧм нимсӧ сӧмын ӧти нывбаба-пастуклы и вӧлі сетӧма».

Кипиевоысь Андрей Егорович Канев томдырсянныс вӧліс водзмӧстчысь мортӧн, кужис уджавны йӧзкӧд. Войнаӧдз сылысь бригадасӧ пыр пуктылісны примерӧн. Война вылас сійӧ вӧлі кӧра-лыжиа батальонын. Ӧти зӧра арся рытӧ ветліс разведкаӧ, да Бакурысь Александр Терентьевкӧд вежласьӧмӧн вылысаныс вайӧдісны ранитчӧм сержантӧс. Война вылас ачыс кыкысь ранитчыліс.

Батальонсьыс, кӧні служитіс Канев, кык взвод сетісны отсӧг вылӧ морской пехоталӧн 12 полклы. Колӧ вӧлі морской суднояс-ӧн Пикшуев мыс дорӧ вайӧдны 300 сайӧ кӧр да 75 кӧр дадь. Кӧнкӧ gryмакылӧны нин мина-снарядъяс, а командиръяс век на эз сёрнитчыны, кыдзи кӧръяссӧ да дадьяссӧ судноясянь вайӧдны берегас. Андрей Егорович шыӧдчис ротаса командир дорӧ: «Командир ёрт! Прикажитӧ кӧр дадьяссӧ йитны мӧда-мӧдыскӧд, берегсянныс найӧс кыскасны морской пехотинечьяс». Сідзи и вӧчисны. Кӧр дадьяс бӧрсяыс ваӧ чеччалісны кӧръяс, найӧ ӧдійӧ уйисны береглань, кокниа кыпӧдчылісны гыяслӧн ва сорс вылас. Ротаса командир крепыда кутліс кисӧ рядӧвӧйлысь. Кӧр немечлӧн самолётъяс тыдовтчисны мыс весьтас, берегас ни ӧти кӧр дадьув эз нин вӧв. Кыръя ордымъясӧд морской пехотинечьяс-лы найӧ нуисны нейджыд орудиеяс, миномётъяс, мина-снаряд, мукӧдтор.

Сиктӧ локтӧм бӧрас дзоньталыштіс керкасӧ, заптис пес. Тундраӧ мунтӧдзис гӧгӧртіс Кипиево да Боровӧй юяс бердса вӧръяс-сӧ, пасйышталіс, кӧні эм унджык еджыд нитшкыс, ялаыс, медым тӧвнас сэтчӧ пыртны кӧръясӧс.

...Война бӧрас казавлытӧг коліс нель во. Благовещеннӧй праздник бӧрын Андрей Егоровичлӧн бригадаыс петіс туйӧ. Сиктсаянь кыксӧ сайӧ километр мунӧм бӧрын шуйга кокыс пидзӧссянныс вылітіджык ёна пыктис. Пельшӧр муніс мӧд бригадаын, сәки рацияяс эз на вӧвны. Бригадирлӧн тушаыс быттӧ сотчыны кутіс, кадысь кадӧ воштыліс садьсӧ. Садяс воӧм бӧрын бураа ләчтіс пуртсӧ, мый позьӧ бритчыны. Пуртсӧ да пыкӧссӧ кыскаліс спиртӧн. Вундіс. Вирыскӧд да орыскӧд тшӧтш петіс нейджыд кӧрттор — вӧрӧг мина-снарядысь тор. Куим лун чумыс сулаліс ӧти местаын. Воліс пельшӧр, вӧчис уколъяс, вылысь тӧбис ранасӧ.

Кольӧм нәмса квайтымынӧд воясын Андрей Егоровичӧс бӧрйылісны Коми АССР-са Верховнӧй Сӧветӧ депутатӧн. Сійӧ тӧж-дысис эз сӧмын унджык кӧр видзӧм, но и кӧр видзсыяслысь дзоньвидзалунсӧ бурмӧдӧм вӧсна. Ӧд унджык кӧр пастукыс пенсияӧдзис оз и овны. Сійӧ корис, медым врачьяс тшӧкыдджыка видлавлісны пастук да чумработнициясӧс, медым колхозьяс эз жалитны сьӧм кӧр видзсыяслысь дзоньвидзалун видзӧм вылӧ.

Пенсия вылӧ петӧм бӧрын Андрей Егоровичӧс вежис Николай пиыс, коді батыс моз жӧ зэв кужӧмӧн веськӧдліс кӧр бригаданас. Уджын вермӧмъясысь Николай Андреевичӧс наградитӧма Коми АССР-са Верховнӧй Сӧвет Президиумлӧн кык почёт грамотаӧн, ВДНХ-лӧн эзысь да бронза медальясӧн. Жаль, висьӧм вӧснаыс эз вермы дыр уджавны тундраас.

Кипиевоысь Герасим Антипович Рочев вöлі зэв енбиа мортöн, радейтис шмонитны, мичаа сылыс, кужис ышöдны ёртъяссö. Уджын водзмöстчöмысь грамота да медальыс сылön вöлі уна. Война вылас йöз мыш сайö эз дзёбсьыв. Фронт вылысь локтис «За боевые заслуги» да «За отвагу» медальясөн. Кыкысь ранитчылис, мöдысьсö сьöкыда. Казьтывлис, мый госпитальын сылысь нель ичöтик көрттор перйöмаось. Войнаыс мунис на, а сійöс, мöд группаа инвалидöс, лэдзисны гортö. Вежон-мöд и олыштіс гортас да мунис тундраö.

...Луннас нин Герасим нёрпалыштіс, но вой кежлас мунис көр стада дорö. Гөгöртис стадасö, пуксис шойччыштын. Син водзас муыс быттö путкыльтчис. Герасим воштіс садсьö. Бур, мый вöжжиыс киас гартöма. Садяс воём бöрын кыссьöма шор дорас. Сэні и адзисны ёртъясыс. Чумын пельшөр вундіс кысыс пыкөссö, вирыскöд тшöтш петисны анькытш тусь ыджда кык көрттор — вөрöг мина-снарядысь осколокъяс.

Герасим да сылön гöтырыс Анисья Игнатьевна (война кадас веськöдліс бригадаөн) зэв ёна радейтисны панласьны көр дадювъясөн. Герасим куимысь босьтіс районлысь медшөр призсö.

Герасим Антипович томдырсянныс ёртасис ненеч Григорий Вылкокöд. Налön вензьöмыс, кодлön (изывасаяслön либö ненечъяслön) көръясыс вынаджыкось да тэрыбджыкось, кыссис уна во. Быд гожöм Кузь ты дорын найö ордйысьлісны мöда-мöдкöд. Налысь панласьöмсö видзöдны воывлісны сё километр сайысь изываса комияс да ненеч көр видзысьяс. Торйön нин уна йöза ордйысьöмыс вöлі 1949 воын. Сэки Герасим Антиповичлön дадюлыс панийöма Вылколысь дадювсö кык секунд былö. Герасим Антипович коркö петкöдліс меным зептын новлан часі. Мышкас гижöд: «Другу Герасиму, победителю на оленьих гонках, 1949 г.».

Бур казьтылёмъяс ас йывсьыс колис Кипиевоысь Иван Иванович Чупров, кодлön бригадаыс вöлі пастукъясöс дасьтан «школаөн». Сылön вöвлём пастукъяс Степан Выучейский, Владимир Рочев дыр кад веськöдлісны бригадаясөн, шедöдісны ыджыд вермёмъяс.

Иван Ивановичöс пыдди пуктылісны том и олöма пастукъяс. 1940 воын Кипиевöс колхозөн веськöдлысь В.Н.Ануфриевöс да Иван Чупровöс мөдöдлісны Москваö «Трудовой Гөрд Знамя» орден пöлучитöм могысь. Тайö орденнас овмөссö вöлі наградитöма 1936—1938 воясын му вöдитöмын да көръясöс видзöмын ыджыд вермёмъясысь.

И.И.Чупровлön казьтылёмъясысь: «Öти рытö нель дадюлön мөдöдчим разведкаö. Командирнас вöлі менам земляк Порфирий Леонтьевич Хатанзейский. Пöльтис чизыр төв, чорыда гартис лымсö. Миян переднöй крайсянь мунім куим сайö километр. Видзöда, воча локтöны витön, ставныс лыжи вылынось. Юөрті командирлы. Сійö тшöктис потшны вөрöг разведчикъяслысь бөр мунан туйсö. Немечьяс кутисны лыйсыны. Аддза, кык немеч матыстчöны мелань. Ме öтисö лыйи, мöдыс лэптіс кисö».

Миян переднöй крайкöд воча куим-нель километр сайын вöлі вөрöглön опорнöй пункт, кысянь сійö тшöкыда лыйліс миномётъясысь миян оборона кутысьяс кузя. Лыйліс медсясö войяснас, кор миян дадювъяс вайöны дорйысьысьяслы став

коланаторсö. Вöли шуöма бырöдны опорной пунктсö. Реактивной миномётсö, «катюшасö», ыджыд туй вылас сувтöдисны паськыд пöвъяс ылö, комын көрөн кыскисны матöджык передной край дорас. Көкъямыс-дас снаряд лэдзöм бöрын «катюшасö» татшöм жö ногөн бөр кыскисны ыджыд туйöдзыс. Көръяснас веськөдлiс И.И.Чупров, мыйыс сылы полкса командирлөн приказын вöли сетöма благодарносът. Опорной пункт местаас сöмын гөлöвняяс кольöмаосъ.

Тундра кузя мунiгөн Иван Иванович аддзис усьöм самолёт. Лётчикыс ёна дойдöма коксö. Пуксьöдис даддяс, нуöдис медсанбатöдз. Война вывсьыс И.И.Чупров локтiс «За отвагу» кык медальөн.

Война бöрас Иван Иванович матö кызъ вит во веськөдлiс көр бригадаөн, кодi воыс-во шедöдис көр яй вöчöм кузя бур вермöмъяс. Оз öд прöста бригадирсö шуны тундраса «академикөн».

Бакурыс Пётр Дмитриевич Чупров Карельской фронт ылын вöлис разведчикөн. 1942 вося төвнас кыкыс ветлiс вөрöг тылö, мойвиис, кыкнаныссьö вайöдлiсны «языкös».

«Декабр 21 лунлы паныда войнас,— казътывлiс Пётр Дмитриевич,— нельөн мунiм разведкаö. Командирнас вöли зэв збой том лейтенант. Нöшта мянкөд вöли 30–35 арöса сержант да кык радöвой. Нельнанным эг öтчыдыс ветлöй разведкаас. Югдытöдзыс мунiм 8–9 километр, петiм Петрозаводскланъ нуöдыс туй ылö. Кадыс кадö туй кузяыс мунлiсны грузовöй машинаяс. Сэсся кылiс мотоцикл таргöм. Телефон кабельөн потшим туйсö. Сэтчö и зурасис мотоциклистыс. Кöляскаас пукалiс кызкодъ немеч, киас портфель. Сержант шмонитöмпырыс шуалiс: «Гашкö, казначей мянлы веськалiс, маркаяс вайö». Лейтенант шуис немечсö босътны «язык» пыдди. Көжим туйсьыс бокö, зiлим мунны ылöджык. Но немечыс, вөлöмкö, зэв омöля ветлöдлö. Неуна ылынджык вöлис вөр. Куш местасö мунiгөн мянös и эрдöдисны, кутiсны лыйлыны пулемётъясыс, автоматъясыс, а сэсся и миномётъясыс. Первойөн усис лейтенант, вөрöглөн пуляыс веськалiс сылы сьылiас. Лыйсиг, ми зiлим öдйöджык воöдчыны вөрöдзыс. Öти бöрся мöд взрываетчисны минаяс. Мекöд орччөн муныс немечыс мыйлакö сувтлiс. И пыр жö некымын пуля веськалiс сылы морöсас. Колим куимөн, öти лыйлö вөрöг кузя, кыкөн лымтiыс уям вөрланьыс. 250—300 метр кымын колис вөрöдзыс. И колö жö, тшук сержанта-меа костын пасьмунiс мина, осколокъяс веськалiсны сержантлы бокас, меным — кокö. Сержант тшöктiс кольны сылы граната-яс, а меным да ёртлы кыссыны вöрас. Вöрас пырöм бöрын ёртöй төбис менсьым ранаös. Сiйö кадö кылiс гранатаяслөн взрывъяс. Сержант донаа сетiс ассьыс олöмсö. Ми пыдöджык пырим вöрас. Матö кык сутки мысът веськалiм асланым воинской часътö. Менö пыр жö нуöдисны медсанбатö, ёртös портфельнас командир дорö. Сöмын и помнита, мый ёртлөн нимыс вöли Ефим».

Госпитальын Пётр Дмитриевичлыс вундiсны кок лапа джынсö, мöд группаа инвалидөн лэдзисны гортас. Чупровлы сиктса олöмыс эз кажитчы, кыскис көръяс дорö, тундраö. Но

сәні быть колö ветлыны лызь вылын. Выль ног крепитіс кокас лызьсö, да вочасөн и котравны на велаліс.

Колхоз правление могмөдіс Чупровлысь корөмсö, индіс пастукөн. Пётр Дмитриевич матö комын вит во видзөдіс көръяс бөрся. 1956 воын бакурса «Комсомолец» колхозысь витөс, на лыдын Пётр Дмитриевичсö, наградитісны ВСХВ-лөн ыджыд эзысь медальөн. Сы бöрын уна награда мичмөдіс сылысь морөссö. Батъныслөн туй кузя мунісны и пьяныс: Илья, Иван да Геннадий.

Сизябскысь Афанасий Иванович Артеевлөн бригадаыс пыр жö вöлі водзмöстчысьяс лыдын, шөркодя 96–98 прöчент видзліс гырысь көрсö, быд сё энъ көрлысь быдтыліс 83–85 теля. Бригадирыслысь унаторйö позис велöдчыны. «Ме ог помнит,— казъ-тивліс Афанасий Иванович,— медым кодкö менам пастукъяс пиысь торкавліс трудöвöй дисциплина, вöчліс мыйкö омöльöс мукöдъяслы». Быд пастук, чумработница вылö донъяліс уджсö, ас кадö воліс ёртыслы отсөг вылö. Ставыс тайö и сетіс позяялун бригадалы шедöдны бур вермөмъяс.

«Да и том йöзкөд колö кужны уджавны. Ме том пастуклы некор эг висътавлы, мый колö бура уджавны, кывзысьны олöма йöзсö, лоны водзмöстчысьөн. Ме олі да уджалі том пастуккөд орччөн, ськөд коллявлі помтöм уна вой стада дорын. И некор эг жалит том пастуккөд уджалан кадсö. Менам вöвлөм велöдчысьяс йылысь позьö дзонь книга гижны. Быдөн на пиысь лос эз сöмын бур пастукөн, бригадирөн, но и бур мортөн. Босьтам көть Павел Каневсö, нель-ö-вит во уджаліс ме дорын, гашкö, неуна дырджык. А сөсся индісны бригадирөн. Слабиник бригадасö öдйö сувтöдіс кок вылö. Январса быд сё көр вылö сылөн бригадаыс вöчис 27–28 центнер яй. Районса көр овмөсьясын вонас шөркодя январса быд сё көр вылас яйсö вöчлісны 21–23 центнер. Аддзанныд, кутшöм разничаыс? Ме зэв рад, мый Павел Каневлөн бригадалы сетісны «Коми АССР-са медбур көр бригадалысь» ним».

Афанасий Ивановичлөн Прокопий да Сергей пьяныс помалісны видз-му овмөс техникум, уна во нин веськөдлöны «Ижемский оленевод» колхоз отделениеөн, кужöмөн вöчöны ассьыныс уджсö. Афанасий Иванович новлö «Коми АССР-са көр видзысьлысь» почёт ним. Журналист да писатель А.Мурзин «Солнце светит с земли» книгаын йöзöдіс сы йылысь ыджыд очерк.

1973 воын районса овмөсьясысь көръяссö вöлі чукөртöма «Ижемскöй» совхозö, мый отсаліс шедöдны көр яй вöчöмын бурджык вермөмъяс. 1982 воын совхоз сдайтіс государстволы начкан весөн 740 тонна яй, плансö вевтыртіс 152 прöчент вылö. Овмөслы вöлі сетöма РСФСР-са видз-му овмөслысь переходящöй Гөрд знамя да ыджыд премия.

Сы вылö видзөдтөг, мый көръяс пыр олöны ывла вылын, вөр-ваыслөн нелючкиторъясыс сетöны асьнысö тöдны. Бура колис көр видзысьяслөн паметъын 1972 воыс, кор тундрасö нель вежон кежлö вöлі дорöма йи кодъ чорыд чарөмөн. Самолётъясөн да вертолётъясөн тундраö вöлі нуöма 3,4 тонна турун, 5,7 тонна комбикорм, тонна сайö сов... Öти бригадалысь став овмөссö чумнас вертолёт нуис тувсовъя пöскöтинаясöдз. Татшöм

жӧ сьӧкыд вӧлі и 1978 воыс, кӧр видзсысьяслы бара жӧ отсӧг вылӧ воліс авиаця. Сійӧ воас тундраӧ воліс народнӧй поэт Се-
рафим Попов. Ас синмӧн сійӧ аддзыліс, кутшӧм сьӧкыд кутны
кӧръясӧ разалӧмысь. Сійӧ сьӧкыд воас шедӧдіс бур вермӧмъяс
Кипиевоысь Яков Прокопьевич Чупровлӧн бригадаыс. Поэт сы-
лы сиис кывбур.

Все кипит по-молодому
Бригадир Чупров.
Чем в тепле засесть бы дома —
Вновь ты в путь готов.
Тот, кто с детства пас оленей,
Спутник всех их бед.
Этот деле не изменит,
Хотя стар и сед.

1992 воын вӧлі котыртӧма «Ижемский оленевод и Ко» кол-
хоз. Сетӧм сьӧм вылас овмӧсыс ньӧбис колана техника, на лы-
дын ичӧт электростанцияс, бартер серти — бур брезент. Дас
во мысьт колхозӧн веськӧдлысь Яков Васильевич Каневлӧн
водзмӧстчӧм серти, кодӧс ошкисны пастукъяс да чумработница-
яс, овмӧсыс 30 сюрс кӧрӧн гижӧдчис Ненеч автономнӧй округӧ.
Помкаыс сын, мый округыслӧн бюджетыс быд сдایتӧм кило-
грамм яй вылӧ содтӧд мынтӧ (дотируйтӧ) 45 шайт, вит пӧв
унджык Коми Республика серти. «Ижемский оленевод» колхоз
вонас шӧркодя вӧчӧ 220—250 тонна яй, сы пиысь 150 тонна
яй вылас содтӧд донсӧ мынтас (дотируйтас) Ненеч автономнӧй
округлӧн бюджет, 80 тонна яйсыс — Коми Республикалӧн
бюджет.

Ненеч автономнӧй округӧ кӧръяссӧ гижӧдӧмыс сетіс позян-
лун кыпӧдны кӧр видзсысьяслыс удждонсӧ 20 прӧцент вылӧ.
Куим пӧв унджык сьӧм урчитӧма видзны премияс вылӧ. Тайӧ
сетас позянлун ыджыдджык тӧдчанлун сетны ордйысьӧмыслы,
мед пастукъяс пыртісны уджас выльсӧ, передӧвӧйсӧ. Но и та-
лунтя кӧр видзсылӧн удждоныс ёна ичӧт: кӧр видзсыс оз
вермы мӧдӧдны ныв-писӧ велӧдчыны видз-му овмӧслы кадряс
дасьтан техникумъясӧ, институтъясӧ. Та вӧсна колхозын оз
тырмыны зоотехникъяс, ветеринарнӧй пельшӧръяс да мукӧд
специалистъяс.

Яков Васильевич колхознас веськӧдліс 2007 воӧдз, ышӧдіс
йӧзӧс мӧвпавны, корсьны выль резервъяс, мед этшаджык вынӧн
вӧчны унджык яй. Сылӧн отсасысьяснас вӧліны Константин
Иванович Личутин (ӧні веськӧдлӧ колхознас), Иван Васильевич
Канев (ӧні Коми Республикаса кӧр видзсысьяслӧн ассоциацияса
президент) да Митрофан Егорович Чупров.

Изва муниципальнӧй районлӧн администрацияӧн веськӧд-
лысь Любовь Терентьева 2016 во сентябр тӧлысья «Регион»
журналын пасйис, мый «Ижемский оленевод» колхоз 2015 воын
вӧчис 260 тонна яй начкан весӧн. Колхозлӧн эм кӧр ку песан
мастерскӧй, кӧні кӧр куыс вурӧны пими, унатор — хромысь,
замшаысь.

Кӧть сьӧмнас кадысь кадӧ овлӧ сьӧкыдджык, но колхоз
быд во медалӧ вертолётъяс, мед кӧр пастукъяслӧн велӧдчысь

ныв-пиыс гождя каникулъяссö коллялісны тундраын, отсасисны
бать-мамыслы видзöдны көръяс бöрся.

Унатор майшöдлö овмöсөн веськöдлысьясöс. Рынок вылö
вуджöмыс тöдчымөн омöльтіс көр видзысьяслысь олöмсö. Войвыв-
са олысьяслы лöсьöдöм пенсияöдзыс быд сё мортсьыс олö 8–
10 мортыс. Унджык көр видзысьыс висьöны, но найö шоча
веськавлöны врачъяс дорö, шоча ветлöны курортъяс вылö.

Ыджыд опыта пастукыс колана арлыдöдз воём бöрын пыр
жö петö пенсия вылö, öткымын бригадаясын став пастукыс
томъяс, налөн абу колана кужанлуныс, а тайö тöдчö и удж
вылас.

Ыджыд сёрни колö кыпöдны и тундраын пöскöтинаяс видзöм
йылысь. Сэні воысь-во содö мусир-газ перйысьяслөн лыдыс,
кыптöны выль бурöвöйяс, пунктöны выль трубопроводъяс, стрöи-
тöны выль туйяс. Ставыс тайö зэв коланатор. Но öткымын
компания омöля видзöдöны асланыс йöзлөн удж бöрся, кодъяс
найтöсьтöны тундрасö. Кад нин Коми Республикалы да Ненеч
автономнöй кытшлы öтлаын лöсьöдны тундраса пöскöтинаяс
видзан программа. Бырны кутасны пöскöтинаяс — этшаммыны
кутас көрыс. А татшöмторсö вöчны оз позь.



Лунысь-лунся пасйӧдъяс*

ДНЕВНИК

1974.04.20

Сб.

Сетӧны совет: вуджны «Войвыв кодзув» журнал редакцияӧ. Овмӧдӧны миянкӧд йитӧм выль керка.

1974.04.21

Вс.

Лариса гортын дойдис кисӧ. Тома корис «Скорӧй помощь», а сэсся Ларисакӧд ветлім поликлиникаӧ. Вӧчисны рентген снимок, кисӧ гипсӧн гартисны.

1974.04.23

Вт.

Тамаракӧд ветлім Гарьяӧ картупельла.

Мама пӧжасьӧма. Миянын вежай. Гӧтырыс сійӧс бара вӧтлӧ. Лыддысьӧ миянын, ветлӧдлӧ мӧлӧтӧн да вӧчасьӧ: карта ӧдзӧс, ӧшмӧс дзир.

Папа асывсянныс чукӧртӧма собрание гаражын, рытнас — агитаторъяскӧд собрание. Регыд бӧрйысьӧмъяс. Минут кызь и вӧлі гортын.

1974.04.24

Ср.

«Октябрь» кинотеатрын Тамара, Лариса и ме видзӧдім выль фильм — «Старые стены». Киыс Ларисалӧн гипсын на, ветлӧдлім видзчысьӧмӧн. Поводдяыс талун шоньд, югыд.

Рытнас, дас ӧтиӧд часын нин, Вика лыддьӧ Ларисалы «Мурзилка» журнал. Мыйкӧ ассянныс содталӧ. Анетта и тетя Анна узьӧны.

Москваын уджалӧ комсомоллӧн XVII-ӧд съезд.

1974.04.26

Пт.

Колӧ медводз вӧчны медся колана могъяс. Талун 3 час чӧж вӧчи удж, сійӧс позьӧ вӧлі вӧчны 15 минутӧн.

Кадыс исковтӧ, быттьӧ керӧс улӧ чӧвтӧм гӧгыль.

1974.04.28

Вс.

Рытнас Тома, Вика, Лариса и ме гуляйтӧм кар кузя. Анетта тетя Аннакӧд колисны гортын. Анетталӧн эм нин 6 пинь.

* Воддза юкӧнлӧн пом. Заводитчӧмыс тавоя 7, 8, 9, 10 номеръясын.

Нюмъялө мичаа, синъяссө вильыша куньлө. Гора гөлөса. Бауөн ветлөдлө, водзö мунны оз артмы, а сөмын бөрө.

Сулалө көдзыд поводдя. Отпуской помассё. Пыраліс Юра Рочев. Сёрнитім асывъясын котралөм йылысь.

1974.04.29

Пн.

Виччысьтөм аддзысьлөмъяс: Холмовая, Рочева, Малафеев. Панева Москваын. Смирнов сійос вежө. Кывсьö, Панева кöсйö мунны телевидениеысь. Ветлім Ларисакөд Викалөн утренник былö. Лариса: «Мыйöн воам гортö, кисьт «чайнöй гриб» ыджыд чашкаö. Тадз быд лун некымынысь, а узыны водөм водзвылын быть».

Луннас, кор Ларисакөд мунім детсадйысь гортö, паныдасим Ёгор Рочевкөд. Некымын лун öтнасөн вөлөма вöрын, и öнi сөмын на воö удж былö.

Воліс Саша Некрасов. Петкөдліс ассьыс виль кывбуръяс. Шуö: «Ёгор öти синсö мыйлакö век куньö». Збой воськовъясөн Саша писькөдчö поэзияö.

1974.04.30

Вт.

Сеті С.А.Лыткинлы больничной листъяс. Удж былö петны май 22 лунö.

Помалі медводдза главасö вильөн гижөм повестылысь, мөд вариантсö.

1974.05.1

Ср.

Передачаö: Найö — миян уличьяс нимын. Кино, фото. Дасьтöны Л.Жеребцов, Г.Бараксанов, Ю.Рочев, А.Ванеев.

Кажитчöны дукъяс бензинлөн да важ книгаяслөн.

Пыралісны Шарапов гозъя, Поповъяс, Гуляев.

Вөр дözьöритысь йылысь Ю.Тиминкөд öтувъя сюжет. Кино-очерк.

1974.05.5

Вс.

6.00-ын подъём. Сизим часөдз Юрий Рочевкөд — Киров нима паркын. Сынöдыс свеж, котравсьö кокниа. Таөдз кыкысь босьтлі Викаöс да Ларисаöс. «Чöскыд сынöдыс»,— шуö Лариса.

Творчество — сійö став физической и духовной вынъяс уджөдөм. Вдохновение — взрыв.

Гарьяысь воис тетя Анна.

Гипса көртөд Ларисалысь разисны, но бурдöдны кисö дыр на ковмас. Ачыс вунөдöма доймөмсö — котралö, дурö да и усьлө. Öлөдөм оз кывзы.

1974.05.7

Вт.

Пыралісны Варя, Алексей Михайлович да Светлана.

Папа узис.

И.Колегов скöралö — некытчö оз инасьны пьесаясыс, а гижöма уна. Вежевкөд да Гуляевкөд öтвылысь кöсйö вöчны «пере-

ворот» коми литератураын. Ертъясыс нималана йӧз. Иван юктӧдӧ найӧс пӧттӧдз. Гуляев шуліс, лун пӧ эз вӧвлы, медем эг юлы. Со и топӧдіс найӧс «драматургыд».

1974.05.11

Сб.

Папа пыраліс. Лунтыр ваннӧйын электробі лӧсьӧді. Отпускалӧм матысмӧ помлань.

1974.05.12

Вс.

Варовитім Петрунӧвкӧд да Полещиковкӧд.

Асывнас паркын котралім Вика, Лариса, ме и, дерт, дядя Юра.

1974.05.13

Пн.

Квайт часянь куимнанным бара Киров нима паркын. Лариса Викакӧд: «Папа, со тадз босьт миянӧс шошаӧд, тэ кӧ шуан, мый ӧтнам котӧрта, онӧ кӧ садьмӧй да чечӧй». Садьмӧны асьныс. Петам котравны любӧй поводдяӧ. Талун дядя Юраӧс весиг садьмӧдім. Поводьяыс ыркыд, мед кӧть и шондіа.

Миянлы паныда сулалысь керка «быдмӧ». Нӧльӧд судтасӧнин вӧчӧны. Миян вӧчӧны керкалань матыстан туйсӧ.

Юр висьмис. «Кылӧ», кор копыртча либӧ кызӧдӧ.

1974.05.14

Вт.

Ларисакӧд сӧрни:

Ме — Ларисалы: «Вод узьны, а то аски асывнас паркӧ котравны ог босьт».

Лариса меным: «Ті — паркӧ, бабушка Викакӧд — садикӧ, а ме лялькакӧд кольчча али мый?»

Ме Ларисалы: «А ми ӧд ӧдӧ котралыштам и воам бӧр. И маманым тшӧтш мунӧ».

Лариса мем: «Оз, мама дышӧдчас, оз мун...»

1974.05.17

Пт.

Субӧта — картупель пуктан лун Гарьяын. Уджалим мама, тетя Анна, ме. Рытнас воис Вася. Миянкӧд тані Лариса.

Папа куйлӧ Вильгортса больничаян.

1974.05.21

Вт.

Гӧгӧр еджыд лым. Кӧдзыд. Картупельӧн ми, тыдалӧ, тэрмасьыштім. Рочевкӧд асывъяснас котралам.



В.В.Кривошеин корліс кабинетас. Сёрнитім делö кузя.
А.Ларев висьöдчö.

1974.05.26

Вс.

Субöтаö гөститім композитор А.А.Рочев ордын. Олö Эжваын.
Луннас ветлім Выхьгорт больничаö, а сэсса пыралім челядь
поликлиникаö. Лариса вöчис тшöктöм упражнениеяс.

Англичанин Джон Гордон Коутс лоö Сыктывкарын май 4
лунсянь август 4 лунöдз. Гижöма удж коми литература йылысь.
Дерт, окота лоö лыддыны, сибöдасны кө.

Прöстлун да ыджыд сям — абу öмöй кык чой?

1974.05.28

Вт.

Ветлім Юрик воккöд Выхьгорт больничаö, папа дорö. Збодера
асьсö кутö (зильö). Воккöд сёрнитім и виччысяна съёмкаяс
йылысь.

Ветлім Ларисакöд поликлиникаö. Вöчö бурдöдчан гимнастика.
Куимысь вежоннас вöчöны гальванической ванна.

Лыдди кывбуръяс Часысь школьник Потолицынлысь. Аддзи
сыын ачымöс, кор вöлі сы арлыда. Лоö пöэтöн, кутас кө водзö
уджавны.

1974.05.29

Ср.

Сöвещание В.В.Кривошеин кабинетын. Йöзкöд аддзысьлöмъяс.
Иван Коданёв бöрынджык шмонитіс: «Миян куим пöэт, да
öшъясöс моз новлöдлам...»

Ю.Рочев талун эз сувт асывнас. Кыкысь звöниті, эз шыась.
Котралі öтнам.

Ветлі Выхьгортö И.М.Вавилин ордö. Лыдди ассым некымын
кывбур, сигаретöс öзті сысянь биöн. «Поэтической би кө көсьян,
колö Прометейлысь корны», — шмонитö. «Но öд сійö ылын,
Воркутаын», — вочавидза. Прометей Ионович Чисталёв збы-
лысь тайö лунъясö Воркутаын.

Иван Михайлович сöглас лои петавны эфирö «Öтув семьяын»
передачаын.

Паныдасим радиоын вöвлöм диктор В.Поповкöд. Висьöдчö,
но кутö асьсö, сёрнитö небыда, пыдди пуктöмön. Сійöс Кира
Сергеевна Моисеева ёна ошкö.

СССР-са наукаяс Академиялөн Коми филиалын сёрнитім
Бараксановкöд, Гуляевкöд, Дёминкöд. Владимир Николаевич
Дёмин көйысис котыртны «Книга киоск» передачаяс роч кыв
ылын, коми литература йылысь.

Сеті Ф.В.Плесовскийлы В.Осиповлысь серпасъяс — «Шу-
сьöгъяс да кывйöзъяс» книгаö. Дасьтöны татшöм книга.

Пыралі И.В.Изъюров ордö. Кори сетны книгаяс (ачыс гортас
эз вöв).

1974.05.30

Чт.

Асывсянныс бур поводдя. Рочевкöд котралім талун рынок-

сянь Киров нима уличодз, парксö гөгортім. Аскисянь пö чöвта тшынасьны, шуö Рочев.

Ларисакöд вöлим поликлиникаын, а сэсся ветлім дедушка ордö больничаö — «Вильгортö».

1974.05.31

Пт.

Ветлім Гарьяö — Юрик Алякөд, ме да Лариса. Субöтанас пуктысим, зырийөн (горт гөгөр), а вöскресениеас — вöлөн. Карö вайис В.Бережко. Вежаньяслы пуктысим жö. Ме гöри, Юрик вöвсö вöтліс.

1974.06.3–4

Пн., Вт.

Гарья бердса вöрын съёмкаяс. Шöр геройыс — Смоленцев Павел Михайлович. Сійö кывкутö районса вөръяс вöснаыс. Быдтор тöдö, петкөдлö. Ёна тöждысьö пармалөн дзоньвидзалун вöсна. Вөр кыскалём машинаясөн, нэриник чальяс садитöм челядь киясөн, уна буртор петкөдліс и висьталіс.

1974.06.9

Вс.

Анетта медводдзаысь таво гожъяліс. Ньюжөдчö веж турунлань, но быд төвруысь чепöсйö бөрлань. Вольсалём газетъясысь оз пов.

Тома мөдөд лун вузасьö ырошөн. Медасис отпуск кежлас.

1974.09.1

Вс.

Фотографируйтчи. Н.Куратова юөртіс, колö пö 3 фото 6x9. Лыдди В.Напалковлысь повестьсö. Кажитчис шөркөдя. Ги-жан кывйыс бур. Сюрöсыс эм ли абу. Öдва кыссьö.

Анетта вöчö ассьыс медводдза воськовъяс. Вика вуджис под-готовительной группаö.

1974.09.3

Вт.

Индісны печать паськөдöм кузя кывкутысьөн.

1974.09.4

Ср.

Бара пыраліс аслас пьесала И.Колегов. Ю.Рочев сылы коркö шуис: «Иван, ю, а литератураыс абу тэнад удж». И.Аврамов эз примит сылысь уджсö, миян эз жö мун водзö. Примитив. Авторыс öні көсйö ыстыны пьесасö Москваö. А миян режиссёр-лы отсасысьяс пьесасö кытчөкө воштісны. Чöртыс тöдö мый... Сійö и судö на сетас.

Шарапов висьталіс, мый редакцияс öтувтöм (теле- да радио) матысса кадö вермас лоны.

1974.09.5

Чт.

Куратовлөн кык ён борд: фольклор да енби (талант). Став кывбурыс коми, и абу сöмын кыв сертиыс.

Уджала главнӧй редактор пыдди. Ларев больничнӧялӧ. Вежӧ-ра коми морт.

1974.10.11

Пт.

Пужъяліс. Сэзь поводдя. Ывлаыс кӧдзыд, сӧстӧм, югыд. Арыс нимкодътӧ.

Рочевкӧд тӧрыт сёрнитчим асъя котралӧм йылысь. Тшынасьны шыбитны оз на кӧйы.

1974.10.22

Вт.

Пыраліс редакцияӧ Александра Мишарина. Велӧдчӧ университетын. Стипендия оз во. Корсьӧ удж. Колис кывбурьяс йӧзӧдны. Колӧ котыртны передача. Шыасьлі Кушнеров дорӧ, но сылӧн уджыс абу.

Ӗбед бӧрын вӧлі гижысьяс Союзын. Коми-Пермяк округлӧн партия комитетысь секретарь Маяндин И.К. и культура отделӧн веськӧдлысь Кодырева З.Ф. висьталісны, кызди округ дасьтысьӧ аслас юбилей кезлӧ. Воӧмаяс лыдын, Союзын — Леканов В.Д., Юшков Г.А., Попов С.А., Попов В.А., Рочев Я.М., Рочев Е.В., Перепелица Я.С. да мукӧд. Гӧстъяс корисны отсавны лӧсьӧдны сыланкывъяс и кантата. С.Попов пасйис, мый кантата вӧчӧм вылӧ колӧ уна кад, а йӧзӧдасны сійӧс ӧтчыл, праздник дырйи. Перепелица унатор зілис шуны, но быттӧ вылісянь шуасис.

1974.10.23

Ср.

Ӗбедӧдз сценарнӧй планъяс вӧчӧм, Ыбӧ ветлӧм йылысь сёрни.

1974.10.24

Чт.

Югыл, кӧдзыд поводдя. Рочев эз пет зарядка вылӧ, висӧ. Тамаракӧд ветлім киноискусство кузя лекция вылӧ. Босьтлім сьӧрысь и Викаӧс. Сылы торъя нин кажитчӧма Чарли Чаплин.

1974.10.28

Пн.

Петіс эфирӧ шӧркодъ передача «Коми му». Кор кызди.

1974.10.30

Ср.

Партбюроын лоисны Торлопов, Кононова, Питуляк, Тимин, Максаров.

1974.11.4

Пн.

Ветлім Ыбӧ: В.В.Кривошеин, Г.И.Торлопов, Вит. Клыков и ме. Пыралім В.Безносииков ордӧ. Зэв ас морт. Тадзи примитны йӧзӧс ми огӧ кужӧй. Вас.Вас.Кривошеин воліс аслыс керка ньӧбӧм кузя.



Кежавлім Гарьяё. Папа ветлёма чери кыйны, ломтёма пывсян, но пывсьыны эз артмы — мекöд солиднöй йöз. Эз окотитны. Кор нин петім, мама гусьöник кисьтіс мем вина, папакöд торйөн юыштім.

1974.11.11

Пн.

Ньöби авиабилетъяс: Сыктывкар—Пермь—Кудымкар, ноябрь 15 лун кежлö. Мекöд мунö оператор В.Титов. Радиосянъ — И.Коданёв.

Тыдалö, лооны проблемаяс гижысь котыркöд, кыдзи вöлі коркö Удораын и мыйкö мында Москваын. Юшков. Торопов. Сэні лои найö номерысь («Россия» гостиница) петны, босьтны ассьым водка, закуска (налөн сэсса нинöм эз коль), мед эз ышмыны. Кайи аслам номерö, көні овмöдісны менö да Н.Володарскийöс. Но сійö эз и мыччысьлы, оліс көнкö тöдсаяс ордын либö ас рöд ордас.

1974.12.2

Пн.

Петі больничнöй былö. Анетталөн температура. Тамара талунсянъ больничнöй вылын жö.

Воис отпускысь Панева.

Шарапов зэв дөвöлен И.Коданёв передачаөн, Коми-Пермяцкöй округö ветлөм йылысь. Ветлімöй сэтчö бура. Дыр кута казътывны. Ас му. Сёрнияс артмисны. И примитісны бура.

Викакöд век на ветлөдлам аэропортса садикö (кöрт туй вокзал бердын). Ларисалөн садикыс матын, но туйсö вуджны öтнаслы оз позь — тырыс машина, и некутшöм кутöд.

Гора летучка. Мысов: «Вывті уна передача ёна ошкам. Колö стрöгджыка донъявны».

1974.12.11

Ср.

Висьёдчö Лариса. Мөдөд лун оз ветлы садикö (кынöмыс висьö). Пукалö, чöла видзöдö телевизор (О.Ефремов лыддьö Пушкинлысь кывбуръяс).

1974.12.14

Сб.

Анеттаöс нуисны больничаö: температура, оз сёй, восöдö, гажтöма видзöдö. Мамыскöд лоны эз лэдзны.

Рытнас мамыскöд нöшта на ветлим.

Лариса бурдiс.

1974.12.15

Вс.

Асывнас Анетталөн вылын температура. Медсестра висьталiс телефон пыр, мый оз сёй, сöмын юö.

Рытнас ветлим Тамаракöд и челядькöд больницаас. Температура Анетталөн воис нормаöдз, но висьёдчö на.

1975 во

1975.01.17

Пт.

Обедöдз дасьтi радиолы международнöй обзор (комиөн). Печатайтi. Радиолы да телевидениелы обзоръяс абу öткодьöсь — радионы некутшöм анализ оз ков, сöмын фактъяс. Та вöсна и мынтöны радионы этшаджык.

1975.02.13

Чт.

Ларев сетiс «Рытъя аддзысьлöмъяслысь» бөръя вариантсö. Сийöс и сетам эфирö.

Вöзйи И.Коданёвлы öти акта пьеса вөр-ва видзöм йылысь. Кöсйысис вöчны и вайны.

Поэма-оратория С.Тимушевлысь бергöдi авторыслы. Сийö и ачыс нин шуис, колö пö нöшта уджыштны.

Анатолий Смирнов петö больницаысь (радикулит). Бурдöдчыны тырвыйö гортас кöсйö. Талун сетiсны телевидение пыр сылысь «Возвращение» фильм.

Петö пенсия вылö Г.Люшин. Чукöртiм сьöм, неуна. Бөръя кадö сылы эз везит.

Тётя Аннакöд Лариса и Анетта пукалöны гортын. Тамара нёбис меным спортивнöй костюм.

Орччөн миян керкакöд кыпöдöны выль керка. Студияланьын. Коймöд судта нин эштöдöны.

1975.02.14

Пт.

Викакöд босьтiм поликлиникаысь анализъяс. Аски дасьöсь лоасны и Ларисалөн анализъяс.

«Мысль» магазинысь ньоби М.Басмановлысь «Кому служит современный троцкизм» книга и «Текущие проблемы мировой политики» — международной обзор. (15 сент.— 1 дек. 1974 во).

Лун помланьыс пыраліс Василий Журавлёв-Печорский. Тодмодіс отзыватьсён аслас гижодъяс вылө. Кодкө пö пинялө, кодкө ошкө. Некемын висят босьтоны «Пионер» да «Юный натуралист» журналъяс. Вөр-васө сійö аддзö и кылө, кужö казавны быдтор.

Висьтасис, мый öти чукöртчöм дырйи Свириденков грöзитчис вöтлыны Ванеевöс гижысьяс Союзысь (?). Мыйкө не сідз лоöма творчество Керкаын.

Рытнас Тамаралөн уна лыда гöсьтъяс: Нина, Валя, Светлана...

1975.02.15

Сб.

Гортса уджъяс: пыркөді ковёръяс, öшöдлі, томан лöсьöді пыран öдзöсö. Стенын розъяс вöчалі дрельöн, öшöді ковёръяс челядь жырыйн.

Юрий Рочевöс коймодысь корлісны судö (Галаяс тшöктö. Та пöрйö алиментъяс зільö перйыны, таöдз Юрий сетлöма 30 шайтöн быд төлысь).

Рытнас Казаковъясын. Шойччан рыт.

1975.02.16

Вс.

Лариса: Папа, кор тэнад уджыд жугалас, тэ кутан уджавны больничайн врачöн?

Иван Колеговлы стенъяс розьöдлі, корис.

Öбедайтим Рочевъясын. Ветлім челядькөд.

1975.02.17

Пн.

Асывнас нуöді политинформация — öчередьыс воис. Сы бöрын — летучка.

«Шуд вöсна» передача йылысь: С.Лыткин — Ванеевлы колö унджык ловсяньыс (от души) сёрнитны. Ф.Мысов и А.Ларев — Ванеев сёрнитіс бура, сьölöмсяньыс. Эраст Попов лыддис книгаысь. Тайö, дерт, позяна.

Сергей Лыткин öні вежö главнöй режиссёрöс. Питуляк муніс веськөдлыны турист котырöн Польшаö-Чехословакияö.

«Мысль» магазинысь ньоби некемын книга (букинистика).

1975.02.18

Вт.

Асывсяньыс худсöвет: примитім сценарийяс С.Горбуновлысь «Главная улица» и Г.Турьевлысь «Бабья доля». Лоöны кино-очеркъяс.

Рытнас воліс Вася Тимин, сёрöнджык — Коля Попов.

1975.02.26

Ср.

Öбед дырйи Анетта петкөдлө менам пимы вылө, найö кокас

тётя Анналён. «Папа», — шуё и видзёдö ме вылö. Сэсся вайис тётя Анналы ассыс тапочкыс и чöвтис кок дорас: «На!» Дыр сералім.

1975.03.3

Пн.

Сыктывкарö воис А.Н.Косыгин. Медводдзаысь Коми Республикаö воис СССР-са министръяс Сöветысь Председатель. Сійöс кыскö тöдны нефть, газ, из шом, титан, вöр...

1975.03.11

Вт.

Г.И.Торлопов лои пессимистöн: быдторйысь скöрмö, кусыс петö. Лöг руа, ропкысь.

1975.03.12

Ср.

Варнавина (цензор) дасьтö ме вылö соритан бумага Обкомö. Висьталіс Шарапов.

Субöтаö и вежалунö Викакöд да тётя Аннакöд вöлім Гарьяын.



Воисны и Вася, а сідзжö Юрик Альбина гöтырыскöд. Поткöдлім пес. Уджалім окотапырысь. Поткöдлім 10–12 куб.

Мама и папа здоровöсь.

Дерт, и пывсян.

1975.03.18

Вт.

Тамара муніс Харьковö.

1975.03.19

Ср.

Гижим ВМЗ вылö «Литературнöй аддзысьлöмъяс» (Геннадий Беляев, Владимир Ширяев).

Аддзысьлём композитор Яков Перепелицакөд. Стöчмöдалім сьыланкыв «Невельскöй дивизияс ветеранъяслы». Музыкаыс (шыладыс) Перепелицалөн, кывъясыс — менам.

1975.03.21

Пт.

Тамара воис командировкаыс.

1975.03.24

Пн.

Режиссёр Надежда Михайловна Клермон (Кöрткерöс). 16 спектакль сыөн дасьтöма: Дьяконов, Юшков, В.Леканов, Жугыль, Савин, Ларев.

Агния Андреевна Суханова. Унатор вöчöма коми йöзöс кыпöдöм кузя. Пöчөн шуысьыс — Ленинградса поэт Горбовский Глеб Яковлевич. Сухановаыскöд öтлаын уджавлöма Илля Вась.

...Öбед бöрын музейса автобусөн мунім Кöрткерöсö. Кори ветлыны тшöтш В.С.Клыковöс. Телевидениеын фотограф. Миянкöд вöлі и Илля Вась. Тошсö бритöма да быттьö томмöма. Гöгöрвоана: миянкöд ветліс и Н.Митюшева. Налөн бур йитöдъяс, водзö вылö кывкöрталöмөн. В.А.Пунегов шмонитö, Гуляевыс пö томджык. Рыт дырйи медводдзаөн сёрнитіс Н.Митюшева (кузякодъ), сэсса Ю.Рочев, Илля Вась, Сухановалөн племянницаыс. Петкöдлісны клубас зэв бур спектакль. Ворсісны бура. Президиумас ме и кывбур гижи, и бöрынджык лыдди трибунасян. Надежда Алексеевна босьтіс кывбурöс, татчöс музееас пö.

Агния Андреевна Сухановалы сиём рыт, а чукöртчöмсö сылы сиёма, муніс бура. Быдсөн вöлім ас йöз.

1975.03.26

Ср.

Тöдмаси главнöй редактор уджөн.

1975.03.27

Чт.

Усинскын. Тані котыртісны выль район — Усинскöй. Меным колö дасьтыны отчёт телевидение передачаö. КПСС райкомас секретарён лои Фаградов В.А. Вöлі тані и КПСС Обкомса первой секретарь Морозов И.П. Босьті кыкнанныслыс интервью. Морозовлыс кöсъя вöлі босьтны интервью и коми кывйөн, но отсасьысьыс ужасö воис: тэ нö пö мый, сійö öд национализм лоö. Газ трасса пöлөн лэбовтлім вертолётөн, оператор мыйсюрö снимайтіс, и ми мöдöдчим Сыктывкарлань самолётөн.

1975.06.29

Сб.

«Красноборск» теплоходөн мöдöдчим, гижыс чукöр, Кулöмдінö. Уна том йöз теплоход вылас. Жар. Войнас номъяс вильöдöны. 3 час войын (либö асылын нин) воді. Асывнас — вылыс палуба, шонді.

Творческöй котырын:

1. Леканов В.Д.

2. Попов В.А.
3. Шахов П.Ф.
4. Рочев Е.В.
5. Коданёв И.В.
6. Клыков В.С.

Ме — сизимёд. 9 час рытын воим Кулөмдинё. Водзын виччы-сьоны пö Усть-Нем, Руч, Пожög, Дон, Керчомья. Помöсдинын төвнас на пö вöлінныйд.



Районын судзөдöны «Войвыв кодзув» журнал 2283 морт. Тані 5 леспромхоз, 6 совхоз. 6 совхоз — ставыс нерентабельной. Олöны районас 37400 морт, 70 процентыс — коми.

Уналаын вöлим. Волісны аддзысьлыны уна йöз.

Е.Рочевлөн выступлениеыс: «Чужи тундраын. Абу заслуга, абу и мыжа. Но лоины сьöкыдлунъяс паспорт босьтiгөн, колö пö быть пасйыны кутшöмкö сикт. Катерөн, а сэссия «газикөн» волім Мыёлдинё (Мыс).

Медся бура, чайта, быдлаын сёрнитіс Василий Дмитриевич Леканов, драматург, артист. Быдлаын мыйкö вильöс висьталö. Залысь кодкö Лекановлы: «Коми писательяс кö, комиён и вись-талöй, ас рöднöй кыв вылын». Леканов юалö вöлі, кутшöм кыв вылын сёрнитны.

Гижысьяс юксим кык пельö:

Донö: В.Леканов, В.Лодыгин (районас нин öтлаасис), В.Попов, И.Коданёв. Кужбаö: П.Шахов, Е.Рочев, В.Тимин. Кужбаын чукöртчылісны 70 морт. Аслам выступлениеöдз гижы кывбур Кужба йылысь, а сэссия лыдди сійöс и, дерт, сёрниті.

1975.06.29

Сб.

Ларисакöд, Анеттакöд, тётя Аннакöд мунім Гарьяö. Пöшти пыр жö самолётөн воём бöрын. 11 час рытöдз чери кыйим батькöд. Мыйсюрö шедыштіс.

Картупель кокалім. Вася воис. Пывсян.

1975.07.3

Чт.

Чужан лун коллялі сідз, мый абу и окота гижны-висьтасьны. Пинясим Тамаракөд. И рытывбыд вошөм морт кодъ. Госьтъяс гажөдчисны, а ме некыдз эг вермы на ног кутны ачымөс. Медбөрын сувті и петі пызан сайсьыс. Рытыс, мися, помассис. Юра Тимин мыйкө зілис вөчны, личөдны рытъя лоөмторсьыс, но шуөма кө лой, ме нинөм эг веж.

1975.07.9

Ср.

Июль 7 лунсянь Тамара командировкаын, Минскын. Лоө сэн төлысь чөж. А.Ванеевөс өтдортөмаөсь партияысь, вуджөдө-маөсь ичөтджык чинө. Шараповкөд ветлім онкология диспансерө видлыны В.Амосовөс. Ветлөдлө, збодер. Вайөм козинъясысь кольөдіс аслыс «Искристое крепкое». Коли сылы «Габровские уловки» книга, Т.Беловалөн козин меным. Рытнас передача «Кулөмдінын литература лунъяс». Эфирын — П.Шахов, Е.Рочев, ме. В.Поповөс петкөдлісны водзвыв снимайтөм гижөдын. В.Леканов ытысис кад абутөм вылө и эз лок.

1975.07.14

Пн.

Колян вежа лунө ветлім челядькөд Мичурин нима паркө, исламим карусель вылын и «чөртлөн гөгыльын». Сэсся лэччылім ю дорө, «Северянка» кафеын сөйим мороженой, и воим гортө.

Политинформация нуөдіс Шерстнёв В.Н. Сёрнитіс «Союз-Аполлон» программа серти регыдъя кадө лэбөм йылысь.

В.В.Кривошеин: Литературной передачаясын колө петкөдлыны лыддысьысьөс.

Воліс удж вылө В.Амосов. Петіс больничасьыс. Лыддьө философия велөдан книгаяс и пасъялө тетрадьын. Больницаас, висьталө, дивитісны, өти кокнад пө сэн нин... А мыйла тэд философияыс колө? Ветлім сы ордө гортас.

...Поэзиялы колө гармония. Шуам, некодлы юрас оз во сөйны дона, мича торт көнкө сарайын.

1975.07.15

Вт.

Фёдор Щербаковкөд воліс телестудияө Николай Иосифович Малышев, поэт, Ленинградысь. Вайис сценарий «Страналөн ловби» передача дасьтөм вылө. Абу уна кывъя, шөркодя кузь тушаа, сибалана сёрниа.

Письмө Тамарасянь.

1975.07.16

Ср.

Пыралісны Максим Данилов гозъя.

Челядькөд велөдім алфавит.

1975.07.19

Сб.

Лунъясыс кольёны бура. Пыраліс Миша Попов. Көсйө бөр мунны Усинскө. Ошки сылысь татшөм көсйөмсө.

Юрий Рочев и Света — гозъя.

Челядькөд ветлім пляж вылө. Вика и Лариса пöшти эз и петавны васыс.

Рытнас пыралісны Юрик Аля гөтырыскөд.

Ми судзöдам таво:

1. Весёлые картинки
2. Мурзилка
3. Здоровье
4. Новые товары
5. Пионерская правда
6. Пионер
7. Крокодил
8. Огонёк
9. Правда
10. Югид туй
11. Красное знамя
12. Вестник политической информации
13. Войвыв кодзув
14. За рубежом
15. Литературная Россия

1975.08.15

Пт.

Ижмаын.

Артмис сідзи, мый аэропортын колльöдысьяс лыдын лой Ю.Рочев: сійö лэбис Салехардö. Ми пукалім сылөн ыджыд чемодан дорын, ковмыліс бумага стöкан. Миян водзджык көсйөм — лэбны сыкөд и Светланакод Ямало-Ненецкöй национальной округö — лой вежны. Водзджык таысь — лэбны Ялтаö и Гурзуфö эз жö артмы. Колис Ижма. Тайöс бөрйим öти руд асылö, Варя да Светлана Поповакод советуйтчöм бöрын.

Лэбим — Варя, и ми: Лариса, Тамара, ме. Вика, Анетта и тетя Анна колисны гортын.

Лэбим бура, сöмын падмöдліс гортись петöм водзвылын тетя Аннаысь узян жыр игналöм. Тамаралөн идея, тайö меным эз кажитчы, но спорö воны кадыс эз нин вöв.

Пуксьылім Ухтаын.

Рытнас — лышкыд ужын. Волісны Бизенковъяс — Василий да Вера, племянницаыс Варялөн да Тамаралөн, накод и Анжелика нывныс. Сэсся и мукöд гөсьтьяс волісны.

1975.08.17

Вс.

Гөсьтитім Бизенковъяс ордын.

1975.08.18

Пн.

Пасйим Ларисалы 6 арöс тырöм.

1975.09.6—7

Сб.-Вс.

Гарьяын. Тані гөститө Слава Тимин, Өлексей дядьлөн пиыс. Аслыссыкас, аслас пытшкөсса оланнога. Ми ветлім куимөн: Тамара, Лариса и ме. Пыр жö мөдөдчим тшак вотны. Бөр воигөн воштім батынымөс, минут 40 корсим сійөс, а бать думыштөма, мый ми мунім нин гортө, ачыс воис пöпутнöй «Москвичөн». Слава нöшта водзджык мөдөдчис гортлань. Туй пөлөныс мөдім и ми. Жуөдын сувтлім ыджыд мам да Геня дзеванінын, сэсся воөдчим гортланьö. А Слава, вөлөмкө да, бергөдчис миянөс корсьны. И медся бөръяөн воис Вася. Заводитө лөсьөдчыны аслас медводдза велөдан во кешлө. Визиндорын.

Вежа лунö картофель керим. Сыктывкарö вайис Витя Бережко.

Кувсьöма Гаддя Паладь, ыджыд мамлөн суседкаыс. Ме сійөс бура төдлі, орччөнөсь да.

1975.09.17

Ср.

Выльлунсянь Анетта ветлөдлө детсадйö. Неокотапырысь. Вика ветлөдлө школаö. Велөдчö шөркодья.

1975.09.23

Вт.

В.В.Кривошеин муніс Москваö. Корисны, тыдалö, гостелерадиоса веськөдлысьяссö. Телевидениеын ме коли веськөдлысьыс пыдди, радиоын — Шарапов. Такөд тшөтш, сійö комитетса председатель пыдди.

1975.09.30

Вт.

Талунсянь Тамара велөдö торгово-кулинарнöй училищеын.

1975.10.16

Чт.

Шондіа төвся лун. Лариса дышөдчис сувтны, и ми Викакөд кыкөн котөртім стадионö.

Нуөді Ларисаөс да Анеттаөс садикö. Сэсся, кыдзи и век, подөн муні удж вылө.

Заводиті дасьтысьны локтан демонстрация кешлө (ноябрь 7 лун). Юклім, коді нуөдас интервью, кодлы индөм колонналы текст. Быдөнлы, коді лоö Юбилейнöй изэрд вылын, колö дасьтыны пропускъяс.

Вөлі отчётно-выборнöй партийнöй собрание. Воліс Обкомса секретарь А.Ф.Сюткин. Уджсö таөдз шуисны «удовлетворительнöйөн». Бара бөрйисны партбюроö, öні — секретарөн. Выль партбюроын: Кононова Г.А. (зам.), Шарапов А.М., Дильгер Г.Г., Шерстнёв В.Н. Торлопов Г.И. эз лок сы вöсна, мый Шарапов эз вöйысылыс кандидатурасö секретарö. Ме эг нетшкыс лоны секретарнас.

Рытнас пыраліс Рочев Ю.Г. Воöма сылөн вокыс, Мужийсь.

1975.10.17

Пт.

Смирнов А.И. петіс удж вылө. Медводдза лунсянныс кыпөдім вопрос торъя кабинет кузя (öні кыкнанным öти кабинетын).

Выльлунсянь Смолева Р.Н. муно командировкао. Сы пыдди «Выльторъяс» кутас вочны Амосов, сылы тодса удж, эз и пыксы.

Ю.Чучина виччысьо месянь текст «Рабочее утро» сылан-кывйö. Звонитлис Я.Перепелица.

Выль уджыс падмодö Тамараос. Скöралö и вештö миян вылö.

1975.10.18

Сб.

Колян вежалунö вöлим Рочевъяс ордын. Владислав вокыс мододчö гортас, Из сайö. Вöли миян конфликт Рочевкöд, но век жö кайлим. Сийö олö витöд судтаын, ми — коймöдын.

Ме быд вежонын, выльлунö, нуода «Мир миян гөгөр» телепередачаяс. Колö дасьтысьны.

Торлопов Г.И. нуодö тайö передачасö бура. Сийö оз лыдды, а висьтасьö юрсыс. И быд лунъя коми кывйөн вöдитчö. Но сценарийсö быть колö печатайтны, сийöс видлалö литературной цензор и кырымалö ыджыдджык начальство.

Медводдза лунсянь Смирнов А.И. вышшитчö, начальствоөн кылö асьсö. Паныд шуом, сылөн редакцияссянь, оз терпит.

Корлис ас кабинетас Панева Н.З., тшöктис сёрнитны быд лутчка дырйи.

Кувсис Вавилин И.М.

1975.10.21

Вт.

Асывнас котралім Вика, Лариса и ме. Кежавлім Поповъяс-лань. Коля сэсся котраліс миянкöд. 8.15 вöлі нин удж вылын.

1975.10.24

Ср.

Асывнас котралім ми куимөн, воліс тшöтш и Коля Попов.

Ковмылö гижны быдсяма справкаяс. Мый сöмын оз тшöктыны! Но колö гижны, корсьысьны, и быдтор вылö колö кад.

Быть колö гижны кывбур А.Ф.Любушин йылысь. Уджалис сьöлöмсянныс наукаяс Академиялөн Коми филиалын председателёс вежысьөн. Ме уджалі сыкөд орччөн, öтчыд весиг ветлім Москваö стöчмöдны филиаллысь заказъяс. Москваад стрөгöсь, коліс гөгөрбок ставсö артыштны. Менö пыдди пуктыліс. И вöз-йöмъясöс тшöтш.

1975.10.29

Ср.

Асывнас 9.00 В.В.Кривошеинлөн кабинетын чукöртчыліс выльөн бöрйöм партийной бюро. Партийной организациялысь план водзö вылö вынсьöдöм. И — Октябрлы 58 во тырöм пас-йöм.

Дженъыдик конфликт А.И.Смирновкöд. Сылы тайö тшаква, а менö падмöдіс. Та вылö видзöдтöг, КПСС горкомлөн бюро вылын ме лои сöгласөн, мед сийöс бöрйисны горкомса членөн и мөд срок кежлö.

1975.10.31

Пт.

Коми челядьлы передачаяс котыртны — абу зэв кокни удж. Но колӧ, мед вӧліны татшӧм передачаясыс — ӧти бӧрся мӧд, во чӧжӧн.

1975.11.2

Вс.

Гуляйтыштім кар кузя ставным. Орджоникидзе нима улич вылын видзӧдім ошпиӧс. Буретш кӧзяиныс сыкӧд ворсіс.

Пыралім Поповъясӧ, видзӧдім «Последний дюйм» фильм (Джеймс Олдридж висът серти, меным кажитчис).

1975.11.3

Пн.

Асывнас вӧчи политинформация. Артмис, чайта. Но летучка дырйи сёрнийӧй эзджык артмы.

Помалі гижны кывъяссӧ радиолы «Рабочее утро» сылан-кывйӧ. Шыладсӧ гижӧ Я.С.Перепелица. Абу, дерт, шедевр, но и ог лёкӧд. Рочӧн.

1975.11.5

Ср.

Вика тётя Аннакӧд кайисны Гарьяӧ (карӧ кӧ мунны, шуӧны — лӧччыны). Мунісны Гарьяса пӧль-пӧч ордӧ. Тётя Аннаӧс шуӧны карса бабушкаӧн.

Лариса бара дойдіс кисӧ. Весъкыдсӧ.

Тамара висьӧдчӧ. Ветліс Вильгортӧ уколасьны — эз отсав.

Светлана Казаковаӧс (мӧд судтаын олӧны, ми — коймӧдын) водтӧдісны больничӧ.

Лариса мамыскӧд ветлісны хирург дорӧ. Шуисны: «перелом кисти».

Рытнас торжественной собрание Октябрлы 58 во тырӧм кузя. Доклад вӧчис Панева Н.З. Вывтіджык уна сёрнитіс Октябрь водзвывса кад йылысь, этшаджык — талунъя олӧм-вылӧм йылысь. Ме восьті и пӧдлалі собраниесӧ.

Радиоысь мунӧны Н.Щукин и М.Ганов. Сёрнитім Щукинкӧд: ичӧт удждон и оз лӧсявны Шараповкӧд.

1975.11.7

Пт.

Асылыс заводитчис демонстрациясьнӧ Юбилейной изэрд вылын. Вӧзйисны нуны Л.И.Брежневлысь портретсӧ. Телевидение-ысь воисны сӧмын 20 процентыс. Мыйла сідз? Вӧлі ӧд и агитация.

Вика Гарьяын. Карын гуляйтім Ларисакӧд и Анеттакӧд. Кыскалі даддӧн. Пыралім кафеӧ, сёйим мороженӧй.

Рытнас пыраліс Лёня Казаков (уліысь). Ворсім шашкиӧн. 5:3 тшӧтӧн вені ме.

+4. Сылӧ. Ывлаын лым рок.

1975.11.10

Пн.

Ветлім Ф.Ф.Мысовкөд Эжвао, пыртім Л.Лыткинлы Паневалысь приказ: петны удж вылө!

Праздник лунся демонстрация петкөдлөм донъялісны бурөн.

Воис письмө: котыртны Красный Крест организация гостелерадиоын. Письмөсө сеті В.Н.Шерстнёвлы — сійө кывкутө общественной организацияс удж вөсна.

1975.11.20

Чт.

Вөліны командировкаяс Ухтао и Ижмао. Öні колө гижны сценарий «Съездсянь — съездөдз» передачао.

Ф.Ф.Мысовөс порөдіс паралич. Ветлім сы дорө куимөн: Шарапов А.М., Лыткин Л.А. и ме. Феодосий Феодосиевич шөйөвошөма, бөрдө шытөг, сөмын синваыс тыдовтчылө. Кыдз вермим, эскөдім, мый тайө висьөмыс бурдана.

Лунтыр муніс партийной организацияясса секретарьяслөн семинар.

Нель час асылөдз гижилөсьөді повесьтөс.

1975.11.24

Пн.

Быд лун «воюйта» кык фронтөн: быд лунся партийной могъяс и главной редакторлөн могъяс. Панева командировкаын, Смирнов лөсьөдчө мунны командировкао.

Нуөді летучка, кыдзи век, шума-зыка, но помөдзыс кути кийн.

Нуөді политинформация международной темаяс вылө. Став политинформаторыс разалис, со и ковмис өтнамлы вөчны тайө уджсө.

1975.11.27

Чт.

Лунтыр дасьтыси партийной собрание кежлө. Луннас Шаропов юөртіс, мый Леканова Е.Д. (В.Д.Лекановлөн чойыс) вештөма менсьым кандидатураөс горкомса членө, менам арлыд вөсна (1927 воын пө чужөма, чайтөма менө Тимушевөн, радиоыс, сорсьөма). Ме некор эг вөзйив ачымөс горкомө, и висьталі та йылысь Шараповлы. Кори дугөдны тайө делөсө.

Мисьтөм характеристика горкомса уджалысь водзын сетөма ме йылысь партбюроса вөвлөм секретарь Торлопов Г.И. Ноксьöны.

1975.12.1

Пн.

Пөшти ставөн телевидениеса элита лоины места вылынөсь. Кривошеин В.В. воис отпускысь, шөйччис Сочиын. Панева Н.З. воис командировкаысь (Москваысь), Смирнов А.И., Питуляк П.Н., Шерстнёв В.Н. воисны Кировысь.

1975.12.1

Пн.

Тамара петіс больничаясь. Төрыт сэтчө водіс.

1975.12.2

Вт.

Дзик виччысьтӧг пропаганда редакция сетіс меным удж: нуӧдны, и талун жӧ, час мысти кымын, «Сёстры» передачаын ыджыдкодъ юкӧн.

Йӧзыскӧд тӧдмасьӧм бӧрын сӧгласитчи, да мӧдарӧ вӧчны эськӧ эг и вермы: тайӧ аньясыс война пӧраӧ Пажгинской МТС-ын женской тракторной бригадася членъяс.

Со найӧ:

1. Парасковья Егоровна Кононова, бригадир.
2. Анастасия Степановна Шешукова, бригадир, сӧсся механик.
3. Анна Алексеевна Кропанёва.
4. Александра Егоровна Кононова.
5. Парасковья Андреевна Кононова.
6. Александра Ивановна Чудова.
7. Анна Степановна Оплеснина.
8. Анна Максимовна Кононова.

Олӧма, авъя коми аньяс, кодъяс медся сьӧкыд кадас вынны-сӧ жалиттӧг пессисны-уджалісны колхоз муяс вылын. Кӧдзисны-гӧрисны, дзоньталісны асьныс «кӧрт вӧвъяснысӧ». И пӧсь, и синва кисьтлісны. Со асьныс шуӧны: «Начальство маткӧ, асьным гӧгӧрвоам — колӧ вӧчны. Мукӧддырйи войбыд луасям трактор пытшкын. Запчасть оз тырмы, отсӧг сӧмын ӧта-мӧдлы вермам сетны, сӧсся некытысь виччысьны».

Татшӧм йӧзыскӧд непӧштӧ передача нуӧдны, аддзысьӧмыс да сёрнитӧмыс нин праздник кодъ. Содтӧд, тайӧ пыдди пуктана йӧзыс — менам землячкаяс.

1975.12.3

Ср.

Сылӧ. Миян Октябрьской микрорайонсянь пивзаводӧдз — ыджыд ва гӧп, керкаяс вылысь тӧпкӧ ва. Тротуаръяс вылын лым рок.

Звӧнитліс А.Туркин. Мӧдӧдчӧ нин бӧр гортас, Эстонияӧ.

Викалӧн мода: сетан книга — наперво ысыштас, сӧсся и восьтас.

1975.12.11

Чт.

Папа и мама, Чёрнышӧ, а сӧсся Визиндорӧ мунысьяс, гӧститісны первой миянын некымын лун. Бура, кыпыда коллялім тайӧ лунъяссӧ.

Петіс больничайсь Светлана Казакова (Лёня ёна нин гажтӧ-маліс).

Вика радейтӧ иславны коньки вылын. Ларисалӧн кияс бурдіс, но котралӧ, чечалӧ, быттӧ нинӧм эз и вӧвлы. Анетта оз лӧдзлы кисьыс «Русский язык в картинках» (книгасӧ ме вайлі кольӧм воын Кудымкарысь). Весиг узынысӧ муно книгаӧн киас.

Тамара сёр рытӧдз и асывнас, удж вылӧ петтӧдз, лыддьӧ асьыс гижӧдъяс, учебникъяс. Быттӧ быд лун сылӧн экзамен.

1975.12.14

Вс.

Нель час асылӧдз дасьті «Мир вежон чӧжӧн» передача —

радиолы. 6.30-ын нуи гижодъясөс радиостудияё. Узи сөмын часөн-джыныйөн.

Дасьті «Мир миян гөгөр» телевидениелы.

1975.12.15

Пн.

Панева пиняліскодь уна передачакөд йитчөмысь. Передача «Сёстры» пасйисны, кыз бур передача. Передача «От съезда к съезду» — ни лёк, ни бур. Эз торъя казътивны.

1975.12.16

Вт.

Асывсянь гартчө бушков.

Октябрьскөй проспект кузяла йөршитчөмаось машинаяс, сьорсьөн-бөрсьөн. Овлөны и тангысьомъяс. Лун-мөд сайын грузөвик водзө сюрис радиоса диктор Лиза Гофман. Сійө виччысис 15 номера автобус. Грузөвик веськыда зурөдіс автобус сувтанінас. Лизалөн повзылөм сөмын и вөлі. Талун телестудия бердын йоткалісны «ГАЗ-69», жугалөма моторыс. Сідз шусяна «пробка-яс» Октябрьскөй проспект вылын, Мичурин парксянь универсальнөй базаөдз, кар кузялаыс.

Сеті кварталса план Паневалы.

1975.12.17

Ср.

Асывнас ветлі Гарьяё, вайи Парасковья Егоровналы фотояс да почётнөй грамотаяс. Керкасө петкөдліс тётя Анна (сійө өні Гарьяын горт олө).

Парасковья Егоровна ордын пукаліс вежань, мыйкө кыис. Варовитыштім.

1975.12.18

Чт.

Асывнас ветлі школаё, но веськалі физкультура урок вылө. Сёрниті Лидия Александровнакөд. Викалөн проблема математи-каөн. Гуманитарнөй предметъяс сетчөныджык.

Босътчи печатайтны шыөдчөм сьөм кузя вильвояс козинъяс вылө. 1 «В» классын ме рөдительскөй комитетса юралысь.

Панева скөр чужөма: Кривошеин бракуйтөма өтувъя квар-тальнөй план телестудиялысь.

Ньөби «Современник» магазинысь Лермонтовлысь 1 том. Ставыс менам библиотекаын 600 книга. Ньөжйөникөн чукөрмө.

Редактируйті передачаяснымөс.

Лун помланьыс Кривошеин кабинетын кывзім, кутшөмөн колө лоны шогмана квартальнөй планлы.

Асывнас челядькөд садикө, рытнас — гортө. Юасьла, кыз-мый олісны.

Некымын лун сайын студия вөлі кольччө передачаяс пла-нысь, а өні передачаяссьө оз лэдзны эфирө — плансө вевтыртны оз позь.

1975.12.22

Пн.

Звөнитіс Белых Николай Фёдорович. Неважөн на быттё ми



Ёгоркӧд вӧлім сы ордын. Кажитчис, сылӧн семьяын ставыс лючки-ладнӧ. А талун Белых шуӧ: «Ола ӧтнам». Юксьӧмаӧсь гӧтырыскӧд.

Паневаӧс бӧрйисны горкомса членӧ. Партийнӧй уджыс, чай-та, сылы кажитчӧджык ӧнія уджсьыс.

Висьмӧма В.Напалков. «Коми му» телевизионнӧй журнал сы пыдди нуӧдіс Рая Забоева.

1975.12.23

Вт.

«Вильторъяс» тайкӧ эз петны. Висьмӧма машинистка.

Партийнӧй собрание. XXV съезд кежлӧ дасьтысьӧм йылысь доклад вӧчис Кривошеин В.В. Административнӧй боксянь Шарапов водзынджык, но идеологияын воӧдчыны Кривошеин тшупӧдӧдз — Шараповлы уджавны и уджавны на колӧ.

1975.12.25

Чт.

Асывнас Панева Н.З. кабинетын. Республикаын оз тырмы кӧрым скӧтлы, ӧна кольчӧ вӧр промышленность.

Тыри 80 арӧс Илля Васьлы. Сійӧ орччӧн Куратовкӧд, Г.Лыткинкӧд, В.Савинкӧд, Чисталёвкӧд. Казьтыла асьым кольӧм вося чужан лун. Воліс мянӧ гӧститны Илля Вась, Юрий Рочевкӧд. Воліс Англияса морт Джон Гордон Коутс. Уна гӧсьт пыраліс: Н.З.Панева, Шарапов гӧтырыскӧд, Валерия — тӧтя Анна-лӧн перна нылыс, улыс судтаыс Казаковъяс, Попов гозъя (телевидениеысь). Вӧлі шондіа лун. Ми видзӧдім А.Ларевлысь «Рытъя аддзысьлӧмъяс» телевидение пыр.



Снимокъяс вылын:

1. Владимир Васильевич Тимин.
 2. Ыбын. Шуйгаладорсянь: В.В.Кривошеин, В.И.Безносиков, В.В.Тимин.
 3. Гарьяын. Шуйгаладорсянь: мамыс Василиса Петровна, тётя Анна, батыс Василий Ефимович да Вика.
 4. Кулёмдінын.
 5. В.Тимин гортса библиотекаын.
 6. Англияса учёной Джон Гордон Коутс Сыктывкарын (сулалё веськыдладорсяньыс мёдыс).
- Снимокъясыс Тиминъяслён гортса архивысь.



ПЫДДИ ПУКТАНА АВТОРЪЯС!

Редакцияё гижодъяснытö ыстігөн быть колö юртны:

1. Ассыныд ним, вич, ов; кор да көні чужломныд (лун, төлысь, во).
2. Паспорт юръяс: номер, серия, кор да көні сетісны, гортса адрес (прописка серти).
3. Индивидуальной налогöвöй номер — ИНН (коддөн эм).
4. Страховöй свидетельство номер.
5. Банкын счёт реквизитъяс.

Тайöс юрттöг редакция гонорар оз вешты.

*Журналын йöзöдтöм гижодъяс
редакция оз рецензируют и авторыслы найöс оз мöдöд.
Редакция оз век во öти кывйö авторъяскöд.*

Компьютерный набор — **Н.Кузнецова.**

Учредители: Администрация Главы Республики Коми,
«Союз писателей Республики Коми» — региональное отделение общероссийской
общественной организации «Союз писателей России».

Издатель: АУ РК «Издательский дом Коми». Директор Плетцер Е.В.
Адрес издателя: 167982, ГСП-2, г. Сыктывкар, ул. Карла Маркса, д. 229, Дом печати.

Адрес редакции: 167982, ГСП-2, г. Сыктывкар, ул. Карла Маркса, д. 229, Дом печати.
Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).

E-mail: kodzuv@mail.ru; Сайт: www.komimu.com

Подписано к печати 15.11.2017. Дата выхода в свет 30.11.2017. Формат 70х108^{1/16}. Печать офсетная.
Усл. печ. л. 7; усл. кр.-отт. 8,4; учётно-изд. л. 7,54. Тираж 405. Заказ № 8920. Регистр. ПИ №
ТУ11 - 00347 от 24.03.2017 г. выдано Управлением Федеральной службы по надзору в сфере связи,
информационных технологий и массовых коммуникаций по Республике Коми. Публикация
материалов на социально значимые темы осуществляется за счет субсидии, предоставленной
Администрацией Главы Республики Коми из республиканского бюджета Республики Коми.
Отпечатано в ООО «Коми республиканская типография», 167610, г. Сыктывкар, ул. В.Савина, д. 81.
Цена свободная.

ВЫЛЬ НЕБӖГ

ББК 84(2=411.2)6-44
Н 27

Напалков В.Е. Прости, Аньтусь. Повести.— Сыктывкар: «Услуги типографии», 2017.— 378с.



ББК 84(2=411.2)6
Н 27

Напалков В.Е. Я вас люблю. Повести, поэма.— Сыктывкар: «Услуги типографии», 2017.— 311с.

Виктор Напалковлӧн гижӧдъясыс кыскӧны лыддысьысьӧс сӧйӧн, мый наын висьталӧмторсӧ босьтӧма збыль олӧмысь. Геройясӧс серпасалӧмыс, характеръясыс петкӧдлӧма сӧдзи, мый найӧ кажитчӧны ловъя йӧзӧн.

«Войвыв кодзув» журналын да ашшӧр книгясӧн Виктор Егоровичлӧн петалис нин дас кык повесыт да нӧль роман.

